

二十四史九通政典類要合編

南北朝

第五冊

新學  
知學  
知學

PDG

二十四史九通政典類要合編南北朝目錄

卷九十九 南北朝一

帝系一

宋帝號歷年 南齊帝號歷年 梁帝號歷年 陳帝號歷年 魏帝號歷年

北齊帝號歷年 周帝號歷年 隋帝號歷年

卷一百 南北朝二

帝系二

太上皇 太皇太后 皇太后母后臨朝稱制及推尊私親父母附 宋后妃 南齊后妃

梁后妃 陳后妃 魏后妃 北齊后妃 周后妃 隋后妃皇太子妃及後宮附

宋皇太子皇子 南齊皇太子皇子 梁皇太子皇子 陳皇太子皇子 魏皇太子皇子

北齊皇太子皇子 周皇太子皇子 隋皇太子皇子 宋公主

南齊公主 梁公主 陳公主 魏公主 北齊公主 周公主 隋公

主 南北和蕃公主

卷一百一 南北朝三

封建一

宋宗室諸王 宋列侯 南齊宗室諸王 南齊列侯 梁宗室諸王 梁列

侯 陳宗室諸王 陳列侯

卷一百一 南北朝四

封建一

魏宗室王公 魏列侯

卷一百二 南北朝五

封建三

北齊宗室諸王 北齊列侯 周宗室諸王 周列侯 隋宗室諸王 隋列

侯

卷一百四 南北朝六

職官一

宋官制 南齊官制

卷一百五 南北朝七

職官二

梁官制 陳官制

卷一百六

南北朝八

職官三

魏官制

北齊官制

卷一百七

南北朝九

職官四

周官制

隋官制

卷一百八

南北朝十

選舉

宋舉士

南齊舉士

梁舉士

陳舉士

魏舉士

北齊舉士

周舉士

隋舉士

李廉

賢選進納

宋舉官

南齊舉官

梁舉官

陳舉

官 魏舉官

周舉官

隋舉官

辟舉

考課

選舉雜議

卷一百九

南北朝十一

學校

宋太學

南齊太學

梁太學

陳太學

魏太學

北齊太學

周太學

隋太學

祠祭哀贈先聖先師

幸視太學

世子齒學

臨雍養老

郡國鄉黨之學 南北朝經籍

卷一百十 南北朝十二

食貨一

田賦總 宋田賦 南齊田賦 陳田賦 梁田賦 魏田賦 北齊田賦

周田賦 隋田賦 水利田 屯田 官田附籍田

卷一百十一 南北朝十三

食貨二

宋戶口 南齊戶口 梁戶口 陳戶口 魏戶口 北齊戶口 周戶口

隋戶口 宋職役 南齊職役 梁職役 陳職役 魏職役 周職

役 隋職役 宋錢幣 南齊錢幣 梁錢幣 陳錢幣 魏錢幣 北

齊錢幣 周錢幣 隋錢幣

卷一百十二 南北朝十四

食貨二

宋南市 南齊南市 梁南市 陳南市 魏南市 北齊南市 周南市

隋南市 宋鹽法 陳鹽法 魏鹽法 北齊鹽法 周鹽法 隋鹽

法 宋權酷 陳權酷 魏權酷 隋權酷 宋鐵冶 南齊鐵冶 梁

鐵冶 魏鐵冶 北齊鐵冶 隋鐵冶 宋雜稅 南齊雜稅 魏雜稅

北齊雜稅 隋雜稅 南北朝國用總 漕運 土貢 振恤 平糶常

平倉義倉附 蠲賦 鬻爵

卷一百十三 南北朝十五

禮一吉

宋郊天 南齊郊天 梁郊天 陳郊天 魏郊天 北齊郊天 周郊天

隋郊天 南齊大雩 梁大雩 陳大雩 魏大雩 北齊大雩 隋

大雩 宋明堂 南齊明堂 梁明堂 陳明堂 魏明堂 北齊明堂

周明堂 隋明堂 南齊祭日月 魏祭日月 周祭日月 隋祭日月

宋后土 南齊后土 梁后土 陳后土 魏后土 北齊后土 周后

土 隋后土 宋社稷 南齊社稷 梁社稷 陳社稷 魏社稷 北

齊社稷 周社稷 隋社稷 宋祀山川 梁祀山川 魏祀山川 周祀

山川 隋祀山川 宋先農 南齊先農 梁先農 魏先農 北齊先農

隋先農 宋先蠶 南齊先蠶 周先蠶 隋先蠶 宋祀五帝

南齊祀五帝 梁祀五帝 陳祀五帝 魏祀五帝 北齊祀五帝 周祀五

帝 隋祀五帝 天子七祀

卷一百十四 南北朝十六

禮二吉

宋告祭 南齊告祭 梁告祭 陳告祭 北齊告祭 周告祭 隋告祭

禮六宗 大蜡 祭星辰 宋宗廟 南齊宗廟 梁宗廟 陳宗廟

魏宗廟 北齊宗廟 周宗廟 隋宗廟 后妃宗廟 諸侯宗廟

大夫士庶宗廟 宋時享 南齊時享 梁時享 陳時享 魏時享 北

齊時享 周時享 隋時享 宋禘禘 梁禘禘 陳禘禘 魏禘禘

北齊禘禘 周禘禘 隋禘禘 上陵 祀三代帝王名臣附

卷一百十五 南北朝十七

禮三嘉

宋朝儀 南齊朝儀 梁朝儀 陳朝儀 魏朝儀 北齊朝儀 周朝儀

隋朝儀 天子加元服 皇太子冠 諸侯大夫士冠 天子納后 崇

冊皇太后冊后附 宋皇太子納妃 南齊皇太子納妃 梁皇太子納妃

陳皇太子納妃 北齊皇太子納妃 周皇太子納妃 隋皇太子納妃 公卿

大夫士庶婚 讀時令 冊拜皇太子 冊拜諸王侯 鄉飲酒 宴饗

卷一百十六 南北朝十八

禮四 軍賓

宋田獵 梁陳田獵 魏田獵 北齊田獵 周田獵 隋田獵 宋講武

南齊講武 魏講武 北齊講武 周講武 隋講武 大射 合朔

代鼓 時儺以上軍禮

三恪二王後 降王朝覲 宋和親 魏和親 北齊和親 周和親 隋

和親 宋四夷貢獻 南齊四夷貢獻 梁四夷貢獻 魏四夷貢獻 北齊

四夷貢獻 周四夷貢獻 隋四夷貢獻以上賓禮

卷一百十七 南北朝十九

禮五 凶

宋國恤 南齊國恤 梁國恤 陳國恤 魏國恤 北齊國恤 周國恤

隋國恤 宋山陵 南齊山陵 梁山陵 陳山陵 魏山陵 北齊

山陵 周山陵 隋山陵 銘旌 懸重 小斂 始喪服變 明器棺



飾 耐祭 虞祭 遣奠 喪服總期 葬服 改葬服總 臨弔

卷一百十八 南北朝二十

樂

宋樂制 南齊樂制 梁樂制 陳樂制 魏樂制 北齊樂制 周樂制

隋樂制 宋律呂 梁律呂 陳律呂 魏律呂 北齊律呂 隋律

呂

卷一百十九 南北朝二十一

輿服

宋冠冕服章 南齊冠冕服章 梁冠冕服章 陳冠冕服章 魏冠冕服章

北齊冠冕服章 周冠冕服章 隋冠冕服章 宋后妃命婦以下服飾 南

齊后妃命婦以下服飾 陳后妃命婦以下服飾 魏后妃命婦以下服飾 北齊

后妃命婦以下服飾 周后妃命婦以下服飾 隋后妃命婦以下服飾 宋璽印

劍佩 南齊璽印劍佩 梁璽印劍佩 陳璽印劍佩 北齊璽印劍佩 周

璽印劍佩 隋璽印劍佩

卷一百二十 南北朝二十二

輿服

宋車鹵 南齊車鹵 梁車鹵 陳車鹵 魏車鹵 北齊車鹵 周車鹵

隋車鹵 宋后妃車鹵 南齊后妃車鹵 梁后妃車鹵 魏后妃車鹵

北齊后妃車鹵 周后妃車鹵 隋后妃車鹵 南北各朝皇太子皇子車鹵

南北各朝冕 南北各朝冠 南北各朝車

卷一百二十一 南北朝二十三

兵制

宋兵制 南齊兵制 魏兵制 北齊兵制 周兵制 隋兵制 教閱

車戰 舟師水戰 陣伍 警衛兵仗 軍器 攻城戰具

卷一百二十二 南北朝二十四

刑法

宋刑法律例附 南齊刑法律例附 梁刑法律例附 陳刑法律例附 魏刑

法律例附 北齊刑法律例附 周刑法律例附 隋刑法律例附 刑法雜議

徒流配沒附 詳減平反附 贖刑 赦宥 守正 舞素 寬恕

峻酷

卷一百二十三 南北朝二十五

天文

七曜 瑞變各星及雲氣名狀 天變 日食 日變 月食月變 慶雲

風變 雨變 孛彗 月犯五星

卷一百二十四 南北朝二十六

曆

宋曆法 梁曆法 陳曆法 魏曆法 北齊曆法 周曆法 隋曆法

儀象制度

卷一百二十五 南北朝二十七

輿地一

宋封畛 南齊封畛 梁封畛 陳封畛 魏封畛 北齊封畛 周封畛

隋封畛 南北朝都邑十 六國都邑附 宋州郡

卷一百二十六 南北朝二十八

輿地二

南齊州郡

卷一百二十七 南北朝二十九

輿地三

梁輿地總 陳輿地總 魏州郡

卷一百二十八 南北朝三十

輿地四

北齊輿地總 周輿地總 隋州郡



二十四史九通政典類要合編卷九十九

南北朝一

帝系

宋帝號歷年

南齊帝號歷年

梁帝號歷年

陳帝號歷年

魏帝號歷年

北齊帝號歷年

周帝號歷年

高祖武皇帝諱裕字德輿小名寄奴漢高帝弟楚元王交之後也

按南史宋本紀交之二十一世孫

交生紅懿侯富

富生宗正辟彊辟彊生陽城繆侯德德生陽城節侯安民安民生陽城釐侯慶忌慶忌生陽城肅侯

岑岑生宗正平平生東武城令某某生東萊太守景景生明經洽洽生博士弘弘生瑯邪都尉惶惶

生魏定襄太守某某生邪城侯亮亮生晉北平太守膺膺生相國掾熙熙生開封令旭孫旭孫生混

始過江居晉陵郡丹徒縣之京口里官至武原令混生東安太守靖靖生郡功曹翹是為皇考高祖

永初元年追尊皇考翹為孝穆皇帝

宋書武帝紀

帝以晉哀帝興寧元年癸亥三月壬寅夜生及長雄傑有大度隆安五年晉帝以帝為下邳太守義

熙元年三月詔進帝侍中車騎將軍都督中外諸軍錄尚書事九月加帝領兗州刺史二年三月進

帝督交廣一州十月論匡復勳封帝豫章郡公邑萬戶四年正月徵帝入輔七年正月改授大將軍

揚州牧給班劍二十人八年十一月進帝太傅十二年十二月晉帝加帝位相國總百揆揚州牧封

十郡為宋公備九錫之禮位在諸侯王上十三年晉帝詔進宋公爵為王元熙二年晉帝禪位於宋

六月丁卯帝即位於南郊改元永初三年五月癸亥上崩於西殿七月酉時葬丹陽建康縣蔣山初

寧陵羣臣上諡曰武皇帝廟號高祖

南史宋本紀

上清簡寡欲嚴正有法度未嘗視珠玉輿馬之飾後庭無執綺絲竹之音賓州嘗獻虎魄枕光色甚麗時將北征以虎魄治金創上大悅命搗碎分付諸將平關中得姚興從女有盛寵以之廢事謝晦諫卽時遣出財帛皆在外府內無私藏故能光有天下克成大業者焉

宋書武帝紀南史宋紀同

至於宋祖受命義越前模晉自社廟南遷祿去王室朝權國命遞歸台輔君道雖存主威久謝桓溫雄才蓋世勳高一時移鼎之業已成天人之望將改自斯以後晉道彌昏道子開其禍端元顯成其末覺桓玄藉運乘時加以先父之業因基革命人無異心高祖地非桓文厥無一旅曾不決旬夷凶剪暴祀晉配天不失舊物誅內清外功格區宇至於鍾石變聲葉天改物民已去晉於延康之初功實靜亂又殊咸熙之末所以恭皇高遜殆均釋負若夫樂推所歸謳歌所集魏晉采其名高祖收其實矣盛哉

宋書武帝紀史臣論

宋高祖武皇帝彭城綏輿里人姓劉氏名裕以庚申受晉禪卽皇帝位時年五十七在位三年壬戌

崩壽六十

按南史作時年六十七

改元一

永初

通考帝系考

少帝諱義符小字車兵母張夫人晉義熙二年生帝於京口時武帝年踰不惑尙未有男及帝生甚悅年十歲拜豫章公世子帝膂力絕人善騎射解音律宋臺建拜宋世子元熙元年進爲宋太子武帝受禪立爲皇太子永初二年五月癸亥武帝崩是日太子卽皇帝位二年夏五月皇太后令暴帝

過惡廢爲營陽王一依漢昌邑晉海西故事六月癸丑徐羨之等使中書舍人邢安泰弑帝於金昌亭帝有勇力不卽受制突出昌門追以門關踏之致殞時十九

南史宋紀晉書少帝紀同

晉自社稷南遷王綱弛紊武皇將涉知命弱嗣方貞願有慈顏前無嚴訓少帝體易染之質稟可下之姿外物莫犯其心所欲必從其志嶮縱非學而能危亡不期而集其至顛沛非不幸也悲哉

南史宋紀

論

少帝名義符武帝長子以壬戌嗣立時年十七在位二年癸亥徐羨之等廢祔之壽十九改元一

景平

二 通考帝系考

太祖文皇帝小字車兒晉義熙三年生於京口永初元年封宜都郡王位鎮西將軍荊州刺史加都督時年十四景平二年少帝廢百官議所立徐羨之傅亮等備法駕奉迎入奉皇統改元元嘉元年秋八月丁酉帝卽位於中堂元嘉三十年二月甲子元凶劬構逆帝崩於含章殿諡景皇帝廟號中

宗三月癸巳葬長寧陵孝武帝踐祚追改諡曰文帝廟號太祖

宋書文帝紀南史宋紀同

帝聰明仁厚雅重文儒躬勤政事孜孜無怠加以在位日久惟簡靖爲心于時政平訟理朝野悅睦自江左之政所未有也又性存儉約不好奢侈

南史宋紀

太祖幼年特秀願無保傅之嚴而天授和敏之姿自稟君人之德及正位南面歷年長久綱維備舉條禁明密罰有恒科爵無濫品故能外清內晏四海謐如也授將遣帥乖分闕之命才謝光武而遙



制兵略至於攻日戰時莫不選聽成旨雖覆師喪旅將非韓白而延寇蹙境抑此之由及至言漏衮衮難結商豎雖禍生非慮蓋亦有以而然也嗚呼哀哉

宋書史臣論

太祖文皇帝名義隆武帝第三子封宜都王少帝廢大臣迎立之以甲子嗣立時年十六在位三十年癸巳爲元凶劬所弑壽四十六

按宋書南史皆作壽四十七

改元一

元嘉三十

通考帝系考

世祖孝武皇帝字休龍小字道人元嘉七年八月庚午夜生少穉穎神明爽發讀書七行俱下才藻甚美雄決愛武長於騎射十二年立爲武陵王二十二年累遷雍州刺史自晉江左以來襄陽未有皇子重鎮時文帝欲經略關河故有此授二十八年爲都督江州刺史三十年正月出次西陽之五洲會元凶弑逆上率眾入討四月己巳卽皇帝位大明八年閏五月庚申帝崩於玉燭殿時年三十五七月丙午葬於丹陽秣陵縣嚴山景寧陵

宋書武帝紀南史宋紀同

帝末年爲長夜之飲每旦寢輿盪嗽畢仍復命飲俄頃數斗悉几昏睡若大醉者或外有奏事便肅然整容無復酒色外內服其神明莫敢弛情

南史宋紀

役已以利天下堯舜之心也利已以及萬物中主之志也盡民命以自養樂紂之行也觀大明之世其將盡民命乎雖有周公之才之美猶終之以亂何益哉

宋書史臣論

世祖孝武皇帝名駿文帝第三子封武陵王元凶劬弑逆入討賊以甲午嗣立時年二十四在位十一年甲辰崩壽三十五改元一

孝建二

通考帝系考

前廢帝小字法師元嘉二十六年正月甲申生孝武鎮尋陽帝留都下二十年孝武入伐元凶囚帝於侍中下省將加害者數矣卒得無恙及孝武踐祚立爲皇太子大明八年閏五月庚午孝武崩其日太子卽皇帝位帝凶悖日甚誅殺相繼內外百官不保首領湘東王彧與左右阮佃夫王道隆李道兒密結帝左右壽寂之姜產之等十一人謀共廢帝壽寂之懷刀直入姜產之爲副諸姬迸逸廢帝亦走追及之大呼寂寂如此者二手不能舉乃崩於華光殿時年十七葬丹陽秣陵縣南郊壇西

宋書前廢帝紀

南史宋紀同

帝幼稍急在東宮每爲孝武所責少好讀書頗識古事粗有文才自造孝武帝誅及雜篇章往往有

辭采其餘事迹分見諸列傳

南史宋紀

廢帝之事行善於篇若夫武王數殷紂之罪不能絀其萬一霍光書昌邑之過未足舉其毫釐假以中才之君有一於此足以實社稷宗污宮瀕廟况總斯惡以萃一人之體乎其得亡亦爲幸矣

宋書史臣

論

前廢帝名子業孝武帝長子以甲辰嗣立時年十六在位一年荒淫無道遇弑壽十七改元一

景和元

通考帝  
系考

太宗明皇帝字休景小字榮期元嘉十六年十月生二十五年封淮陽王二十九年改封湘東王孝武踐祚累遷鎮軍將軍雍州刺史泰始元年卽大明九年也魏和平六年冬十二月丙寅皇帝卽位

於太極前殿泰豫元年四月己亥上疾大漸崩於景福殿時年三十四五月戊寅葬臨沂縣莫府山

高寧陵 宋書明帝紀  
南史宋紀同

帝好讀書受文義在藩時撰江左以來文章志又續衛瓘所注論語二卷及卽大位舊臣才學之士多蒙引進末年好鬼神多忌諱言語文書有禍敗凶喪疑似之言應回避者死卽加戮內外常慮犯觸人不自保及泰始泰豫之際左右失旨往往有剗斷截禁中慄慄若踐刀劍軍旅不息府藏空虛天下騷然民不堪命宋氏之業自此衰矣

南史宋紀

太祖負展南面實有君人之懿焉經國之義雖宏而隆家之道不足太宗因易隙之情據已行之典翦落洪枝顧不待慮旣而本根無庇幼主孤立神器以焚弱傾移蓋履霜有漸堅冰自至所從來遠也

宋書史臣論

太宗明皇帝名或文帝第十一子封淮陽王廢帝遇弒以乙巳嗣立時年二十六在位八年壬子崩

壽三十四改元二

泰始七  
泰豫一

通考帝  
梁考

後廢帝字德融大明七年正月辛丑生於衛尉府帝母陳氏李道兒妾明帝納之故人呼帝爲李氏子帝亦自稱李將軍泰始二年立爲皇太子明帝崩庚子卽皇帝位元徽五年七月戊子夜帝遇弒於仁壽殿時年十五己丑皇太后令貶帝爲蒼梧王葬丹陽秣陵縣郊壇西

宋書後廢帝紀  
南史宋紀同

初昱在東宮年五六歲時始就書學而情業好嬉戲王師不能禁年漸長喜怒乖節左右有失旨者

輒手加撲打宋書後廢帝紀南史同

喪國亡家之王雖嫡末同途發軔或異也前廢帝卑游褻幸皆龍駕帝飾傳警清路蒼梧王則傳璽懷絨魚服忘反危冠短服匹馬孤征至於殞身獲祚其理若一姬夏之隆質文異尚亡國之道其亦

然乎宋書史臣論

後廢帝名昱明帝太子以癸丑嗣立時年二十一在位五年丁巳以無道遇弑年二十五改元一歲

四通考帝系考

順皇帝字仲謨小字知觀泰始五年七月癸丑生七年封安成王廢帝卽位加揚州刺史元徽四年進號驃騎大將軍及廢帝殞蕭道成奉太后命迎王入居朝堂昇平元年秋七月壬辰皇帝卽位三年四月辛卯帝禪位於齊壬辰遜於東邸是日王敬則以兵陳於殿庭帝既出宮人行哭俱還備羽儀乘畫輪車出東掖門封帝爲汝陰王居丹徒宮齊兵衛之建元元年五月己未監人殺王而以疾赴六月乙酉葬於遂寧陵諡曰順帝宋之王侯無少長皆幽死矣宋書順帝紀南史宋紀同

聖主膺錄自非接亂承微則天慙不至也自受命以來三五之王莫不乘淪亡之極然後扶樂推之運水德遷謝其來久矣豈止於區區汝陰揖讓已哉宋書史臣論

順皇帝名準明帝第三子封安成王廢帝殞蕭道成奉太后令立之以丁巳嗣立在位三年以己未

禪於齊遇害壽十歲改元一昇明通考帝系考

二十四日九道文典頁要言

卷九十九

朝代明 帝系

四 約雅堂藏板

右宋八帝共六十年首庚申盡己未

通考帝系考

### 右宋帝號歷年

太祖高皇帝諱道成小字闕將漢相國肅何二十四世孫也何子鄴定侯延生侍中彪彪生公府掾章章生皓皓生仰仰生御史大夫望之望之生光祿大夫育育生御史中丞紹紹生光祿勳闕闕生濟陰太守闕闕生吳郡太守永永生中山相苞苞生博士周周生軼邱長矯矯生州從事達達生孝廉休休生廣陵府丞豹豹生大中大夫裔裔生淮陰令整整卽邱令僑僑生輔國參軍樂子樂子生皇考承之蕭何居沛侍中彪免官居東海蘭陵縣淮陰令整整過江居武進縣之東城里寓居江左者皆僑置本土加以南名於是爲南蘭陵人也

南齊書高帝紀

高帝以宋元嘉四年丁卯歲生宋明帝卽位爲右軍將軍泰始七年拜散騎常侍明帝崩遺命爲右衛將軍共掌機事元徽二年桂陽王休範舉兵於尋陽帝分遣取軍擊平賊進爵爲公蒼梧王遇害帝迎立順帝加侍中司空錄尚書事封竟陵郡公昇明二年沈攸之平進帝太尉都督九月加帝假黃鉞都督中外諸軍事劍履上殿三年四月甲午受宋禪政元建元卽皇帝位於南郊四年二月壬戌崩於臨光殿諡曰高皇帝廟號太祖四月丙午葬於武進泰安陵

南齊書高帝紀南史齊紀同

上少有大量喜怒不形於色深沈靜默常有四海之心博學善屬文工草隸書每日使我臨天下十年當使黃金與土同價欲以身率下移風易俗其宏厚如此

南史齊高帝紀

於皇太祖有命自天同度宇宙合量山淵宋德不紹神器虛傳寧亂以武黜暴資賢庸發西疆功興北翰坑威京肇坐清江漢文藝在躬芳塵淵塞用下以才鎮民以德端已雄醉君臨尊默苞括四海

大造家國

南齊書高帝紀贊

齊太祖高皇帝東海蘭陵郡人姓蕭名道成以己未歲受宋禪卽皇帝位時年五十二在位四年壬

戌崩壽五十五

按南齊書南史皆作壽五十六改元一

建元通考帝系考

世祖武皇帝字宣遠小諱龍兒生於建康青溪宅其夜陳孝后劉昭后同夢龍據屋上故字上焉元

徽四年以上行野州事昇明二年轉散騎常侍封聞喜縣侯三年進爵爲公齊國建爲齊公世子太

祖卽位爲皇太子建元四年三月壬戌太祖崩上卽位十一年秋七月上崩於延昌殿諡曰武皇帝

廟號世祖九月丙寅葬景安陵

南齊書武帝紀南史齊紀同

上剛毅有斷政總大體以富國爲先願喜游晏彫綺之事言常恨之未能頓遣臨崩又詔凡諸游費

宜從休息自今遠近薦厥務存節儉不得出界營求相高者麗金粟續續弊人已甚珠玉玩好傷俗

尤重嚴加禁絕

南史齊紀南齊書同

武帝丕顯徽號止戈韶嶺啟視彭派澄波威承景厯肅御金科北懷戎款南獻夷歌市朝晏逸中外

甯和

南齊書武帝紀贊

世祖武皇帝名蹟高帝長子以壬戌嗣立時年四十二在位十二年癸酉崩壽五十三

按南齊書南史皆作壽五

五

卷九十九

齊紀

帝系

五

約雅堂藏板

十改元一永明 通考帝系考

廢帝鬱林王字元尚文惠太子長子也小名法身世祖即位封南郡王永明十一年文惠太子薨立為皇太孫居東宮世祖崩太孫即位帝既失道朝事大小皆決之西昌侯鬱繼有諫多不見從乃疑繼有異志又謀出繼於西州鬱感變使蕭謀等領兵先入宮帝走向愛姬徐氏房拔劍自刺不入以帛纏頸與接出延德殿謀初入殿宿衛將士皆衛執弓楯欲戰謀曰所取自有入卿等不須動宿衛信之及帝出名欲自奮帝竟無一言出西弄遇弑身尸出徐龍駒宅殯葬以王禮南史齊紀南齊書鬱林王紀同鬱林王風華外美眾所同惑伏情隱詐難以貌求立嫡以長未知瑕釁世祖之心不變周道既而嘗鄙內作兆自宮闈雖為害未遠足傾社稷春秋書梁伯之過言其自取亡也南齊書鬱林王史論

廢帝名昭業武帝長孫立為太孫以癸酉嗣立為西昌侯鬱廢而弑之二十二歲再立海陵王昭文

復廢之改元二隆昌 通考帝系考

廢帝海陵恭王諱昭文字季尚文惠太子第二子也永明四年封臨汝公鬱林王即位改封新安王及鬱林廢西昌侯鬱奉帝纂統延興元年秋七月丁酉即皇帝位是時宣城王鬱輔政帝皆諮而後行辛亥皇太后令廢帝為海陵王使宣城王入纂皇統十一月稱王有疾數遣御史往視乃殞之諡

曰恭南齊書海陵王紀南史同

高祖明皇帝字景柶小字玄度少孤高帝撫育過諸子宋泰豫元年為安吉令有嚴能之名昇明中

累遷淮南宣城二郡太守進號輔國將軍高帝踐祚封西昌侯隆昌元年即本號為大將軍海陵王立為驃騎大將軍錄尚書事封宣城王未拜太后令廢海陵王以上八篡高帝為第三子羣臣三請乃受命建武元年冬十月癸亥皇帝即位大赦改元永泰元年秋七月己酉帝崩於正福殿諡曰明皇帝廟號高宗葬興安陵

南齊書明帝紀  
南史齊紀同

帝明審有吏才持法無所借制御親幸臣下肅清罷世祖所起新林苑以地還百姓廢文帝所起太子東田斤賣之性猜忌多慮故重行誅戮潛信道術用計數出行幸先占利害上初有疾無輒聽覽其秘慎如此

南齊書明帝紀  
南史齊紀同

高宗傍起宗國之慶慕名儉德垂文法令兢兢小心察察吏政沔陽失土南風不競

南齊書明  
帝紀贊

高宗明皇帝名鸞始安貞王道生之子既廢二帝以甲戌嗣立時年四十二在位五年戊寅崩壽四

十六

按南齊書南史  
皆作壽四十七

改元二建武四  
永泰一 通考帝  
系考

廢帝東昏侯字智藏本名明賢明帝輔政後改焉建武元年立為皇太子永泰元年七月己酉明帝崩太子即皇帝位永元元年春正月戊寅朔大赦改元三年十二月丙寅新除雍州刺史王珍國侍中張稷率兵入殿殺帝時年十九宣德太后令依漢海昏侯故事追封東昏侯

南史齊紀南齊  
書東昏侯紀同

帝在東宮便好弄不喜書學高宗亦不以為非但勗以家人之行高宗臨崩屬以後事以隆昌為戒曰作事不可在人後故委任羣小誅諸宰臣無不如意性重澀少言不與朝士接惟親信聞人親幸



小人因緣為奸南齊書東昏侯紀南史齊紀同

東昏侯亡德橫流道歸拯亂躬當蕪戮寶啓太平推闡監之名字亦天意也南齊書史臣論

廢帝名寶卷明帝第二子以己卯嗣立時年十六立三年辛巳無道遇弑壽十八按南齊書南史皆作年十九改

元一永元通考帝系考

和帝字智昭建武元年封隨郡王永元元年改封南康王出為西中郎將荊州刺史督九州軍事二

年十二月乙亥羣僚勸進並不許三年正月乙巳王受命大赦二月己巳羣僚上尊號立宗廟及南

北郊中興元年春三月乙巳皇帝即位大赦改永元二年為中興中興二年春正月甲寅加大司馬

蕭衍位相國梁公備九錫禮三月庚戌車駕東歸至姑熟丙辰遜位於梁梁受命奉帝為巴陵王宮

於姑熟戊辰巴陵王殂南史齊紀南齊書和帝紀同

夏以桀亡殷隨紂滅郊天改朔理無延世而皇符所集重興西楚神器塹來雖有冥數徽名大號斯

為幸矣南齊書史臣論

和帝名寶融明帝第八子以辛巳嗣立禪於梁遇害壽十五改元一中興通考帝系考

右齊六帝共二十三年首己未盡辛巳通考帝系考海陵王無考

右南齊帝號歷年

高祖武皇帝字叔達小字練兒南蘭陵中都里人姓蕭氏與齊同承淮陰令整整生皇高祖籍位濟

陰太守銘生皇曾祖副子位州治中從事副子生皇祖道賜位南臺治書侍御史道賜生皇考諱順

之字文緯於齊高帝爲始族弟

南史梁紀

高祖以宋孝武大明八年甲辰歲生於秣陵縣同夏里三橋宅生而有奇異兩髀駢骨頂上隆起有文在右手曰武帝爲兒時能蹈空而行及長博學多通好壽略有文武才幹高祖每謂所親曰宰制天下必在此人隆昌初明帝輔政起高祖爲賓湖將軍鎮壽春封建陽縣男建武四年以帝爲輔國將軍永元三年以帝爲征東將軍三月廢東昏爲涪陵王以帝爲尚書左僕射假黃鉞中興二年進帝位相國總百揆封十郡爲梁公備九錫之禮三月癸巳受梁王之命四月辛酉百官上表勸進帝謙讓不受丙寅卽皇帝位於南郊改元天監元年太清三年五月丙辰帝崩於淨居殿遷梓宮於太極前殿十一月乙卯葬於修陵追尊爲武皇帝廟號高祖

梁書武帝紀南史梁紀同

帝性淳孝哀動左右少而篤學能事畢究雖萬機多務猶卷不輟手燃燭側光常至戊夜撰通史六百卷金海三十卷制旨孝經義周易講疏及六十四卦二繫文言序卦等義樂社義毛詩春秋答問尚書大義中庸講疏孔子正言孝經講疏凡二百餘卷王侯朝臣皆奉表質疑帝皆爲解釋修飾國學增廣生員立五館置五經博士及登賢位躬制贊序詔誥銘誄頌牋奏諸文又百二十卷六藝備閑其登逸品陰陽緯候卜筮占決草隸尺牘騎射莫不稱妙晚乃溺信佛道日止一食膳無鮮腍

惟豆羹糲飯而已

南史梁紀

高祖英武睿哲翦暴夷凶興文學修郊祀治五禮定六律因聰既達萬機斯理治定功成遠安邇肅南超萬里西拓五千三四十年斯為盛矣自魏晉以降未有及焉及乎老年委事羣倖然朱吳之徒作威作福扶朋樹黨政以賄成是以朝經混亂賞罰無章小人道長抑此之謂遂使滔天羯寇乘間掩襲塗炭黎元黍離宮室雖歷數斯窮蓋亦人事然矣

梁書史臣論

梁高祖武皇帝南蘭陵中都里人姓蕭氏名衍以壬午歲受齊禪時年三十五在位四十八年己巳

崩壽八十二

按梁書南史皆作壽八十六

改元七

天監十八

普通七

大同十一

中大通二

中大通六

通考帝承考

太宗簡文皇帝字世纘小字六通昭明太子母弟也天監二年十月丁未生於顯陽殿五年封晉安

王中大通三年四月乙巳昭明太子薨立為皇太子太清三年五月丙辰高祖崩辛巳即皇帝位大

寶三年十月壬寅王偉等進觴於帝曰丞相以陛下憂憤既久使臣上壽帝笑曰壽酒不得盡此乎

於是並資酒餼曲項琵琶與帝飲帝知不免乃盡酣曰不圖為樂一至於斯既醉寢偉乃出彭儁進

土裏王修纂坐其上於是太宗崩於永福省賊偽諡曰明皇帝廟稱高宗世祖追崇為簡文皇帝廟

曰太宗四月乙丑葬莊陵

梁書簡文帝紀南史梁紀同

帝幼而聰睿六歲便能屬文及長器宇寬宏未嘗見喜愠方頤豐下須鬢如畫眄睐則目光燭入讀

書十行俱下辭藻豔發博綜羣言善談元理自十一便能親庶務歷試藩政所在稱美文案簿領纖

毫必察宏納文學之士賞接無倦

南史梁紀梁書簡文帝紀同

太宗敏盾過人神采秀發多聞博達富瞻詞藻然文豔用寡華而不實體窮淫麗義罕疏通哀思之音遂移風俗以此而貞萬國異乎周誦漢莊矣我生不辰載離多難桀猾構扇巨逆滔天始同羗里之拘終類望夷之禍悠悠香臭其可問哉

南史梁紀論

太宗簡文皇帝名綱武帝第二子昭明太子薨立為太子以己巳嗣立三年辛未侯景廢而弑之壽

四十九改元一

大寶通考帝系考

世祖孝元皇帝字世誠小字七符天監七年八月丁巳生十三年封湘東郡王大通四年進號平西將軍太清三年三月侯景寇沒京師詔以世祖為侍中假黃鉞承聖元年冬十一月丙子世祖即皇帝位於江陵三年十一月魏軍大攻世祖出柩柩門親臨陣督戰六軍敗績反者斬西門關以納魏師城陷於西魏世祖見執如蕭督營辛未西魏害世祖遂崩焉明年四月追尊為孝元皇帝廟曰世

祖梁書孝元帝紀南史梁紀同

帝聰悟俊朗天才英發出言為論音響若鐘及長好學博極羣書帝性不好聲色願慕高名工書善畫自畫宣尼像為之贊而書之時人謂之三絕性好矯飾多猜忌於名無所假人微有勝己者必加毀害雖骨肉亦被其禍性愛書籍雖戎略殷湊機務繁多軍書羽檄文章詰諧毫便就殆不游手

南史梁紀梁書孝元帝紀同

元帝以磐石之宗受分陝之任屬君親之難居連率之長不能撫劍嘗膽枕戈泣血躬先士卒致命

前驅遂乃擁眾逡巡內懷缺望坐觀國變以爲身幸不急莽卓之誅先行昆弟之戮又沈猜忍酷多

行無禮雖元惡克翦社稷未寘而西隣責言禍敗旋及天道人事其可誣乎

南史梁紀論

世祖孝元皇帝名繹武帝第七子封湘東王侯景篡立王僧辨等起兵討誅景以王申嗣立在位三

年甲戌爲西魏所滅遇害壽四十七改元一

承聖 通考帝系考

敬皇帝字慧相小字法真太清三年封興梁侯承聖元年封晉安王三年十一月江陵陷以帝爲太

宰承制奉迎還京師四年二月癸丑至自尋陽入居朝堂九月丙午帝卽皇帝位太平二年十月禪

於陳一依唐虞宋齊故事陳王踐詐奉帝爲江陰王薨於外邸追諡敬皇帝

梁書敬帝紀南史梁紀同

敬帝遭家不造紹茲屯運征伐有所自出政刑不由於己時無伊霍之禍焉得不爲高讓與

南史梁紀論

敬皇帝名方智元帝第九子封晉安王魏克江陵陳霸先等迎立之以乙亥嗣立在位三年丁丑禪

於陳遇害壽十六改元二

紹泰一 通考帝系考

右梁四帝共五十六年首壬午盡丁丑

通考帝系考

### 右梁帝號歷年

高祖武皇帝字興國小字法生吳興長城下若里人漢太邱長陳寔之後也世居潁川寔玄孫準晉

太尉準生匡匡生達永嘉南遷爲丞相掾歷太子洗馬出爲長城令悅其山水遂家焉嘗謂所親曰

此地山川秀麗富有王者興二百年後我子孫必鍾斯運達生康復爲丞相據風和土斷故爲長

城人康生盱眙太守英英生尚書郎公弼公弼生步兵校尉鼎鼎生散騎侍郎高高生懷安令詠詠

生安成太守猛猛生太常卿道巨道巨生皇考文讚

陳書高祖紀

高祖以梁天監二年癸未歲生少儻有大志不治生產既長讀兵書多武藝明達果斷爲當時所

推服太清元年除振遠將軍西江督護大寶元年改封南野縣承聖三年三月進高祖位司空太平

元年進高祖位丞相錄尚書事八月甲午進高祖位太傅加黃鉞劍履上殿永定元年冬十月乙亥

高祖卽皇帝位於南郊三年六月高祖疾甚丙午崩於瑤璣殿遺詔追臨川王蒨入纂甲寅大行皇

帝遷殯於太極殿西階秋八月甲午諡曰武皇帝廟號高祖丙申葬萬安陵

陳書高祖紀南史陳紀同

帝雄武多英略性甚仁愛及居阿衡恒崇寬簡雅尚儉素常膳不過數品私饗曲宴皆瓦器蟻盤肴

核庶羞裁令充足不爲虛費初平侯景及立敬帝子女玉帛皆班將士其充闕房者衣不重采飾無

金翠聲樂不列於前踐祚之後彌厲恭儉故能隆功茂德光於江左云

南史陳紀陳書高祖紀同

武帝以雄毅之姿屬殷憂之運功存拯溺道濟橫流應變無方蓋惟人傑及乎西都盪覆江表阽危

僧辯任同伊尹空結桐宮之恨貞陽入假秦兵不息穆羸之泣帝乘隙以舉乃蹈玄機王業所基始

自於此柴天改物蓋有憑云

南史陳紀論

陳高祖武皇帝吳興長城下若里人姓陳氏名霸先以丁丑受梁禪時年五十四在位三年己卯崩

壽五十六

按陳書南史皆作壽五十七

改元一永定

通考帝系考

世祖文皇帝字子華少沈敏有識量美姿儀留意經史武帝甚愛之常稱吾家英秀高祖圍石頭侯景欲加害者數矣會景敗帝乃得出起家吳興太守高祖受禪立爲臨川王永定三年武帝崩皇后稱遺詔徵帝入纂皇統六月甲寅卽皇帝位於太極前殿天康元年四月癸酉帝崩於有覺殿六月甲子羣臣上謚曰文皇帝廟號世祖丙寅葬永寧陵

陳書世祖紀  
南史陳紀同

文帝起自布衣知百姓疾苦國家資用務從儉約妙識眞僞下不容姦一夜內剽聞取外事分判者前後相續每難人伺漏傳纖於殿中者令投籤於階石上鎗然有聲云吾雖得眠亦令驚覺其自強

若此云

南史陳紀陳  
書世祖紀同

世祖自初發跡功庸顯著海亂靜寇首佐大業及國禍奄臻入承寶祚兢兢業業眞若馭朽加以崇尙儒術愛悅文義見善如弗及用人如由己恭儉以御身勤勞以濟物自昔允文允武之君東征西怨之后資寶之迹可爲聯類至於杖聽明用鑒識斯則永平之政前史其論諸

陳書世  
祖紀論

世祖文皇帝名構武帝兄始興昭烈王之長子武帝受禪爲臨川王以庚辰嗣立七年丙戌崩壽四

十五改元二

天嘉六  
天康一

通考帝  
系考

廢帝字奉業小字藥王梁承聖三年五月庚寅生永定二年二月戊辰拜臨川王世子三年世祖嗣位八月庚戌立爲皇太子天康元年四月癸酉世祖崩其日太子卽皇帝位於太極前殿光大二年十一月甲寅慈訓太后集羣臣於朝堂令曰伯宗昔在儲宮本無令問及居崇極遂聘凶淫今可特

降爲臨海郡王送還藩邸是日帝出居別第太建二年四月乙卯薨

陳書廢帝紀  
南史陳紀同

帝仁弱無仁君之器世祖每慮不堪繼業既居家嫡廢立事重是以依違積載及疾將大漸召高宗

謂曰吾欲遵太伯之事高宗初未達旨後寢乃拜伏涕泣固辭其後宣太后依詔廢帝焉

陳書廢帝紀

臨海雖繼體之重仁厚懦弱混一是不驚得喪蓋帝摯漢惠之流也世祖知神器之重諒難負荷深

鑒堯旨弗傳實詐焉

陳書廢帝紀論

廢帝名伯宗文帝長子以丙戌嗣立任位三年戊子安成王頊廢之而自立夫幾伯宗崩壽十九改

元一光太一

通考帝系考

高宗孝宣皇帝字紹世小字師利梁中大通二年七月辛酉生有赤光滿室少寬大多智略及長有

勇力善騎射永定元年遙襲封始興郡王世祖嗣位改封安成王天嘉二年自周還授侍中中書監

四年加開府儀同三司廢帝卽位拜司徒光大二年十一月慈訓太后令廢帝爲臨海王以高宗入

纂太建元年正月甲午卽皇帝位於太極前殿十四年正月己酉上弗豫甲寅崩於宣福殿二月辛

卯羣臣上諡曰孝宣皇帝廟號高宗癸巳葬顯寧陵

陳書宣帝紀  
南史陳紀同

帝之在田本有恢宏之度及居尊位實允天人之屬於時國步初弭創痍未復淮南之地並入於齊

帝志復舊境意及侵地疆弱之形理則懸絕及周丘滅齊乘勝而舉略地還至江際自此懼矣

南史陳紀

高宗器度宏厚亦有人君之量焉世祖知家嗣仁弱弗可傳於寶位高宗地居姬旦世祖情存太伯



及平弗念大事咸悉焉至於纂業萬機平理命將出師克淮南之地開拓土宇靜謐封疆享國十餘年志大意逸呂梁覆軍大喪師徒矣江左削弱抑此之由嗚呼蓋德不逮文智不及武雖得失自我

無禦敵之略焉

陳書宣帝紀論

高宗宣皇帝名瑱始興昭烈王次子以戊子嗣立時年四十在位十五年壬寅崩

按陳書南史皆作崩年五十三改

元一 太建十四

通考帝系考

後主字元秀小字黃奴梁承聖二年十一月戊寅生於江陵天嘉三年立爲安成王世子太建元年正月甲午立爲皇太子十四年正月高祖崩丁巳太子卽皇帝位於太極前殿禎明二年隋遣晉王廣衆軍來伐三年正月甲申隋軍自南掖門入後主自投於井爲隋軍所執三月己巳後主與王公百司發自建業入於長安隋仁壽四年十一月壬子薨於洛陽追贈大將軍封長城縣公諡曰煬葬

河南洛陽之芒山

陳書後主紀南史陳紀同

後主因削弱之餘鍾滅亡之運政刑不樹加以荒淫夫以三代之隆歷世數十及其亡也皆敗於婦

人況以區區之陳其獲支數年亦爲幸矣

南史陳紀論

後主昔在儲宮早標令德及南面繼業寔允天人之望至於禮樂刑政咸遵故典加以宏深六藝廣闢四門是以待詔之徒爭趨金馬稽古之秀雲集石渠且梯山航海朝貢者往往歲至矣自魏正始晉中朝以來貴臣雖有識治者皆以文學相處空關庶務文案簿領咸委小吏後主因循未遑改革

故施文慶沈客卿之徒專掌軍國要務是以朝經墮廢禍生隣國斯亦運鍾百六鼎玉變遷非惟人事不昌亦天意然也

陳書後主紀論

後主名叔寶宣帝太子以王實嗣立年三十在位七年己酉隋滅之

按陳書南史皆作壽五十二 改元二 至德四

右陳五帝共二十三年首丁丑盡己酉

通考帝系考

### 右陳帝號歷年

昔黃帝有子二十五人或內別諸華或外分荒服昌意少子受封北土國有大鮮卑山因以爲號其後世爲君長統幽都之北廣漠之野畜牧遷徙射獵爲業淳樸爲俗簡易爲化不爲文字刻木紀契而已世事遠近人相傳授如史官之紀錄焉黃帝以土德王北俗謂土爲托謂后爲跋故以爲氏其裔始均入仕堯世逐女魃於弱水之北民賴其勤帝舜嘉之命爲田祖爰歷三代以及秦漢種繁獫狁山戎匈奴之屬累代殘暴作害中州而始均之裔不交南夏是以載籍無聞焉積六十七世至成皇帝諱毛立聰明武略遠近所推統國三十六大姓九十九威振北方莫不率服崩 節皇帝諱貸立崩 莊皇帝諱觀立崩 明皇帝諱權立崩 安皇帝諱越立崩 宣皇帝諱推寅立南邊大澤方千餘里厥土昏冥沮洳謀更南徙未行而崩 景皇帝諱利立崩 元皇帝諱侯立崩 和皇帝諱肆立崩 定皇帝諱機立崩 僖皇帝諱蓋立崩 威皇帝諱僧立崩

魏書帝紀

獻皇帝諱隣立時有神人言於國曰此土荒遐未足以建都邑宜復徙居帝時年衰老乃以位授子

聖武皇帝諱詰汾嘗率數萬騎田於山澤歛見輻輳自天而下既至見美婦人待衛甚盛帝異而問之對曰我天女也受命相偶遂同寢宿且請還曰明年周時復會此處言終而別去如風雨及期帝至先所田處果復相見天女以所生男授帝曰此君之子也善養視之子孫相承當世爲帝王語訖而去子卽始祖也故時人諺曰詰汾皇帝無婦家力微皇帝無舅家帝崩

魏書  
帝紀

始祖神元皇帝諱力微立生而英獻元年歲在庚子三十九年遷於定襄之安樂四十八年帝至自晉 五十六年帝復如晉其年冬還國衛瓘以帝爲人雄異恐爲後患乃密啓晉帝請留不遣晉帝難於失信不許瓘復請以金錦賂國之大人令致間隙使相危害晉帝從之遂留帝於是國之執事及外部大人皆受瓊貨 五十八年方遣帝始祖聞帝歸大悅使諸部大人詣陰館迎之酒酣帝仰視飛鳥請諸大人曰我爲汝曹取之援彈飛丸應弦而落時國俗無彈衆咸大驚乃相謂曰太子風采被服同於南夏兼奇術絕世若繼國統變易舊俗吾等必不得志不若在國諸子習本淳樸咸以爲然且離間素行乃謀危害並先馳還始祖問曰我子既歷他國進德何如皆對曰太子才藝非常引空弓而落飛鳥是似得晉人異法怪術亂國害民之兆惟願察之自帝在晉之後諸子愛龍曰進始祖年踰期願頗有所惑聞諸大人之語意乃有疑因曰不可容者便當除之於是諸大人乃馳詣塞南矯害帝旣而始祖甚悔之帝身長八尺英姿瓌偉在晉之日朝士英俊多與親善雅爲人物歸仰後乃追諡焉其年始祖不豫烏丸王庫賢親近任勢先受衛瓘之貨故欲沮動諸部因在庭中

礪鉞斧諸大人問欲何爲答曰上恨汝曹讒殺太子今欲盡收諸大人長子殺之大人皆信各各散

走始祖尋崩凡饗國五十八年年一百四歲太祖卽位尊爲始祖

魏書帝紀

章皇帝諱悉鹿立始祖之子也諸部離叛國內紛擾饗國九年而崩

魏書帝紀

平皇帝諱綽立章帝之少弟也雄武有智略威德復舉七年匈奴宇文部大人莫槐爲其下所殺更

立莫槐弟普撥爲大人帝以女妻撥子丘不熱帝饗國七年而崩思皇帝諱弗立文帝之少子也聰

哲有大度爲諸父兄所重政崇寬簡百姓懷服饗國一年而崩

魏書帝紀

昭皇帝諱祿官立始祖之子也分國爲三部帝自以一部居東在上谷北瀋源之西東接宇文部以

文帝之長子桓皇帝諱猗也統一部居代郡之參合陂北以桓帝之弟穆皇帝諱猗盧統一部居定

襄之盛樂故城自始祖以來與晉和好百姓乂安財富富實控弦騎士四十餘萬是歲穆帝始出并

州遷雜胡北徙雲中五原朔方又西渡河擊匈奴烏桓諸部自杏城以北八十里迄長城原夾道立

碣與晉分界二年葬文帝及皇后封氏十二年賓人李雄僭帝號於蜀自稱大成十三年昭帝

崩徒何大單于慕容廆遣使朝貢

魏書帝紀

穆皇帝天姿英特勇略過人昭帝崩後遂總攝三部以爲一統三年晉并州刺史劉琨遣使以子

遵爲質帝嘉其意厚報饋之六年城盛樂以爲北都脩故平城以爲南都築新平城晉人謂之小

平城使長子六脩鎮之統領南部九年帝召六脩六脩不至帝怒討之失利乃徵服民間遂崩普

根先守外境聞難來赴攻六脩滅之衛雄姬澹率晉人及烏丸三百餘家隨劉遵南奔并州普根立

月餘而薨普根子始生桓帝后立之其父普根子又薨是年李雄遣使朝貢

魏書  
帝紀

平文皇帝諱鬱律立思帝之子也委質雄壯甚有威略元年歲在丁丑二年劉虎據朔方來侵西

部帝逆擊大破之虎單騎迸走其從弟路孤率部落內附帝以女妻之西兼烏孫故地東吞勿吉以

西控弦上馬將有百萬劉聰死子榮僭立爲其將靳準所殺淵族子曜僭立帝聞晉愍帝爲曜所害

願謂大臣曰今中原無主天其資我乎劉曜遣使請和帝不納是年司馬叡僭稱大位於江南三

年石勒自稱趙王遣使乞和請爲兄弟帝斬其使以絕之四年私署涼州刺史張茂遣使朝貢

五年僭晉司馬叡遣使韓暢加崇爵服帝絕之治兵講武有平南夏之意桓帝后以帝得衆心恐不

利於己子害帝遂崩大人死者數十人天興初尊曰太祖

魏書  
帝紀

惠皇帝諱賀偁立桓帝之中子也以五年爲元年未親政事太后臨朝遣使與石勒通和時人謂之

女國使二年司馬叡死子紹僭立四年帝始臨朝以諸部人情未悉欵順乃築城於東木根山

徙都之是年張茂死兄寔子駿立遣使朝貢五年帝崩是年司馬紹死子衍僭立

魏書  
帝紀

煬皇帝諱紇那立惠帝之弟也以五年爲元年三年石勒遣石虎率騎五千人來寇邊部帝禦之於

句注陘北不利還於太寔時烈帝居於舅賀蘭部帝遣使求之賀蘭部帥藹頭擁護不遣帝怒召字

文部并勢擊藹頭字文衆敗帝還太寔四年石勒擒劉曜五年帝出居於字文部賀蘭及諸部

大人共立烈帝 烈皇帝諱翳槐立平文之長子也以五年爲元年石勒遣使求和帝遣弟昭成皇帝如襄國從者五千餘人 二年石勒僭自立稱大趙王 五年勒死子大雅僭立慕容廆死子元眞代立 六年石虎廢大雅僭立李雄死兄子班立雄子期殺班自立 七年藹頭不脩臣職召而戮之國人復貳煬帝自宇文部還入諸部大人復奉之

煬皇帝復立以七年爲後元年烈帝出居於鄴石虎奉第宅伎妾奴婢什物 三年石虎遣將李穆

率騎五千納烈帝於大冨國人六千餘落叛煬帝煬帝出居於慕容部

魏書  
帝紀

烈皇帝復立以三年爲後元年城新盛樂城在故城東南十里一年而崩

魏書  
帝紀

昭成皇帝諱什翼犍平文之次子也生而奇偉喜怒不形於色烈帝臨崩顧命曰必迎立什翼犍可安社稷烈帝崩十一月帝卽位於繁峙之北稱建國元年三十九年十二月旬有二日帝崩太祖卽位尊曰高祖帝雅性寬厚智勇仁恕史臣曰帝王之興也必有積德累功有魏奄述幽方世居君長淳化育民與時無競昭成以雄傑之姿包君子之量征伐四克威被荒遐乃立號改都恢隆大業終於百六十載光宅區中其原因有異矣

魏書  
帝紀

太祖道武皇帝諱珪昭成皇帝之嫡孫獻明皇帝之子也母曰獻明賀皇后以建國二十四年七月七日生太祖於參合陂北弱而能言目有光曜廣頰大耳衆咸異之年十六歲昭成崩符堅遣將內侮將遷帝於長安旣而獲免帝於是轉幸獨孤部登國元年春正月戊申帝卽代王位郊天建元夏四

月改稱魏王天賜六年夏帝不豫冬十月戊辰帝崩於天安殿諡宣武皇帝葬於盛樂金陵廟號太祖

祖泰常五年改諡曰道武魏書太祖紀

道武顯晦安危之中屈伸潛躍之際驅率遺黎奮其靈武克勦方難遂啓中原雖冠履不暇棲遑外

土而制作經談咸出長久而屯厄有期禍生非慮將人事不足豈天實爲之乎北史魏紀

後魏太祖道武皇帝其先世爲代北鮮卑君長姓拓跋氏名珪以丙戌卽代王位郊天改元時晉孝武太元

十一年十三年戊戌取燕卽帝位又十二年己酉爲拓跋紹所弒壽二十九年改元四登國十一年天興

天賜通考帝系考

太宗明元皇帝諱嗣太祖長子也母曰劉貴人登國七年生於雲中宮太祖晚有子聞而大悅乃大

赦天下帝明睿寬毅非禮不動太祖甚奇之天興六年封齊王拜相國加車騎大將軍天賜六年冬

十月清河王紹作逆太祖崩帝入誅紹壬申卽皇帝位大赦改年爲永興元年追尊皇妣爲宣穆皇

后二年九月甲寅葬太祖於盛樂金陵神瑞七年四月封皇子燾爲泰平王五月詔皇太子臨朝聽

政十有一月己巳帝崩於西宮時年三十二遺詔以司空奚斤所獲軍實賜大臣自司徒長孫嵩已

下至士卒各有差十有二月庚子上諡曰明元皇帝葬於雲中金陵廟稱太宗帝禮愛儒生好覽史

傳以劉向所撰新序說苑於經典正義多有所闕乃撰新集三十篇採諸經史該洽古義兼資文武

焉魏書太宗紀

太祖英雄北驅朔漠末年內多釁隙明元抱純孝之心逢稟鏡之禍權以濟事危而獲安隆基固本

內和外輯以德見宗良無愧也魏書太宗紀論

太宗明元皇帝名嗣道武皇帝子以己酉嗣立任位十五年癸亥崩壽二十二改元三永興六五神瑞二常

八通考帝系考

世祖太武皇帝諱燾太宗明元皇帝之長子也母曰杜貴嬪天賜五年生於東宮體貌瓊異太祖奇

而悅之曰成吾業者必此子也泰常七年四月封泰平王五月為監國太宗有疾命帝總攝百揆聰

明大度意豁如也八年十月壬申即皇帝位大赦天下十有一月追尊皇妣為密皇太后正平二年

三年甲寅帝崩於永安宮時年四十五祕不發喪中常侍宗愛嬪皇后令殺東平王翰迎南安王余

入而立之大赦改元為永平尊皇后赫連氏為皇太后三月辛卯上尊諡曰太武皇帝葬於雲中金

陵廟號世祖魏書世祖紀

帝性清儉率素服御飲膳取給而已不好珍饈食不二味所幸昭儀貴人衣無兼綵羣臣白帝更峻

京邑城隍以從周易設險之義又陳蕭何壯麗之說帝曰古人有言在德不在險屈丐蒸土築城而

朕滅之豈在城也臨敵嘗與士卒同在矢石間左右死傷者相繼而帝神色自若是以人思效命所

向無前命將出師指授節度從命者無不制勝違爽者率多敗失性又知人拔士於卒伍之中惟其

才效所長不論本末兼甚嚴斷明於刑賞功者賞不遺賤罪者刑不避親故大臣犯法無所寬假然



果於誅戮後多悔之

北史魏紀

世祖聰明雄斷威靈傑立藉二世之資奮征伐之氣遂戎軒四出周旋險夷掃統萬平秦隴翦遼海

盪河源南夷荷槍北蟻削跡廓定函表混一戎華其爲功也大矣遂優有魏之業光邁百王豈非神

魏書帝紀論

叙經綸事當命世至於初則東儲不終末乃贊成所忽固本貽防殆弗思乎

世祖太武皇帝名壽明元帝長子以甲子嗣立

在位二十九年壬辰爲宗愛所弑壽四十五改元六

始光四

神龜四

太延五

延和三

通考帝

系考

太平

眞君十一

正平二

景穆

皇帝

諱晃太武皇帝之長子也母曰賀夫人延熙元年正月丙午立爲皇太子時年五歲明慧強識聞則不忘及長好讀經史皆通大義太武甚奇之太子所言軍國大事多見納用遂知萬機及監國正平元年六月戊辰薨於東宮時年二十四諡景穆太子文成卽位追尊爲景穆皇帝廟號

恭宗

北史魏帝紀

恭宗明德令問夙世祖天其戾國之悼與

魏書帝紀論

高宗文成皇帝諱濬恭宗景穆皇帝之長子也母曰閻氏眞君元年六月生於東宮帝少聰達世祖

愛之常置左右號世嫡皇孫年五歲世祖北巡帝從在後逢虜帥桂一奴欲加其罰帝謂之曰奴今

遭我汝宜釋之帥奉命解縛世祖聞之曰此兒雖小欲以天子自處意奇之既長風格異常每有大

政常參決可否正平二年十月戊申卽皇帝位於永安前殿大赦改年興安元年冬十月以驃騎

大將軍元壽樂爲太宰都督中外諸軍事和平六年五月癸卯帝崩于太華殿時年二十六六月丙寅上尊諡曰文成皇帝廟號高宗八月葬雲中之金陵

魏書高宗紀

世祖經略四方內頗虛耗既而國費時艱朝野楚楚高宗與時消息靜以鎮之善威布德懷緝中外自非機悟深裕矜濟爲心亦何能若此可謂有君人之度矣

魏書帝紀論

高宗文成皇帝名濬太武帝嫡孫以壬辰嗣立即位十四年乙巳崩壽十六

按魏書北史皆作壽二十六

改元四

興安三

興光二

通考帝

延安五

和平六

系考

顯祖獻文皇帝諱弘高宗文成皇帝之長子也母曰李貴人興光元年秋七月生於陰山之北太安

二年二月立爲皇太子聰濬機悟幼而有濟民神武之規仁孝純至禮敬師友和平六年夏五月甲

辰卽皇帝位太赦天下尊皇后曰皇太后皇興五年八月丙午詔百官有司其祇奉盾子以咎天休

宣布萬內咸使聞悉於是羣公奏曰昔三皇之世濬泊無爲故稱皇是以漢高祖既稱皇帝尊其父

爲太上皇明不統天下今皇帝幼冲萬機大政猶宜陛下總之謹上尊號太上皇帝乃從之己酉太

上皇帝徙御崇光宮採椽不斲土階而已國之大事咸以聞承明元年年二十三崩於永安殿上尊

諡曰獻文皇帝廟號顯祖葬雲中金陵

魏書顯祖紀

聰叡夙成兼資能斷其顯祖之謂乎故能更清漠野大啓南服而早懷厭世之心終致宮闈之變將

天意哉

魏書帝紀論

顯祖獻文皇帝名弘文成帝長子以乙巳嗣立即位七年辛亥禪位於太子宏又五年丙辰崩壽一

十三改元二

天安二  
皇興五

通考帝  
系考

高祖孝文皇帝諱宏顯祖獻文皇帝之長子母曰李夫人皇興元年八月戊申生於平城長而淵裕仁孝綽然有君人之表顯祖尤愛異之三年夏六月辛未立爲皇太子五年秋八月丙午卽皇帝位於太華前殿大赦改元延興太和二十三年夏四月丙午朔帝崩於穀塘原之行宮時年三十三祕諱至魯陽發哀還京師上益曰孝文皇帝廟曰高祖五月丙申葬長陵帝幼有至性年四歲顯祖曾患癱帝親自吮膿五歲受禪悲泣不能自勝顯祖問帝帝曰代親之惑內切於心顯祖甚數異之文明太后以帝聰聖後或不利於馮氏將謀廢帝乃於寒月單衣閉室絕食三朝召咸陽王禧將立之元丕穆泰李冲固諫乃止帝初不有憾唯深德丕等撫念諸弟始終曾無纖介惇睦九族禮敬俱深雖於大臣持法不縱然性寬慈每垂矜捨聽覽政事莫不從善如流哀矜百姓恒思所以濟益天地五郊宗廟二分之禮常必躬親不以寒暑爲倦尙書奏案多自尋省百官大小無不留心務於周治每言凡爲人君患於不均不能推誠御物苟能均誠胡越之人亦可親如兄弟常從容謂史官曰直書時事無諱國惡人君威福自己史復不書將何所懼南北征巡有司奏請治道帝曰粗脩橋梁通輿馬便止不須去草刻令平也凡所脩造不得已而爲之不爲不急之事損民力也巡幸淮南如在內地軍事須伐民樹者必留絹以酬其直民稻粟無所傷踐諸有禁忌讓厭之方非典籍所載者一

皆除罷雅好讀書手不釋卷五經之義覽之便講學不師受探其精奧史傳百家無不該涉善談壯  
老尤精釋義才藻富瞻好爲文章詩賦銘頌任興而作有大文筆馬上口授及其成也不改一字自  
太和十年已後詔冊皆帝之文也自餘文章百有餘篇愛奇好士情如飢渴待納朝賢隨才輕重常  
密以布素之意悠然立邁不以世務嬰心又少而善射有膂力年十餘歲能以指彈碎羊髀骨及射  
禽獸莫不隨所志斃之至年十五便不復殺生射獵之事悉止性儉素常服澣濯之衣嘗勒鐵木而  
已帝之雅志皆此類也

魏書高祖紀

有魏始基代朝廓平南夏信壤經世咸以威武爲業文教之事所未遑也高祖幼承洪緒早著睿聖  
之風時以文明攝事優游恭己玄覽獨得著目不言神契所標固以符於冥化及躬總大政一日萬  
機十許年間曾不暇給殊途同歸百慮一致至天生民所難行人倫之高迹雖尊居黃屋盡蹈之矣  
若乃欽明稽古協御天人帝王制作朝野軌度斟酌用捨煥乎其有文章海內生民咸受耳目之賜  
加以雄才大略愛奇好士視下如傷役已利物亦無得而稱之其經緯天地豈虛誑也

魏書帝紀論

延興六承明一

太和二 通考帝

系考

世宗宣武皇帝諱恪高祖孝文皇帝第二子母曰高夫人初夢爲日所逐避於牀下日化爲龍繞已  
數匝寤而驚悸既而有媢太和七年閏四月生帝於平城宮二十一年正月丙申立爲皇太子二十

三年夏四月丁巳即皇帝位于魯陽大赦天下帝居諒闇委政宰輔五月丙子朔高麗國遣使朝貢  
延昌四年春正月甲寅帝不豫丁巳崩于式乾殿時年三十三二月甲戌朔上尊諡曰宣武皇帝廟  
號世宗甲午葬景陵帝幼有大度喜怒不形於色雅性儉素初高祖欲觀諸子志尚乃大陳寶物任  
其所取京兆王愉等皆競取珍玩帝唯取骨如意而已高祖大奇之庶人恂失德高祖謂彭城王勰  
曰吾固疑此兒有非常志相今果然矣乃立為儲貳雅愛經史尤長釋氏之義每至講論連夜忘疲  
善風儀美容貌臨朝淵嘿端嚴若神有人君之量矣

魏書世宗紀

世宗承聖考德業天下想望風化垂拱無為邊徼稽服而寬以攝下從容不斷太和之風替矣比夫

漢世元成安順之儔歟

魏書帝紀論

世宗宣武皇帝名恪孝文第二子為皇太子以己卯嗣立即位十七年乙未崩壽二十三改元四

明

四 正始四

通考帝

永平四 延昌四

系考

肅宗孝明皇帝諱詡世宗宣武皇帝之第三子母曰胡充華永平二年二月丙戌帝生於宣光殿之  
東北有光照于庭中延昌元年十月乙亥立為皇太子四年春正月丁巳夜即皇帝位戊午大赦天  
下武泰元年二月癸丑帝崩於顯陽殿甲辰皇子即位甲申上尊諡曰孝明皇帝乙酉葬於定陵廟

號肅宗

魏書肅宗紀

世宗宣武已後政綱不張肅宗沖齡統業靈后婦人專制委用非人賞罰乘併於是疊起四方禍延

繼嗣卒於享國不長抑亦淪胥之始也嗚呼

魏書帝紀論

肅宗孝明皇帝名詡宣武帝第二子以乙未嗣立位在位十四年戊申崩壽十九改元五

熙平二神龜二

正光五

武泰

通考帝

孝昌三

梁考

孝莊皇帝諱子攸彭城王勰之第三子母曰李妃肅宗初以勰有魯陽翼衛之勳封武城縣開國公幼侍肅宗書於禁內及長拜中書侍郎城門校尉兼給事黃門侍郎雅爲肅宗所親待長直禁中遷散騎常侍御史中尉孝昌二年八月進封長樂王轉侍中中軍將軍三年十月以兄彭城王劼事轉爲衛將軍左光祿大夫中書監實見出也及武泰元年春二月肅宗崩大都督爾朱榮將向京師謀欲廢立以帝家有忠勳且兼民望陰與帝通榮乃率眾來赴夏四月丙申帝與兄弟夜北渡河丁酉會榮於河陽戊戌南濟河卽帝位以兄彭城王劼爲無上王弟霸城公子正爲始平王以榮爲使持節侍中都督中外諸軍事大將軍尚書令永元三年十二月甲寅爾朱兆遷帝於晉陽甲子崩於城內三級佛寺時年二十四并害陳留王寬是月河西人紇豆陵步蕃破落韓常大敗爾朱兆於秀谷齊州城人趙洛周據西城反應爾朱兆刺史丹陽王肅贊棄城走南陽太守趙脩延執荊州刺史李跋之自行州事中興二年諡爲武懷皇帝太昌元年又諡孝莊皇帝廟號敬宗十一月葬於靜陵

魏書

帝紀

魏自孝昌之末天下淆然外侮內亂神器固將無主莊帝潛思變化招納勳王雖時事孔棘而卒有

四海猜逆既剪權強擅命抑是兆謀運智之秋勞謙夕惕之日也未聞長轡之英遽深負刺之惡謀  
謨軍術授任乖方猜嫌行戮禍不旋踵嗚呼胡醜之爲覺也豈庸哀晉末而已哉至於高祖不祀武  
宣享廟二后降鑒福祿固不永矣

魏書帝紀論

敬宗孝莊皇帝名子攸彭城王勰第二子封長樂王明帝崩爾朱榮立之以戊申嗣立三年庚戌誅

爾朱榮爲其黨所弑壽二十四改元二

建義一

通考帝

永安三

系考

前廢帝諱恭字脩業廣陵惠王羽之子也母曰王氏少端謹有志度長而好學事祖母嫡母以孝聞  
正始中襲爵延昌中拜通直散騎常侍神龜中進兼散騎常侍正光二年正常侍領給事黃門侍郎  
帝以元乂擅權遂稱疾不起久之因託瘖病五年執除金紫光祿大夫加散騎常侍建義元年除儀  
同三司王既絕言垂將一紀居於龍花寺無所交通永安末有白莊帝者言王不語將有異圖民間  
游聲又云有天子之氣王懼禍逃匿上洛尋見追躡執送京師拘禁多日以無狀獲免及莊帝崩爾  
朱世隆等以元暉疎遠又非人望所推以王潛嘿晦身有過人之量將謀廢立恐實不諧乃令王所  
親申其意且兼迫脅王遂答曰天何言哉世隆等大悅春二月己巳暉進至邙南世隆等奉王東郭  
之外行禪讓之禮普泰二年四月辛巳齊獻武王與廢帝至邙山使魏蘭根慰諭洛邑且觀帝之爲  
入蘭根忌帝雅德還致毀謗竟從崔悛議廢帝於崇訓佛寺而立平陽王脩爲帝帝既失位乃賦詩  
曰朱門久可患紫極非情翫顛覆立可待一年二易換時運正如此唯有脩眞觀太昌初帝殂於門

下外省時年三十五出帝詔百司赴會大鴻臚監護喪事葬用王禮加以九旒鑾輅黃屋左纛班劍百二十人二衛羽林備儀衛

魏書前廢帝紀

節閔帝名恭廣陵惠王羽之子少襲爵爾朱世隆既弑敬宗迎立之以辛亥嗣立一年壬子高歡廢

而弑之壽二十四改元一

普泰通考帝

後廢帝諱朗字仲哲章武王融第三子也母曰程氏少稱明悟永安二年爲肆州魯郡王後軍府錄

事參軍儀同開府司馬元暉之建明二年正月戊子爲冀州渤海太守及齊獻武王起義兵將誅暴

逆乃推戴之冬十月壬寅卽皇帝位於信都城西昇壇焚燎大赦稱中興元年文武百官普汎四級

以齊獻武王爲侍中丞相二年四月丙子前廢帝安東將軍辛永右將軍建州大都督張悅舉城降

辛巳車駕至河陽遜位於別邸太昌元年五月封安定郡王邑一萬戶後以罪殂於門下外省時年

二十永熙二年葬於鄴西南野馬岡

魏書後廢帝紀

出帝諱脩字孝則廣平武穆王懷之第二子也母李氏性沉厚少言好武事始封汝陽縣開國公拜

通直散騎侍郎轉中書侍郎建義初除散騎常侍尋遷平東將軍兼太常卿又爲鎮東將軍宗正卿

永安三年封平陽王普泰初轉侍中鎮東將軍儀同三司兼尙書右僕射又加侍中尙書左僕射中

興二年夏四月安定王自以疎遠未允四海之心請遷大位齊獻武王與百寮會議會謂高祖不可

無後乃其奉王戊子卽帝位於東郭之外



永熙三年十二月癸巳帝爲宇文黑獺所害時年二十有五

魏書出帝紀

帝飲酒遇醜而崩諡曰孝武殞於草堂佛寺十餘年乃葬雲陵

北史魏紀

廣陵廢於前中興廢於後平陽猜惑自絕宗廟普泰雅道居多永熙悖德爲甚是俱亡滅天下所棄

歎魏書帝紀論

孝武皇帝名修唐平武穆王懷之子封平陽王高歡既廢節閔奉渤海太守元朗爲帝後廢之而立

帝以王子嗣立即位二年至甲寅西奔長安崩壽二十五

按唐平武穆王魏書北史皆作廣平武穆王

改元一永熙通考

帝系考

孝靜皇帝諱善見清河文宣王賈之世子也母曰胡姬永熙三年拜通直散騎侍郎八月爲驃騎大

將軍開府儀同三司出帝既入關齊獻武王奉迎不克乃與百寮會議推帝以奉肅宗之後時年十

一冬十月丙寅卽位于城東北大赦天下改永熙三年爲天平元年武定八年五月丙辰詔歸帝位

於齊國卽日遷於別宮齊天保元年五月己未封帝爲中山王邑一萬戶上書不稱臣答不稱詔載

天子旌旗行魏正朔乘五時副車封王諸子爲縣公邑各一千戶奉絹二萬匹錢一十萬粟一萬石

奴婢三百人水碾一具田百頃園一所於中山國立魏宗廟二年十二月己酉中山王昺時年二十

八三年二月奉諡曰孝靜皇帝葬於漳西山岡其後發之陵崩死者六十人帝好文學美容儀力能

挾石獅子以臨牆射無不中嘉辰宴會多命羣臣賦詩從容沉雅有孝文風齊文襄王嗣事甚忌焉

魏書孝  
靜帝紀

孝靜皇帝名善見清河王亶之子孝武帝既西入關高歡奉帝立之爲東魏以甲寅嗣立時年十

一在位十七年庚午禪於齊未幾遇害壽一十八改元四天平四 興和四 通考帝元象元 武定八 系考

文皇帝母曰楊氏帝正始初坐父愉罪兄弟皆幽宗正寺及宣武崩乃得雪正光中拜直閣將軍時胡太后多嬖寵帝與明帝謀誅之事泄免官武泰中封邵縣侯永安三年進封南陽王孝武卽位拜太尉加侍中永熙二年進位太保開府尙書合三年孝武與高歡構難以帝爲中軍四面大都督及從入關拜太宰錄尙書事孝武崩丞相略陽公宇文泰率羣公卿士奉表勸進三讓乃許焉大統元年春正月戊申皇帝卽位於城西十七年春二月庚戌帝崩於乾安殿時年四十五夏四月庚辰葬於永陵上諡曰文皇帝帝性強果及躋大位權歸周室嘗登逍遙觀望嵯峨山因謂左右曰望此令人有脫屣之意若使朕年五十便委政儲宮尋山餌藥不能一日萬機也旣而大運未終竟保天祿

云北史  
帝紀

文皇帝名寶炬孝文帝之孫京兆王愉之子封南陽王孝武崩宇文泰立之以甲寅嗣立任位十八

年辛未崩壽四十五改元一大統 通考帝十八 系考

廢帝母曰乙皇后大統元年正月乙卯立爲皇太子十七年三月卽皇帝位三年春正月安武公宇文泰廢帝而立齊王廓帝自元烈之誅有怨言淮安王育廣平王贊等並垂泣諫帝不聽故及於辱

北史

廢帝名欽文帝長子以辛未嗣立在位三年癸酉為宇文泰所廢尋弑之壽十六不改元

通考帝系考

恭皇帝大統十四年封為齊王廢帝二年即皇帝位三年正月以字文泰為太師家宰十月乙亥字

文泰薨十二月庚子帝遜位於周

北史帝紀

莊宗運接交喪招納勤王雖時事孔棘而卒有四海猜逆翦除權強擅命神慮獨斷亡刺未除而天

未忘亂禍不旋踵自茲之後魏室土崩始則制屈強胡終乃權歸霸政主祭祀者不殊於寄坐遇黜

辱者有甚於弈碁雖以節閔之明孝武之長祗以速是奔波文帝以剛強之質終以守雌自實靜恭

運終天祿高蹈唐虞各得其時也

北史帝紀論

恭皇帝名廓文帝第四子以甲戌嗣立三年丙子禪於周末幾周人殺之壽二十一不改元

右魏十五帝共一百七十一年首丙戌盡丙子

通考帝系考按景穆恭帝後廢帝安定王通考無考據魏書補入文帝及廢帝欽恭帝廓魏書不載

據北史補入

### 右魏帝號歷年

高祖神武皇帝姓高名歡字賀六渾渤海修人也六世祖隱晉玄菟太守隱生慶慶生泰泰生湖二

世仕慕容氏及慕容寶亂國敗率眾歸魏湖生四子第二子謚侍魏徙居懷朔鎮謚生樹樹生高祖

北齊書神武帝

紀北史齊紀同

興和五年正月朔崩於晉陽時年五十二祕不發喪六月壬午魏帝於東堂舉哀三日諡獻武王八月甲申葬於鄴西北漳水之西天保初追崇爲獻武帝廟號太祖陵曰義平天統元年改諡神武皇帝

帝廟號高祖

北史齊紀北齊書神武帝紀同

世宗文襄皇帝諱澄字子慧神武長子也母曰婁太后生而歧嶷神武異之魏中興元年立爲渤海王世子魏武定六年七月辛卯遇盜而殂年二十九葬於峻成陵齊受禪追諡爲文襄皇帝廟號世

宗

北齊書文襄帝紀北史齊紀同

顯祖文宣皇帝字子進高祖第三子世宗之母弟后初孕夜有赤光照室后私嘗恠之初高祖之歸爾朱榮時經危亂家徒壁立后與親姻相對共憂寒餒帝時尙未能言歎然應曰得活太后及左右大驚而不敢言及長黑色大頰兒下鱗身重蹠不好戲弄深沉有大度高祖嘗試觀諸子意識各使治亂緣帝獨抽刀斬之曰亂者須斬高祖是之天平二年授散騎常侍驃騎大將軍儀同三司太原郡國公武定元年加侍中八年進封齊王五月丙辰魏帝遜位別宮天保元年五月戊午卽皇帝位於南郊十年十月甲午帝暴奔於晉陽宮德陽堂癸卯發喪歿於宣德殿十二月乙酉殯於太極前殿

乾明元年二月丙申葬於武寧陵

北齊文宣紀北史齊紀同

帝沈敏有遠量外若不達內鑒甚明每退朝還第輒閉閣靜坐雖對妻子能竟日不言及登極之後神明轉茂外柔內剛果於斷割人莫能窺又特明吏事留心政術簡靖寬和朝政粲然至於軍國機

策規謀宏遠有人君大略

北史齊帝紀

顯祖存心政事風化肅然數年之間翕斯致治其後縱酒肆欲事極猖狂昏邪殘暴近世未有譽國

弗永寶由斯疾瘡嗣殄絕固亦餘殃者也

北史帝紀論

北齊顯祖文宣皇帝渤海人姓高氏名洋神武王歡之次子以庚午受魏禪卽皇帝位在位十年

已卯崩壽三十一改元一天保

通考帝系考

廢帝字正道小名道人母曰李皇后天保元年立爲皇太子時年六歲性敏慧十年十月文宣崩癸

卯太子卽帝位於晉陽宣德殿乾明元年正月朔改元八月壬午太皇太后令廢帝爲濟南王皇建

二年九月殂於晉陽

北齊書廢帝紀北史齊紀同

帝聰慧夙成寬厚仁智天保間雅有令名及承大位地親望重內外畏服後孝昭不豫見文宣爲崇

孝昭深惡之厭勝術備設而無益也

北史齊紀

廢帝名殷文宣太子以己卯嗣立一年庚辰常山王演廢之而自立尋遇害壽十五改元一明

通考

帝系考

孝昭皇帝字延安幼而英特早有大成之望武帝皇太后早所愛重魏元象元年封常山郡公皇建

元年八月壬午皇帝卽位於晉陽宣德殿改乾明元年爲皇建二年十一月帝不豫而無關聽覽是

月崩於晉陽宮大齊元年閏十二月癸卯梓宮還鄴上諡曰孝昭皇帝庚午葬於文靖陵

北齊書孝昭帝紀北

史齊  
紀同

帝聰明有識度深沉能斷不可窺測身長八尺腰帶十圍儀望風表迥然獨秀自居臺省留心政術  
開明簿領吏所不逮及正位宸居彌所克勵輕徭薄賦勤恤人隱內無私寵外收人物雖后父位亦  
特進無別日昃臨朝務知人之善惡每訪問左右冀獲直言北史

帝紀

孝昭早居臺閣故事通明人吏之間無所不委文宣崩後大革前弊及臨窆極留心更深時人服其  
明而譏其細也情好稽古率由禮度將封先代之廟且敦學校之風徵召才賢文武畢集於時周氏  
朝政移於宰臣主將相猜無不危殆乃瞻關右實懷兼井之志經謀宏曠諒近代之明主而降年不  
永其故何哉北齊書孝昭帝  
論北史帝紀同

孝昭皇帝名演神武第六子以庚辰嗣立一年崩壽二十七改元一皇

建

通考帝  
系考

世祖武成皇帝孝昭皇帝之母弟也儀表瑰傑神武尤所鍾愛帝年八歲冠服端嚴神情閒遠華戎  
歎異元象中封長廣郡公天保初進爵為王皇建初進位右丞相二年孝昭崩遺詔徵帝入統大位  
大寧元年冬十一月癸丑皇帝即位於南宮改皇建二年為大寧河清四年五月丙子奉皇帝璽綬  
傳位於皇太子大赦改元於是羣臣上尊號為太上皇帝軍國大事咸以奏聞天統四年十二月辛  
未太上皇帝崩於鄴宮乾壽堂諡曰武成皇帝廟號世祖五年二月甲申葬於永平陵北齊書武成  
帝紀北史齊

同紀

武成卽位雅道凌遲昭襄之風推焉已墜

北史齊紀論  
北齊書同

世祖武成皇帝名湛神武第九子辛巳嗣立五年乙酉禪位於太子稱太上皇又四年戊子崩壽二

十二改元二

太寧一 通考帝  
河清四 系考

後主字仁綱母曰胡皇后夢於海上坐玉盆日入裙下遂有娠天保七年五月五日生帝於井州邸  
帝少美容儀武成特授所愛寵拜王世子及武成入纂大業大寧二年正月丙戌立爲皇太子河清  
四年武成禪位於帝天統元年夏四月丙子皇帝卽位於晉陽宮德昌元年庚申帝入鄴辛酉延宗  
與周師戰於晉陽大敗爲周師所虜羣臣各異議帝莫知所從又引高元海宋士素慮思道李德林  
等欲議禪位皇太子先是望氣者言當有革易於是依天統故事授位幼主

北齊書後主紀  
北史齊紀同

暨乎後主外內崩離眾潰於平陽身寓於齊土天道深遠或未易談吉凶由人抑可揚推觀天有齊  
全盛控帶遐阻西包汾晉南極江淮東盡海隅北漸沙漠六國之地我獲其五九州之境彼分其四  
料甲兵之衆寡校帑藏之虛實折衝千里之將唯嵬六奇之士比二方之優劣無等級以寄言然前  
王用之而有餘後主守之而不足其故何哉以人從欲損物益已雖墻峻宇甘酒嗜音又暗於聽受  
忠信弗聞善非必入視人如草芥從惡如順流佞闖虛當軸之權婢媼擅回天之力賣官鬻獄亂政  
淫刑於是土崩瓦解眾叛親離五世崇基一舉而滅由此言之齊氏之敗亡蓋亦由人匪惟天道也

北史齊紀論  
齊書帝紀同

後主名緯武成帝長子以乙酉嗣立任位十三年丁酉為周所滅改元二天統五元隆化通考帝

幼主名恒帝之長子也母曰穆皇后武平元年六月生於鄴其年十月立為皇太子陸化二年正月武平八元系考

乙亥即皇帝位時八歲改元為承光元年周師漸逼癸未幼主又自鄴東走己丑周師至葉陌橋癸

己燒城西門太上皇將百餘騎東走乙亥渡河入濟州其日幼主禪位於大丞相任城王湝封帝溫

國公至建德七年誣與宣州刺史穆提婆謀反賜死北齊書幼主紀

右北齊五帝共二十八年首庚午盡丁酉通考帝系考神武新文襄帝及幼主皆遵北齊書北史補入

### 右北齊帝號歷年

周太祖文皇帝姓宇文氏諱泰字黑獺代郡武川人也其先出自炎帝炎帝為黃帝所滅子孫遁居

朔野其後有葛烏兔者鮮卑奉以為主其裔孫曰普回國號宇文並以葛氏普回子莫那世居遼西

自莫那九世至侯歸豆為慕容晃所滅其子陵仕燕封玄菟公徙居武川陵生系系生韜韜生肱肱

生太祖少有大度不事家人生產輕財好施以交結賢士大夫為務魏恭帝三年進帝位太師大冢

宰十月乙亥薨於雲陽宮時年五十二二月甲申葬於成陵諡文公追尊為文皇帝廟曰太祖周書文帝

紀北史  
周紀同

孝閔皇帝字陁羅尼太祖第三子也母曰元皇后大統八年生於同州官舍魏恭帝三年二月命為

安定公世子四月拜大將軍十月乙亥太祖崩丙子嗣位太師大冢宰十二月丁亥封帝為周公庚

二十四日直文且實更年編  
卷九十九  
帝系  
二二 約雅堂藏板



子禪位於帝元年春正月辛丑即天王位九月庚申晉公護遣大司馬駕蘭祥逼帝遜位遂幽於舊邸月餘日以弑崩時年十六及武帝誅護後上諡曰孝閔皇帝陵曰靜陵周書閔帝紀北史周紀同

孝閔承既安之業應樂推之運柴天竺物正位君臨邇無異言遠無異望雖黃初代德太始受終不

之尚也然政由寡氏主懷芒刺之疑祭則寡人臣無復子之請以之速禍宜哉北史周紀論周書帝紀同

周閔帝姓宇文氏名覺代郡武川人文王泰之子以丙子受魏禪一年丁丑爲晉公護廢而弑之壽

十六不改元通考帝系考

世宗明皇帝小名統萬突母曰姚夫人永熙三年生於統萬城因以名焉大統十四年封齊郡郡公

及孝閔廢晉公護遣迎帝於岐州元年九月即天王位武成二年四月帝因食糖糲遇毒辛丑帝崩

於延壽殿諡曰明皇帝廟號世宗五月辛未葬於昭陵周書明帝紀北史周紀同

帝寬明仁厚敦睦九族幼而好學博覽羣書善屬文詞采溫麗及即位集公卿以下有文學者刊校

經史又招採衆書自羲農以來訖於魏末叙爲世譜凡百卷所著文章十卷北史周紀

世宗寬仁遠膺哲博文以代邸之尊實文昭之長百辟傾心萬方注意及乎迎宣黜賀入纂大宗率

由恭儉崇尚文儒其有君人之德者矣始則權臣專制政出私門終乃鳩毒潛加享年不永惜哉周書

明帝紀論

世宗明皇帝名毓文王子晉公護廢閔帝迎立之以丁丑嗣立四年庚辰崩壽二十七改元二武定

武成

通考帝系考

高祖武皇帝字彌羅突母曰叱奴太后大統九年生於同州幼而孝敬聰敏有異質年十二封輔城郡公孝閔帝踐詐拜大將軍武成元年入爲大司空進封魯國公性深沈有遠識非因顧問終不輒言戊辰二年四月世宗崩遺詔傳帝位於高祖百官勸進乃從之王寅卽皇帝位宣政元年六月丁酉帝疾甚還京其夜崩於乘輿諡曰武皇帝廟稱高祖己未葬於孝陵

周書武帝紀北史周紀同

帝沈毅有智謀初以晉公護專權常自晦迹人莫測其深淺乃誅護之後始親萬機克己勵精聽覽不怠用法嚴整多所罪殺羣下畏服莫不肅然性既明察少於思惠凡布懷立行皆欲踰越古人勞謙接下自強不息以海內未康銳情教習至於校兵閱武步行山谷履涉勤苦皆人所不堪每宴會將士必自執杯勸酒性又果決能斷大事故能得士卒死力以弱制強破齊之後遂欲窮兵極武必使天下一統此其志也

周書武帝紀北史周紀同

高祖纘業未親萬機及英威雷發朝政惟新內難既除外略方始乃苦心焦思克己勵精勞役爲士卒之先居處同匹夫之儉五年之間大勦斯集據祖宗之宿憤拯東夏之阽危盛矣哉其有成功者也若使翌日之瘳無爽經營之志獲申躡武窮兵雖見機於良史雄圖遠略足方駕於前王者與

周書

高祖武皇帝名邑文王第四子庚辰嗣立在位十九年戊戌崩壽三十六改元四

保定五建德六天和六宣政一

通考帝系考

宣皇帝字乾伯母曰李皇后天成元年生於同州保定元年封魯國公建德元年四月立為皇太子  
文宣皇后崩高祖諒闇詔太子總朝政五旬而罷宣政元年六月高祖崩戊戌皇太子即皇帝位大  
成二年五月帝不豫己酉大漸劉昉鄭譯矯制以隋國公堅受遺輔政是日帝崩於天德殿諡曰宣  
皇帝七月丙申葬定陵周書宣帝紀北史周紀同

帝之在東宮也高祖慮其不堪承嗣遇之甚嚴雖隆寒盛暑亦不得休息性既嗜酒高祖遂禁醪醴  
不許至東宮帝憚高威嚴矯情修飾以是過惡遂不外聞嗣位之初方逞其欲大行在殯曾無戚容  
即閱視先帝宮人逼為淫亂采擇天下子女以充後宮好自矜夸飾非拒諫禪位之後彌復驕奢耽  
醜於後宮或旬日不出極履窮奢無所顧憚擯斥近臣多所猜忌自公卿以下皆被楚撻於是內外  
恐懼人不自安北史周紀周書帝紀同

高祖識嗣子之非才顧宗祏之至重滯愛同於晉武則哲異於宋宣但欲威之以梗楚期之於懲肅  
義方之教豈若是乎卒使昏虐君臨姦回肆毒窮南山之簡未足書其過盡東觀之筆不能紀其罪  
然猶獲全首領及子而亡幸哉周書帝紀論

宣皇帝名贊武帝長子以戊戌嗣立己亥傳位太子稱天元庚子崩壽二十一改元一成通考帝系考

靜皇帝母曰朱皇后建德二年六月生於東宮大象元年正月癸卯封魯王戊午立為皇太子二月

辛巳宣帝於鄴宮傳位授帝己酉宣帝崩帝入居天臺大定元年二月甲子隋王楊堅稱尊號帝遜於別宮隋氏奉帝爲介國公開皇元年五月壬申崩時年九歲隋志也諡曰靜皇帝葬於陵周書靜帝紀北

史周紀同

靜帝越自幼沖紹茲衰緒內相挾孫劉之詐戚藩無齊代之彊隋氏因之遂遷龜鼎嗚呼以太祖之

克隆景業未踰二紀不祀忽諸斯蓋宣帝之餘殃非孺子之罪戾也周書帝紀論

靜帝名衍宣帝長子庚子嗣立辛丑禪於隋遇害壽九歲不改元大象二大定二

右周五帝共二十六年首丙子盡辛丑通考帝系考

右周帝號歷年

高祖文皇帝漢太尉震八世孫鉉仕燕爲北平太守鉉生元壽後魏代爲武川鎮司馬因家焉元壽

生太原太守惠徽徽生平原太守烈烈生霄遠將軍禎禎生忠忠卽皇考也皇考從周太祖起義關

西賜姓普六茹氏位至柱國大司空隋國公贈太保諡曰桓隋書高祖紀

大統七年六月癸丑夜生高祖於馮掖殿般若寺紫氣充庭有文在手曰王長上短下深沈嚴重周太

祖見而歎曰此兒風骨不似代間人武帝卽位襲爵隋國公開皇元年二月甲子上自相府常服入

宮備禮卽皇帝位於臨光殿仁壽四年七月甲辰上以疾甚卧於仁壽宮與百寮辭訣並握手獻欬

丁未崩於大寶殿丙子殯於大興前殿十月己卯合葬於太陵北史隋紀隋書高祖紀同

帝性嚴重有威容外質木而內明敏有大略不踰期月刻定三邊未及十年平一四海薄賦斂輕刑罰內修制度外撫戎夷每日聽朝日昃忘倦居處服翫務存節儉令行禁止上下化之吏政得失人間疾苦無不留意逮於暮年持法尤峻喜怒失常議者以此少之北史隋紀

高祖龍德在田奇表見異乘茲機運遂遷周鼎職方所載並入疆理禹貢所圖咸受正朔人物殷阜朝野歡娛二十年間天下無事但素無學術不能盡下暨乎暮年此風逾扇又雅好符瑞暗於大道聽哲婦之言惑邪臣之說瀾龍廢彌託付失所滅父子之道開昆弟之隙墳土未乾子孫繼踵屠戮松檟纒天下已非隋有惜哉隋書帝紀論

隋高祖文皇帝弘農華陰人姓楊氏名堅以辛丑受周禪在位二十四年甲子崩壽六十四改元二

開皇二十 通考帝 仁壽四 系考

煬皇帝小名英一字阿摩母曰文獻獨孤皇后上美姿儀少敏慧高祖及后於諸子中特所鍾愛開皇元年立為晉王年十三進上柱國上好學善屬文深沈嚴重朝野屬望及太子勇廢立上為皇太子仁壽四年高祖崩上即皇帝位於仁壽宮大業十三年十一月丙辰唐公入京師辛酉遜尊帝為太上皇立代王侑為帝改元義寧義寧二年二月字文化及等作亂入犯宮闈上崩於溫室蕭后令宮人撤牀簀為棺以埋之大唐平江南之後改葬雷塘隋書煬帝紀 北史隋紀同初上自以蕃王次不當立每矯情飾行以釣虛名陰有奪宗之計皇太子勇內多嬖幸以此失愛大

臣用事者傾心與交婢僕往來者無不稱其仁孝楊素等因機構扇遂成廢立自高祖大漸警諒闇之中恭淫無度山陵始就卽事巡游以天下承平日久士馬全盛慨然慕秦皇漢武之事乃盛理宮室窮極侈靡有不恭命以兵擊之於時軍國多務日不暇給帝方驕怠惡聞政事寃屈不理奏請罕決又猜忌臣下無所專任朝臣有不合意者必構其罪而族滅之政刑弛紊賄貨公行莫敢有言道路以目六軍不息百役繁興東西行幸靡有定居區宇之內盜賊蜂起上下相蒙每出師徒敗亡相繼戰士盡力不加賞賜百姓無辜咸受屠戮蒸庶積怨天下土崩至於就禽而猶未之寤也

北史隋紀

煬帝恃才矜己傲狠明德內懷險躁外示凝簡盛冠服以掩其姦除諫官以掩其過荒淫無度法令滋章教絕四維刑參五虐錙骨肉屠勦忠良受賞者莫見其功爲戮者不知其罪驕怒之兵屢動土木之功不息猾吏侵漁人不堪命乃急令暴條以擾之嚴刑峻法以臨之甲兵威武以董之自是海內騷然無聊生矣土崩魚爛貫盈惡稔普天之下莫非仇讐左右之人皆爲敵國遂以萬乘之尊死於一夫之手傳曰兵猶火也不戢將自焚觀隋室之存亡此言信而有徵矣

隋書帝紀論

煬皇帝名廣高祖次子以甲子嗣立即位十五年戊寅無道遇弒壽五十改元一大

通考帝業系考

恭皇帝母曰章妃性聰敏有氣度大業三年立爲陳王十一年義兵入長安尊煬帝爲太上皇奉帝篡業義寧元年十一月壬戌上卽皇帝位於大興殿二年五月乙巳朔詔唐王暹十有二旒建天子

旌旗出警入畢戊午遜位於大唐以爲鄴國公武德二年夏五月崩

隋書恭帝紀北史隋紀同

恭帝在位幼冲遭家多難一人失德四海土崩羣盜蜂起豺狼塞路南巢遂往流逸不歸既鍾百六  
之期躬踐數終之運謳歌有屬年鍾變響雖欲不遷竟舜之迹其庸可得乎隋書帝紀論

恭皇帝名侑煬帝孫元德太子之子唐公李淵入長安立之以丁丑嗣位戊寅禪於唐封爲鄜國公

武德二年崩壽十五改元一義

隋書

右隋三帝共三十八年首辛丑盡戊寅

通考帝系考

右隋帝號歷年

二十四史九通政典類要合編卷一百

南北朝二

帝系

太上皇 太皇太后 皇太后 攝政 攝政 宋后妃 南齊后妃 梁后妃 陳后妃 魏后妃 北齊后妃 周后妃 隋后妃 魏太子皇子 宋皇太子皇子 南齊皇太子皇子 梁皇太子皇子 陳皇太子皇子 魏皇太子皇子 北齊皇太子皇子 周皇太子皇子 隋皇太子皇子 宋公主 南齊公主 梁公主 陳公主

太子皇子 梁皇太子皇子 陳皇太子皇子 魏皇太子皇子 北齊皇太子皇子 周皇太子皇子 隋皇太子皇子 宋公主 南齊公主 梁公主 陳公主 北齊公主 周公主 隋公主 南北和蕃公主

宋高祖永初二年詔曰推恩之禮在情所同故內樹宗子外崇后屬太后父趙光祿裔蕭光祿卓名

器雖隆茅土未建宜並追封開國侯食邑五百戶

宋書后妃列傳

武帝受禪尊後母蕭氏為皇太后帝事太后孝謹即位時春秋已高每旦朝太后未嘗失時刻少帝

即位尊為太皇太后景平元年崩年八十一

通考帝系考

詔曰後世若有幼主朝事一委宰相母后不煩臨朝

宋書武帝紀

孝武即位尊母淑媛為皇太后宮曰崇憲廢帝立為太皇太后明帝立號崇憲太后乃居中宮崩

通考帝系考

廢帝即位尊孝武王皇后為太后宮曰永訓其年崩後廢帝即位尊明帝王皇后為皇太后宮曰弘

訓順帝禪位遷居丹陽宮拜汝陰王太妃順帝殂更立第都下薨於第

通考帝系考

後廢帝母陳氏既即位尊為皇太妃輿服一如晉孝武李太妃故事宮曰弘化置家令一人改諸國



太妃曰太姬昇明初降為蒼梧王太妃

通考帝系考

南齊高帝建元元年追尊陳皇后為孝皇后贈后母胡氏為永昌縣靖君

南史后妃列傳

梁高祖阮修容諱曰宣世祖即位追崇為文宣太后承聖二年追贈太妃文武康縣侯邑五百戶母

陳氏武康侯夫人

梁書后妃列傳

陳文帝即位尊武帝章皇后為皇太后宮曰慈訓廢帝即位后為太皇太后光大二年后下令黜廢

帝為臨海王命宣帝嗣立太建元年復為皇太后崩年六十五

後主即位尊宣帝柳皇后為皇太后宮曰弘範陳亡入長安隋大業十二年薨於東都年八十三

通考

帝系考

後魏太武即位尊明元杜皇后為皇太后封后弟為遼東王真君元年崩詔天下大臨三日別立后

寢廟於陵所

通考帝系考

獻文即位尊文成馮皇后為太后帝年十二居諫閻丞相乙渾謀逆后密定策誅之遂臨朝聽政內

行不正寵李弈等獻文誅弈遂害獻文孝文時尊曰太皇太后復臨聽政孝文雅性孝謹事無巨細

一稟於太后后多智猜忍能行大事十四年崩年四十九孝文行三年喪

通考帝系考

魏獻文帝好黃老浮屠之學雅薄儒學常有遺世之心欲禪位於京兆王子推羣臣固諫任城王雲

曰陛下方隆太平臨履四海豈得上違宗廟下棄兆民且父子相傳其來久矣陛下必欲委棄塵俗

則皇太子宜承正統中書令高允曰願陛下上思宗廟託付之重追念周公抱成王之事帝曰然則立太子奉公輔之有何不可乃傳位於太子下詔曰朕布心无古志存澹泊爰命儲宮踐升大位朕

得優游恭己栖心浩爽羣臣奏曰昔漢高祖稱皇帝尊其父曰太上皇明不統天下也今皇帝幼冲

萬機大政猶宜陛下總之謹上尊號曰太上皇帝從之上皇徙居崇光宮采椽不斷土堦而已國之

大事咸以聞崇光宮在北苑中又建鹿野浮屠於苑中之西山與禪僧居之五年崩通考帝系考

明帝即位尊宣武高皇后為皇太后尊為尼居瑤光寺非大節慶不入宮中時天文有變羣太后欲

以后宮之逐暴崩天下冤之喪還瑤光佛寺殯皆以尼禮北史后妃列傳

明帝尊母胡光華為皇太后後尊為皇太后臨朝聽政猶曰殿下後改令稱詔羣臣上書曰陛下自

稱曰朕以明帝冲幼未堪親祭欲依周禮夫人與君交獻之義代行祭禮禮官博議以為不可而太

后欲以帷幔自障觀三公行事重問侍中崔光光便據漢和熹郅后薦祭故事太后太悅遂攝行初

祀臨朝淫恣五年為元义所幽又六年誅又復臨朝自是朝政疎緩恩威不立又三年鳩孝明立孝

文曾孫劔爾宋榮與兵向關沉后於河通考帝系考

齊武明皇后惠氏天保初尊為皇太后宮日宣訓濟南即位尊為太皇太后尚書令楊誦等受遺詔

輔政疎忌諸王太皇太后密與孝昭及諸大將定策誅之下令廢立孝昭即位復為皇太后孝昭崩

太后又下詔立武成帝太監二年四月辛丑崩於北官時年六十二北齊書后妃列傳北史同

武成即位四年傳位於太子繼自稱太上皇又四年崩後主即位武成既崩繼武成胡后為皇太后

后內行不謹幸和士開及沙門曇獻等齊亡入周又恣行姦穢開皇中殂通考帝系考

周文宣叱奴皇后代人也太祖為丞相納后為姬生高祖天和元年六月尊為皇太后建德二年三

月癸酉崩四月丁巳葬固陵周書后妃列傳北史同

宣帝即位尊武帝后阿史那氏為皇太后大象元年改為天元皇太后二年又尊為天元上皇太后

宣帝崩靜帝尊為太后隋開皇二年殂年三十二 又尊母李氏為帝太后大象元年改為天元帝

太后又尊為太皇太后二年又尊為天元聖皇太后靜帝立尊為大帝太后隋開皇初出俗為尼入

年殂以尼禮葬通考帝系考

宣帝既立一年傳位於太子闡自稱天元皇帝所居稱天臺冕二十四旒車旂鼓皆倍於前王之數

每對臣下自稱為天用鸞舞珪璫以飲食令羣臣朝天臺者齊三日清身一日自比上帝立五皇后

二年而崩通考帝系考

天元崩靜帝時楊堅秉政尊天元楊后為皇太后居弘如善宮堅既受禪后憤惋愈甚堅內甚愧之開

皇中封為樂平公主大業五帝殂通考帝系考

靜帝母朱氏天元崩後尊為帝太后隋初出俗為尼通考帝系考

右太上皇太皇太后皇太后母后臨朝稱制及推尊私親父母附

南史后妃傳叙上宮位號前史代有不同晉武帝采漢魏之制置貴嬪夫人貴人是爲三夫人位視三公淑妃淑媛淑儀修華修容修儀婕妤容華文華是爲九嬪位視九卿其餘有美人才人中才人爵視千石以下宋武帝省一才人其餘仍用晉制按貴嬪魏文帝所制夫人魏武帝初建魏國所制貴人漢光武所制淑妃魏明帝所制淑媛魏文帝所制淑儀修華晉武帝所制修容魏武帝所制修儀魏明帝所制婕妤容華前漢舊儀充華晉武帝所制美人漢光武所制及孝武孝建三年省夫人置貴妃位比相國進貴嬪比丞相貴人比三司以爲三夫人又置昭儀昭容昭華以代修華修儀修容又置中才人充依以爲散位按照儀漢元帝所制昭容孝武所制昭華魏明帝所制中才人晉武帝所制充依前漢舊制及明帝泰始二年省淑妃昭華中才人充依復置修華修儀修容才人良人三年又有貴人置貴姬以備三夫人之數又置昭華增淑容承徽列榮以淑媛淑儀淑容昭華昭儀昭容修華修儀修容爲九嬪婕妤容華充華承徽列榮凡五職亞九嬪美人才人良人三職爲散役其後帝留心後房擬百官備置內職焉及齊高帝建元元年有司奏置貴嬪夫人貴人爲三夫人修華修儀修容淑妃淑媛淑儀婕妤容華充華爲九嬪美人中才人才人爲散職三年太子宮置三內職良娣比開國侯寶林比五等侯才人比駙馬都尉及永明元年有司奏貴妃淑妃並加金章紫綬佩于闐玉淑妃舊擬九棘以淑爲溫恭之稱妃爲亞后之名進同貴妃以比三司夫人之號不殊蕃國降淑媛以比九卿七年復置昭容位在九嬪焉梁武撥亂反正深鑒奢逸配德皇終長秋曠位定

令制貴妃貴嬪貴姬為三夫人淑媛淑儀淑容昭華昭儀昭容修華修儀修容為九嬪婕妤容華充  
華承徽列榮為五職美人才人良人為三職東宮置良娣寶林為二職及簡文元帝出自儲蕃或迫  
在拘繫或逼於廢亂且死並先殂更不建椒闥陳武光膺天曆以朴素自居故後官員位其數多闕  
文帝大驚之獲詔官職備員其所置立無改梁舊編之令文以為後法然帝性恭儉而嬪嬙不備宣  
帝後主無所改作今總綴緝以立此篇云通考帝系考

宋太宗留心後房擬外百官備位置內職列其姓名即于後

後官通尹

準錄尚書

紫極戶主

光興戶主

官品第一各置一人  
並銓六宮

後官列叙

準尚書令銓六宮

紫極中監尹

銓六宮

光興中監尹

銓六宮

宣融戶主

銓六宮

紫極房帥

置一人

光興房帥

置一人

官品第二各置一人

後宮司儀

準左僕射銓人士

後官司政

準右僕射銓人士

參議女林

準銀青光祿銓人士

中臺侍御尹

銓六宮

宣融便殿中監尹

銓六宮

采蘋房主

銓六宮

南房主

銓士六宮

中藏女典

銓士六宮

典坊

銓士六宮

樂正

銓士六宮

內保

銓士

學林祭酒

銓士

昭陽房帥

置一人

徵音房帥

置一人

宣融房帥

置一人

官署第三

各置一人

後宮都掌治職

置二人

準左右丞位比尚書銓人士

後宮殿中治職

置一人

準左民尚書銓人士

後宮源典治職

置一人

準祠部尚書銓人士

後宮穀帛治職

置一人

準度支尚書

中傅

置一人 銓士

後宮校事女史

置一人 銓士

紫極中監女史

置一人 銓士

光興中監女史

置一人 銓士

紫極房參事

置人無定數 銓人士有限外

宣融房參事

置人無定數 銓人士有限外

中臺侍御奏案女史

置一人 銓士

贊樂女史

置一人 銓士

中訓女史

置一人 銓士

女祝史

置一人

紫極中監典

置一人

光興中監典

置一人

典樂帥

置人無定數 有限外

紫極房廉帥祭酒

置一人

光興房廉帥祭酒 置一人

宣融房廉帥祭酒 置一人

官典第四

後宮通關參事 置一人

景德房參事 置人無定數銓人士

采藝房參事 置人無定數銓人士

南房參事 置人無定數銓人士

內房參事 置一人銓人士

校學女史 置一人銓人士

後宮中房帥 置二人

後宮源典帥 置二人

後宮穀帛帥 置二人

中臺帥 置一人

中臺侍御起居帥 置二人

中臺侍御詔誥帥 置二人

斯男房帥 置一人

宣豫房帥 置一人

景德房帥 置一人

采藝房帥 置一人

中藏帥 置一人

內坊帥 置一人

南房帥 置一人

外華房帥 置一人

招慶房帥 置一人

紫極諸房廉帥 置人無定數有限外

紫極中監省帥 置一人

紫極殿帥 置六人

光興殿帥 置四人

徽音監帥 置一人

徵章監師

置一人

宣融便殿中監典

置一人

清商師

置人無定數

總章師

置人無定數

左西章師

置人無定數

右西章師

置人無定數

中廚師

置一人

官品第五

中臺侍御執術

置人無定數

中臺侍御監閤師

置二人

中臺侍御監司帥

置二人

宣融便殿帥

置一人

永巷帥

置一人

後宮都掌內史

置二人

後宮殿中內史

置一人

後宮源典內史

置一人

後宮穀帛內史

置二人

後宮監臨內史

置二人

中臺侍御執法內史

置一人

中臺侍御典內史

置二人

中臺侍御節度內史

置二人

中臺侍御應內史

置六人

紫極房內史

置一人

光興房內史

置一人

助教

置一人

綵製師

置人無定數

裝飾師

置人無定數

繡師

置人無定數



織師

置人無定數

學林館師

置一人

宮闈師

置一人

敎堂師

置人無定數

有限外

監解師

置人無定數

累室師

置人無定數

行病師

置人無定數

官邸第六

合堂師

置二人

御清師

置一人

監夜師

置一人

諸房禁防

置人無定數

三廂禁防

置三人

諸房尉師

各置一人

中廚廉

置三人

應閤

置六人

諸應閤

置人無定數

宮闈史

置一人

官邸第七

諸房中掾

各置一人

中藏掾

各置二人

比五品勅吏

紫極供殿直儀

光興供殿直儀

總章伎儀

侍御扶持

主衣

準二衛五品勅吏比六品

供殿左右紫極置二十人  
光興置十人

左右守藏

置四人

典樂人

比諸房禁防

作儀

比王官

供殿給使紫極置二十人  
光興置十人

典殿

置人無定數

比官人

紫極三廂給事

置十人

宮闈給使

置六人

奉堂給使

置五人

比房宋書后  
如列傳

宋孝穆趙皇后諱安下邳僮人也生高祖其日后以產疾殂於丹徒官舍時年二十一宋書后  
如列傳

孝懿蕭皇后名文壽蘭陵人武帝繼母帝為宋八宋王加太妃太后受禮尊為皇太后通考帝  
系考

武敬臧皇后名愛親東莞人適武帝義熙四年殂追贈豫章郡夫人武帝崩耐葬初宣陵按東莞宋  
書作東莞

通考帝  
系考

武帝張夫人不知何許人生少帝帝即位尊爲皇太后少帝廢太后還璽綬隨居吳縣文帝元嘉初

拜營陽國太妃三年薨

宋書后妃列傳

文帝胡太后名道女淮南人義熙初武帝納之壬亥帝五年被譴死武帝即位追贈婕妤文帝即位

上尊號曰章皇太后陵曰配靈

南史后妃列傳

少帝司馬皇后名茂英晉恭帝女宋初拜皇太子妃少帝即位爲皇后元嘉初降爲榮陽王妃十六

年薨

按榮陽宋書作營陽通考帝系考

文元袁皇后名齊媯陳郡陽夏人父湛少適文帝爲王妃生子劭元嘉十七年崩

通考帝系考

潘淑妃以色進壬子濬後爲元凶劭所殺

通考帝系考

孝武昭路太后名惠勇丹陽建康人以貌入後宮生孝武拜淑媛隨孝武出蕃孝武即位尊爲太后

南史后妃列傳

明宣沈太后名容姬爲文帝美人生明帝拜婕妤元嘉二十一年卒孝武即位追贈太后

通考帝系考

孝武文穆王皇后名憲嫺琅邪臨沂人初爲武陵王妃生廢帝孝武即位立爲皇后廢帝即位尊爲

皇太后

宋書后妃列傳

殷淑儀南郡王義宣女義宣敗帝密取之假姓殷覺追贈貴妃或云貴妃是殷球家人入義宣家義

宣敗入宮云

通考帝系考

前廢帝何皇后名令婉廬江瀟人父瑀初爲皇太子妃薨於東宮廢帝即位追諡曰獻皇后通考帝系考

文帝沈婕妤諱谷不知何許人也生明帝元嘉三十年卒太宗即位上尊號爲皇太后諡曰宣太后

陵號曰宗室宋書后妃列傳

明恭王皇后名貞風琅邪臨沂人初爲滎東王妃明帝即位立爲后廢帝即位尊爲太后南史后妃列傳

後廢帝陳太妃名妙登丹陽建康屠家女孝武宮人以賜明帝生後廢帝拜貴妃廢帝即位尊爲皇

太妃通考帝系考

後廢帝江皇后名蘭珪濟南陽老城人初納爲太子妃帝即位爲皇后帝既廢降爲蒼梧王妃宋書后妃列傳

列傳

順帝陳太妃明帝宮人爲昭華明帝以桂陽王休範子令妃養之即位爲順帝進爲皇太妃通考帝系考

順帝謝皇后名拜境陳郡陽夏人父鵬順帝立爲皇后帝禪位降爲汝陽王妃通考帝系考

史臣曰宋氏藉晉世令典聘納有章倪天作儻必四岳之後雖正位天閨禮元尊極而哀慝易兆恩

宴難留一謝屬車之塵永隔青蒲之地是故元后憤終良有以也自元嘉以降內職稍繁椒庭綺觀

千門萬戶而淫靡怪飾變炫無窮自漢氏昭陽之輪奐魏室九華之照曜曾不能槩其萬一徒以所

選止於軍署之內徵引極乎廟早之間非晉氏採擇濫及冠冕也且愛止帷房權無外投殿屬饋資

歲時不過奢狹斯爲美矣及太祖之傾惑潘嫗謀及婦人大明之淪溺殷姬竝后匹嫡至使多難起

於肌膚并命行於同產又况進於此者乎以斯言之三代一漢之亡於淫嬖非不幸也宋書后妃列傳論

右宋后妃皇太子妃及後宮

齊武穆裴皇后名惠昭河東聞喜人昇明三年為齊世宗妃建元元年為皇太子妃二年薨武帝即

位追尊為皇太后通考帝系考

文安王皇后名寶明琅邪臨沂人父暕之建元四年為皇太子妃鬱林王即位尊為皇太后稱宣德

官明帝即位出居都陽王故弟梁武定建業迎入宮稱制和帝禪位遷居外宮梁天監時薨南史后妃列傳

鬱林王何妃名婧英廬江瀟人初為南郡王妃太孫即位又為皇后帝廢貶為王妃南齊書后妃列傳

海陵王王妃名韶明琅邪臨沂人父慈初為鬱林王妃王即位為皇后王廢降為妃通考帝系考

明敬劉皇后名惠端彭城人明帝納之永明七年卒帝即位贈皇后南齊書后妃列傳

東昏褚皇后名令璩河南陽翟人父澄建武初納為皇太子妃東昏即位為皇后東昏廢降為庶人

通考帝系考

和王皇后名舜華琅邪臨沂人儉之孫初為隨王妃帝即位為皇后既禪位降為妃通考帝系考

史臣曰太祖創命官縣貶約毀宋明之紫極軍前代之踰奢衣不文繡色無紅采永共貧空有同素

室世祖嗣位運籍休平壽昌前興鳳華晚構香栢又櫻花梁繡柱雕金鏤寶頗用房帷趙瑟吳趨承

閉奏曲成費傍恩足使充規事由私蓄無損國儲風示仗數矯情外行儉陋內奉宮室曾莫云改東

昏喪道侈風大扇銷糜海內以贍浮飾哲婦傾城同符殷夏嗚呼所以垂戒於方來也宋書后妃列傳論

宣武孝則識有先知高昭誕武世載母儀裝穆備閭位亦從讓明敬典冊配在宗枝秋宮亦遽軒景

前齡文安廢主百憂已離中興秉制揖讓弘規宋書后妃列傳贊

右南齊后妃 皇太子妃及後宮附

梁武德郁皇后名徽高平金鄉人父暉齊建元末嬪於武帝帝為雍州刺史日昃即位追贈皇后通考

帝系考

武丁貴嬪名令光譙國人工帝鎮樊城納之生昭明太子冊為貴嬪晉通七年薨南史后妃列傳

文宣阮太后名令贏會稽餘姚人工帝平建業納為采女生元帝帝為修容隨出蕃大同六年薨元帝

即位追崇為太后通考帝系考

簡文王皇后名靈瑯琊臨沂人初為晉安王妃大通三年拜皇太子妃薨簡文即位追崇為皇后

通考帝系考

元帝徐妃名昭佩東海郟人天監十八年拜為湘東王妃太清三年以罪死梁書后妃列傳

敬夏太后會稽人元帝納之生敬宗昭泰元年尊為太后明年降為江陰國太妃通考帝系考

敬王皇后琅邪臨沂人初為晉安王妃王即位拜皇后禪位降為江陰王妃通考帝系考

史臣曰后妃道贊皇風化行天下蓋取葛覃關雎之義焉至於穆貴嬪徽華早著護育元良德懋六

三 四 身之通正身委身有終 卷一 下  
官美英世祖徐妃之無行自致殲滅且哉

梁書后妃列傳論

右梁后妃

皇太子妃及後宮附

陳武宣章皇后名嬰兒吳興烏程人武帝聘之受禪立為皇后文帝即位尊為皇太后

通考帝系考

文沈皇后名妙容吳興武康人梁大同中歸於文帝武帝即位為臨川王妃文帝即位為皇后廢帝

立為皇太后

南史后妃列傳

廢帝王皇后琅邪臨沂人初為皇太子妃廢帝即位立為皇后帝廢降為臨海王妃至德中薨

通考帝系考

宣柳皇后名敬言河東解縣人宣帝在江陵聘之生後主宣帝即位為皇后後主即位尊為皇太后

通考帝系考

後主沈皇后名曼華吳興武康人父君理太建三年拜為皇太子妃後主即位立為皇后陳亡入長

安隋煬帝每巡幸恒令從駕煬帝被弑后為尼於毗陵天靜寺貞觀初卒

南史后妃列傳

張貴妃名麗華本兵家女後主為太子選入宮得幸生太子深拜貴妃陳亡為隋軍所殺

通考帝系考

後主初即位以始興叔陵之亂被傷臥於承香閣下時諸姬並不得進唯張貴妃侍焉而柳太后猶

居栢梁殿即皇后之正殿也後主沈皇后素無寵不得侍疾別居求賢殿至德二年乃於光照殿前

起臨春結綺望仙三閣閣高數丈並數十間其窗牖壁帶懸楣欄檻之類並以沉檀香木為之又飾

以金玉間以珠翠外施珠簾內有寶床寶帳其服玩之屬瑰奇珍麗近古所未有每微風暫至香聞

數里朝日初照光暎後度其下積石爲山引水爲池植以奇樹雜以花藥後主自居臨春閣張貴妃居結綺閣龔孔二妃嬪居望仙閣並複道交相往來又有王季二美人張薛二淑媛袁昭儀何婕妤江脩容等七人並有寵以宮人有文學者袁大捨等爲女學士後主每引賓客對貴妃等遊宴則使諸貴人及女學士與狎客共賦新詩互相贈答採其尤豔麗者以爲曲詞被以新聲選宮女有容色以千百數令習而誦之分部迭進持以相樂其曲有玉樹後庭花臨春樂等大指所歸皆美張貴妃孔貴嬪之容色也於是張孔之勢薰灼四方大臣執政亦從風而靡閹宦便佞之徒內外交結轉相引進賄賂公行賞罰無常綱紀皆亂矣

陳書后妃列傳論

右陳后妃

皇太子妃及後宮附

北史后妃傳叙魏氏王業之兆雖始於神元然自昭成之前未具言六宮之典而章本忠昭穆惠煬烈八帝妃后無聞道武追尊祖妣皆從帝諡爲皇后始立中宮餘妾或稱夫人多少無限然皆有品次太武稍增左右昭儀及貴人椒房等後度漸已多矣又魏故事將立皇后必令手鑄金人以成者爲吉不則不得立也又太武文成保母劬渠之恩並極尊崇之義雖事乖典禮而觀過知仁孝文改定內官左右昭儀位視大司馬三夫人視三公三嬪視三卿六嬪視六卿世婦視中大夫御女視元士後置女職以典內司視尚書令僕作司大監女侍中三官視二品監女尚書美人女史女賢入女書史書女小書女五官視三品中才人供人中使女生才人恭使宮人視四品青衣女酒女養女食



奚官女奴視五品及齊神武文襄俱未踐尊極神武嫡妻稱妃其所聘蠕蠕女稱爲蠕蠕公主文襄既尙魏朝公主故無別號兩宮自餘姬侍並稱娘而已文宣後廢雖有夫人嬪御之稱然未具員數也孝昭內職甚少唯楊妃才貌兼美復是貴家襄城王母桑氏有德行並蒙恩禮其餘無聞焉河清新令內命婦依古制有三夫人九嬪二十七世婦八十一御女又進漢制置昭儀有左右二人比丞相其弘德正德崇德爲三夫人比三公光猷昭訓隆徽爲上嬪比三卿宣徽凝暉宣明順華凝華光訓爲下嬪比六卿正華令則修訓曜儀明淑芳華敬婉昭華光正昭寧貞範宏徽和德弘猷茂光明信靜訓曜德廣訓暉範敬訓芳猷婉華明範豔儀暉則敬爲二十七世婦比從三品穆光茂德貞懿曜光貞凝光範令儀內範穆閨婉德明婉豔婉妙範暉章敬茂靜肅章穆華慎儀妙儀明懿宗明麗則婉儀彭脩閑脩靜弘慎豔光漪容徽淑秀儀芳婉貞慎明豔穆修範肅容茂儀英淑弘豔正信凝婉英範懷順修媛良則瑤章訓成潤儀宣訓淑懿未則穆儀修禮昭慎貞媛肅閨敬順柔華昭順敬宣明訓弘儀崇敬修敬承閑昭容麗儀閑華思未媛光懷德良媛淑倚茂範良信豔華徽娥肅儀妙則爲八十一御女比正四品武成好內並具其員自外又置才人采女以爲散號後主旣立二后昭儀以下皆倍其數又置左右娥英比左右丞相降昭儀比二夫人尋又置淑妃一人比相國周氏率由姬制內職有序文帝創基修衽席以儉約武皇嗣歷卽情欲於矯枉宮闈有貴魚之美戚里無私滿之尤可謂得君人之體也宣皇外行其志內逞其欲溪壑難滿采擇無厭恩之所加莫限廝草榮

之所及無隔險諒於是升蘭殿以正位踐椒庭而齊體者非一人焉階房帷而拖青紫綠恩幸而擁玉帛非一族焉雖辛癸之荒淫趙李之傾惑曾未足比其髣髴也人厭苛政弊事實多文帝之祀忍諸特由於此隋又思革前弊太矯其矣惟皇后富室傍無私寵婦有位號未詳備焉開皇二年著內官之式略依周禮省減其數嬪三員掌教四德視正三品世婦九員掌賓客祭祀視正五品女御三十八員掌女功絲枲視正七品又采漢晉舊儀置六尚六司六典遞相統攝以掌宮掖之政一曰尚書導引皇后及閨閣粟賜管司令三人掌圖籍法式糾察宣奏典琮三人掌琮璽器玩二曰尚儀掌禮儀敬學管司樂三人掌音律之事典贊三人掌導引內外命婦朝見三曰尚服掌服章寶藏管司飾三人掌簪珥花嚴典櫛三人掌巾櫛膏沐四曰尚食掌進膳先嘗管司醫三人掌方藥卜筮典醫四人掌辨藥器皿五曰尚寢掌帷帳牀褥管司冠三人掌鋪設酒掃典執三人掌扇傘燈燭六曰尚工掌營造自役管司製三人掌衣服裁縫典會三人掌財帛出入六尚各三員視從九品六司視勳品六典視流外二品初文獻皇后功參歷試外預朝政內擅宮闈懷嫉妬之心虛嬪妾之位不設三妃防其上逼自嬪以下置六十員又加抑損服章降其品秩至文獻崩後始置貴人三員增嬪至九員世婦二十七員御女八十一員貴人等關掌宮闈之務六尚以下皆分隸焉煬帝時后妃嬪御無釐婦職唯端麗飾陪從宴遊而已帝又參詳典故自制嘉名著之於令貴妃淑妃德妃是為三夫人品正第一順儀順容順華修儀修容修華充儀充容充華是為九嬪品正第二婕妤一十二員品

正第三美人一人一十五員品正第四是爲世婦寶林二十四員品正第五御女二十四員品正第六采女二十七員品正第七是爲女御總二百二十以叙於燕寢又有承衣刀人皆趨侍左右並無員數視六品以下時又增置女官準尚書有以六局管二十四司一曰尚宮局管司言掌宣傳奏啟司簿掌名錄計度司正掌格式推罰司閤掌西閤管籥二曰尚儀局管司稽掌經史教學紙筆凡案司樂掌音律司賓掌賓客司贊掌禮儀贊相導引三曰尚服局管司璽掌琮璜符節司衣掌衣服司飾掌湯沐巾櫛玩弄司仗掌仗衛戎器四曰尚食局管司膳掌膳羞司醢掌酒醴醢醢司藥掌盥巫藥劑司膳掌廩餼粟炭五曰尚寢局管司設掌牀席帳帷鋪設酒掃司灑掌灑盥金扇執持羽儀司苑掌園囿種植蔬菜瓜果司燈掌火燭六曰尚工局管司製掌營造裁縫司寶掌金玉珠璣錢貨司綵掌繒帛司織掌織染六尚二十二司員各二人唯司藥司膳員各四人母司又置典及掌以貳其職六尚十人品從第五司二十八人品從第六典二十八人品從第七掌二十八人品從第九女使流外量局閑剋多者十人以下無定員數聯事分職各有司存焉

通考帝系考

魏平文皇后王氏廣寧人也生昭成帝太祖卽位配饗太廟

魏書皇后列傳

昭成皇后慕容氏元真之女也生獻明帝建國二十三年崩太祖卽位配饗太廟

魏書皇后列傳

獻明皇后賀氏東部大人野干女生道武皇始元年崩後追加尊號

北史后妃列傳

道武皇后慕容氏寶之季女中山平入宮得幸後立爲皇后

通考帝系考

道武宣穆皇后劉氏劉眷女登國初納爲夫人生明元以鎗金人不成故不登后位魏故事後宮產子將爲儲貳其母皆賜死道武末年后以舊法出册明元即位追尊位魏書皇后列傳

明元昭哀皇后姚氏姚興女明元納爲夫人後薨追贈后通考帝系考

明元密皇后杜氏魏郡鄴人以良家子選入太子宮生太武拜貴嬪薨太武即位追尊爲后魏書皇后列傳

太武保母竇氏初以夫家坐事誅入宮明元命爲太武保母太武即位尊爲皇太后通考帝系考

太武皇后赫連氏屈丐女太武平統萬納之爲貴人後立爲皇后文成初崩通考帝系考

太武景哀皇后賀氏代人初爲夫人生景穆薨追贈貴嬪北史后妃列傳

景穆恭皇后郁久闍氏河東王毗之妹以選入東宮生文成薨文成即位追上尊號通考帝系考

高宗乳母常氏本遼西人太延中以事入宮世祖選乳高宗有勛勞保護之功高宗即位尊爲保太后尋爲皇太后謁於郊廟魏書皇后列傳

文成文明皇后馮氏長樂信都人父朗坐事誅后遂入宮以選爲貴人後立爲皇后獻文即位尊爲皇太后北史后妃列傳

文成元皇后李氏梁國蒙縣人太武南征得之後入文成宮中生獻文拜貴人後諡元皇后通考帝系考

獻文思皇后李氏中山安喜人以選入宮爲夫人生孝文後追諡北史后妃列傳

孝文貞皇后林氏平涼人父勝坐法誅遂入掖庭生皇于恂薨追諡后通考帝系考

二十四史九通文選(續)卷一百一十一 南七朝 帝系 十一 約雅堂藏板

孝文廢后馮氏太師熙之女太和十七年立為后後以寵衰廢為尼

北史后妃列傳

孝文幽皇后馮氏亦熙之女入宮拜昭儀後立為皇后坐淫恣廢死葬以后禮

通考帝系考

孝文昭皇后高氏司徒公肇之妹也父颺母蓋氏生世宗後生廣平王懷次長樂公主暴薨於汲郡之共縣諡曰文昭貴人世宗踐阼追尊配饗

魏書皇后列傳

宣武順皇后于氏太尉烈弟勁之女選入宮為貴人帝即位立為后崩

通考帝系考

宣武皇后高氏文昭皇后弟優之女入宮為貴嬪帝即位立為后明帝即位尊為皇太后

通考帝系考

宣武靈皇后胡氏安定臨涇人司徒國珍女入掖庭為充華生明帝帝即位尊皇太妃後又尊為皇

太后

北史后妃列傳

孝明皇后胡氏靈太后從兄盛之女帝即位立為皇后武泰初入道為尼

通考帝系考

孝武皇后高氏齊神武長女帝立納為后帝西幸關中降為彭成王妃

通考帝系考

文帝文皇后乙弗氏河南洛陽人其先世吐谷渾渠帥父瑗文帝納為妃即位冊為皇后後帝結昏

蠕蠕后遷居別宮為尼卒

北史后妃列傳

文帝悼皇后郁久閭氏蠕蠕主阿那瓌之長女蠕蠕屢犯邊帝乃納其女為后二年崩

通考帝系考

少帝皇后宇文氏周文帝女帝為太子納為妃即位為皇后帝既廢崩后亦以忠於魏室惟禍

通考帝系考

恭帝皇后若千氏司空長樂止公惠之女恭帝納之為后後出家為尼

北史后妃列傳

孝靜皇后高氏齊神武第二女天平四年聘為皇后齊受禪降為中山王妃後再嫁於楊愔按北史楊愔考帝系考

始祖生自天女克昌後葉靈后淫恣卒亡天下傾城之戒其在茲乎鈞七年稚子幼漢武所以行權魏世遂為常制于貴母死矯枉之義不亦過哉高祖終革其失良有以也魏書皇后列傳論

右魏后妃 皇太子妃及後宮附

齊武明皇后婁氏名昭君贈司徒內干之女神武聘之既秉政封渤海王拜為王妃凡孕一男一女

文宣受禪尊為皇太后通考帝系考

蠕蠕公主蠕蠕主郁久閣那阿瓊之女神武以蠕蠕屢犯邊聘其女神武朋文襄從其國法為焉廞

一女通考帝系考

彭城太妃爾朱氏榮之女魏孝莊后神武納為別室生子浹後為尼天保初為太妃為文宣所殺通考帝系考

考

馮翊太妃鄭氏名大車初為魏廣平王妃神武納之生馮翊王潤北史后妃列傳

文襄敬皇后元氏魏靜帝之姊初為世子妃文宣受禪尊為文襄皇后居靜德宮武平中崩按北齊書作孝

靜帝之妹通考世系考

文宣皇后李氏名祖娥趙郡李希宗女為文宣妃帝受禪立為皇后孝昭即位號昭信皇后武成即

位逼淫之遂為尼齊亡入周隋時卒

通考帝  
系考

北齊皇帝納后之禮納采問名納徵訖告國丘方澤及廟是日皇帝臨軒命太尉為使司徒副之持節詣后行宮東回奉靈綬以冊授中常侍皇后受冊於行殿使者與公卿以下皆拜有司備迎禮太尉太保受詔而行主人公服迎拜於門使者入升自賓階東向主人升自阼階西面禮物陳於庭設席於兩楹閒童子以簪書版升主人升跪受送者拜於大門外有司先於昭陽殿兩楹閒供帳為同牢之具皇后服大嚴繡衣帶綬佩加幃女長御引出升畫輪四望軍女侍中負靈陪乘鹵簿如大駕皇帝服玄冕出升御坐皇后入門大鹵簿位門外小鹵簿入到東上閣施步障降車席道以入昭陽殿前至席位姆去幃皇后先拜後起皇帝後拜先起升自西階詣同牢座與皇后俱坐各三飲訖又各酌二爵一盃奏禮畢后與南向立皇帝御太極殿王公以下拜表謝又明日以棗栗棗脩見皇太后於昭陽殿擇日羣官上禮又擇日詣廟皇帝使太尉先以太牢告而後遍見羣廟

通考帝系皇  
帝納后考

孝昭皇后元氏開府元蠻女初為常山王妃孝昭即位立為皇后武成立降居順成宮齊亡入周隋

時卒

通考帝  
系考

弘德夫人李氏趙郡李叔讓女初為魏靜帝嬪武成納之生南陽王仁為太妃

通考帝  
系考

武成皇后胡氏安定胡延之女生後主武成立為皇后後主立尊為皇太后

北史后  
妃列傳

後主皇后斛律氏左丞相光之女初為皇太子妃後主受禪立為皇后光被害后廢後為尼齊亡再

通開府元仁北齊書后妃列傳

後主皇后胡氏隴西王長仁女入宮爲昭儀斛律后廢立爲皇后後以忤胡太后廢爲尼齊亡後亦

改嫁通考帝系考

後主穆皇后名邢利本斛律氏從婢入宮得幸生皇子恒胡皇后廢立爲后齊亡不知所終北史后妃列傳

馮淑妃名小憐穆后從婢穆后愛淑妃有寵封淑妃齊亡入周以賜代王達通考帝系考

右北齊后妃皇太子妃及後宮附

周氏率由姬制內職有序太祖創基修衽席以儉約高祖嗣歷節欲於矯枉宮闈有貫魚之美戚里無私溺之尤可謂得人君體也宣王外行其志內逞其欲溪壑難兩採擇無厭恩之所加莫限斯皂業之所及無隔險誠於是升蘭殿而正位踐椒庭而齊體者非一人焉階房帷而拖青紫承恩倖而擁玉帛者非一族焉雖辛癸之荒淫趙李之傾惑曾未足比其髮鬢也民厭苛政弊事實多太祖之祚忍諸特由於此故叙其事以爲皇后傳云通考皇后列傳叙

周文帝元皇后魏孝武帝之妹生孝閔帝大統七年薨孝閔踐祚追尊爲王太后武成初又追尊爲

皇太后周書皇太后列傳

文宣叱奴皇后代人周文帝爲丞相納之生武帝帝卽位尊爲皇太后通考帝系考

孝閔皇后元氏名胡摩魏文帝女爲略陽公尙焉及踐祚立爲皇后帝被廢后爲尼晉人護誅上尊



號為孝閔皇后居崇義宮隋革命出居里第大業時卒

北史后妃列傳

明敬皇后獨孤氏太保衛公信長女帝在藩納為夫人即位立為皇后崩與帝合葬昭陵

通考帝系考

武成皇后阿史那氏突厥可汗女武帝時突厥強故聘其女為后宣帝即位尊為皇太后

通考帝系考

武皇后李氏名娥女楚人江陵平没入宮周文以賜武帝得幸生宣帝宣政元年尊為皇太后

北史后妃列傳

宣皇后楊氏名麗華隋文帝長女帝為太子納為妃即位立為后靜帝即位為皇太后

通考帝系考

宣帝后朱氏名滿月吳人其家坐事没入東宮宣帝幸之生靜帝立為天元皇后

北史后妃列傳

宣帝后陳氏潁川人以選入宮拜德妃立為天左皇后帝崩出俗為尼唐永徽初卒

通考帝系考

宣帝皇后元氏名樂向河南汝陽人開府晟之女入宮為貴妃後立為天右皇后帝崩出俗為尼貞

觀中卒

北史后妃列傳

宣帝皇后尉遲氏名繫熾勤公迥之孫女初適杞公亮子温以宗婦入廟帝逼幸之亮謀逆誅遂入

宮為天右大皇后帝崩出俗為尼開皇十五年卒

按周作天左大皇后通考帝系考

靜帝司馬皇后名令姬清難之女納為后二年隋文以后父奔陳廢為庶人後嫁為隋司州刺史李

丹妻

北史后妃列傳

自周氏受命逮乎高祖年踰三紀世歷四君乃棄同即異以夷亂華捐婚姻之義序求豺狼之外利

傾漢室者王族喪周祚者楊氏何滅亡之禍合君符契焉斯魏文所以發一概之詔也已周書皇后列傳論

右周后妃

皇太子妃及後宮附

隋文獻皇后獨孤氏名伽羅河南洛陽人周大司馬衛公信之女文帝受禪立為皇后仁壽二年崩

年五十九

北史后妃列傳

宣華夫人陳氏陳宣帝女陳亡入掖庭文獻后崩進位為貴人後拜宣華夫人煬帝時卒隋書后妃列傳

容華夫人蔡氏丹陽人陳亡以選入宮拜為貴人後加號容華夫人煬帝時卒通考帝系考

煬帝愍皇后蕭氏梁明帝歸之女文帝聘為晉王妃煬帝即位立為皇后煬帝遇弒後沒於寶建德

突厥可賀敦隋義城公主使迎之入虜庭唐貞觀四年破突厥以禮致之歸於京師賜宅於興道里

二十一年殂詔以皇后禮合葬於揚州煬帝陵北史后妃列傳

二后帝未登庸早儷長極恩隆好合始終不渝文獻德異鳴鳩心非均一擅龍移嫡傾覆宗社惜哉

書曰牝雞之晨惟家之索高祖之不能敦睦九族抑有由矣蕭后初歸藩邸有輔佐君子之心煬帝

得不以道便謂人無忠信父子之間尚懷猜阻夫婦之際其何有焉豈乎國破家亡窺身無地飄流

異域良足悲矣隋書后妃列傳論

右隋后妃

皇太子妃及後宮附

自古帝王之興雖係之於歷數至於經政多難莫不兼藉親賢列武王暨羣才一舉而掃勳寇蓋亦

人謀之致乎長沙雖位列台鼎不受本根之寄迹其行事有以知武之則哲廬陵以帝子之重兼  
高明之姿禍生忌克痛矣夫天倫猶子分形共氣親愛之道人理所同高貴之情其義則舛觀夫彭  
城南郡其然乎江夏地居愛子位當上相屈體降身歸於卑下得使兩朝暴主永無猜色及在永光  
幼主南面而礫體分肌古人以隱微致誠斯爲篤矣衡陽晚存酒德何先後之云殊其將存覆車之  
鑒不然何以致於是也

南史宋宗室  
諸王論上

宋武帝七男張夫人生少帝孫脩華生廬陵孝獻王義真胡捷仔生文帝王脩谷生彭城王義康桓  
美人生江夏文獻王義恭孫美人生南郡王義宣呂美人生衡陽文王義季

通考帝  
余考

文帝十九男元皇后生元凶劭潘淑妃生始興王浚路淑媛生孝武帝吳淑儀生南平穆王鏐高脩  
儀生廬陵昭王紹殷脩華生竟陵王誕曹婕仔生建平宣簡王宏陳脩谷生東海王禕謝谷華生晉  
熙王昶江脩谷生武昌王渾沈捷仔生明帝楊美人生始安王休仁邢美人生山陽王休祐蔡美人  
生海陵王休茂董美人生鄱陽良王休業顏夫人生臨慶冲王休倩陳美人生新野懷王夷父荀美  
人生桂陽王休範羅美人生巴陵良王休若紹出繼廬陵孝獻王義真

南史宋宗室  
及諸王列傳

孝武帝二十八男文穆皇后生廢帝子業豫章王子尚陳淑媛生晉安王子勛阮谷華生安陸王子  
綬徐昭谷生皇子子深何淑儀生松滋侯子房史昭華生臨海王子頊殷貴妃生始平孝敬王子鸞  
次永嘉王子仁與皇子子深同生何捷仔生皇子子鳳謝昭谷生始安王子真江捷仔生皇子子元

史昭儀生昭陵王子元次齊敬王子羽與始平孝敬王子鸞同生江美人生皇王子子衡楊健仔生淮南王子孟次皇王子子況與皇王子子元同生次南平王子產與永嘉王子仁同生次晉陵孝王子雲次皇王子子文並與始平孝敬王子鸞同生次廬陵王子興與淮南王子孟同生次南海哀王子師與始平孝敬王子鸞同生次淮南思王子霄與皇王子子元同生次皇王子子雅與始安王子子真同生次皇王子子趨與皇王子子鳳同生次皇王子子期與皇王子子衡同生次東平王子子嗣與始安王子子真同生張谷華生皇王子子悅安陸王子子綏南平王子子產廬陵王子子興並出繼皇王子子深子鳳子元子衡子況子文子雍未封早天子趨子期子悅未封爲明帝所殺按淮南思王北史作淮陽思王通考帝系考

明帝十二男陳貴妃生後廢帝謝修儀生皇王子子法良陳昭華生順帝徐健仔生第四皇王子鄭修谷生皇王子智并次晉熙王變與皇王子子法良同生泉美人生邵陵殤王友次江夏王躋與第四皇王子同生徐良人生武陵王贊杜修華生隨陽王翽次新興王嵩與武陵王贊同生又泉美人生始建王禧智并變躋贊並出繼法良未封第四皇王子未有名早天按南史皇王子智并作智并通考帝系考

甚矣哉元嘉之遇禍也殺逆之變事起肌膚因心之童遂亡天性雖鳴鏑之酷未極於斯其不至覆亡亦爲幸也明皇統運凝隙內構尋斧所加先自王威音刺以獷暴推軀已哀由和良醜體保身之路未知彼適晉之戒子慎勿爲善詳求其旨將遠有以乎詩云不自我先不自我後蓋古人之畏亂也孝武諸子提挈以成釁亂遂至宇內沸騰王室如燬而帝之諸肩莫不殲焉強不如弱義在於此

明帝負蠟之慶事非已出枝葉不茂豈能庇其本乎

南史宋宗室諸王論下

右宋皇太子皇子

齊高帝十九男昭皇后生武帝豫章文獻王凝謝貴嬪生臨川獻王映長沙威王晃羅太妃生武陵昭王暕任太妃生安成恭王高陸修儀生鄱陽王鏘晉熙王球袁修容生桂陽王鐸何太妃生始興簡王鑑宜都王鐸區貴人生衡陽王鈞張淑妃生江夏王鋒河東王鉉李美人生南平王鏡第九第十三第十四第十七皇子早亡衡陽王鈞出繼帝兄元王後

按文獻王凝南史齊書皆作疑通考帝餘考

武帝二十三男穆皇后生文惠太子竟陵文宣王子良張淑妃生廬陵王子卿魚腹侯子響周淑儀生安陸王子敬建安王子真阮淑媛生晉安王子懋衡陽王子峻王淑儀生隨郡王子隆蔡婕妤生西陽王子明樂容華生南海王子空傅充華生巴陵王子倫謝昭儀生邵陵王子貞江淑儀生臨賀王子岳庾昭容生西陽王子文荀昭華生南康王子琳顏婕妤生永陽王子珉宮人謝生湘東王子建何充華生南郡王子夏第六第十二第十五第二十二皇子早亡子珉繼衡陽元王後

南史齊宗室傳

文惠太子四男安皇后生廢帝鬱林王昭業宮人許氏生廢帝海陵恭王昭文陳氏生巴林王昭秀

褚氏生桂陽王昭業

南齊書宗室傳

明帝十一男敬皇后生廢帝東昏侯寶卷江夏王寶元鄱陽王寶寅和帝殷貴嬪生巴陵隱王寶義晉熙王寶嵩貴妃生廬陵王寶源管淑妃生邵陵王寶修許淑媛生桂陽王寶貞餘皆自早夭

南齊書宗

室傳南史齊  
宗室傳同

齊受宋禪劉宗盡見誅夷梁王革齊弗取前轍于恪兄弟並皆錄用雖見梁武之宏裕亦表文獻之餘慶昔陳思表云權之所存雖疎必重勢之所去雖親必輕原夫此言實存固本武帝顧命情深尊密圖遠算意在求安以明帝同起布衣用存顧託遂賴永命於近感寄重任於疎親以爲子弟布列外有強大之固支庶中立可息覬覦之謀表裏相維存隆家國曾不慮機能還衝權可制衆宗族殲滅一至於斯曹植之言遠有致矣

南史齊高諸子傳論

右南齊皇太子皇子

梁武帝八男丁貴嬪生昭明太子統簡文皇帝廬陵威王續阮修容生孝元帝吳淑媛生豫章王綜

董昭儀生南康簡王績丁充華生邵陵攜王綸葛修容生武陵王紀

南史梁武諸子傳

簡文帝二十子王皇后生哀太子大器南郡王大連陳淑容生潯陽王大心左夫人生南海王大臨

安陸王大春謝夫人生瀏陽公大雅張夫人生新興王大莊包昭華生西陽王大鈞范夫人生武寧

王大威褚修華生建平王大球陳夫人生義安王大昕朱夫人生綏建王大擘其臨川王大欸桂陽

王大成汝南王大封樂良王大圖並不知母氏潘美人生皇子大訓早亡

通考帝系考

元帝諸子徐妃生忠烈世十方等王貴嬪生貞惠世十方諸始安王方略袁貴人生愍懷太十方矩

夏貴妃生敬皇帝餘不顯

南史梁元諸子傳

甚矣護佞之爲巧也。離父子間，兄弟廢楚，嫡疎漢嗣，可爲太息。以昭明之親之賢，梁武帝之愛之信，謗言一及，至死不能自明，況於下此者也。簡文提挈寇戎，元帝崎嶇危亂，諸子之備踐艱棘，蓋時運之所鍾，平忠烈以幹盡之材，出冢嗣之任，竟亦當年擯落，通塞亦云命也。哀哉。

南史梁記  
皇子傳論

右梁皇太子皇子

陳文帝十三男：沈皇后生廢帝、始興王伯茂、嚴淑媛生鄱陽王伯山、晉安王伯恭、潘容華生新安王伯固、劉昭華生衡陽王伯信、王充華生廬陵王伯仁、張修容生江夏王伯義、韓修華生武陵王伯禮、江貴妃生永陽王伯智、孔貴妃生桂陽王伯謀、二男早卒，無名。伯信出繼衡陽王昌。

南史陳文  
帝諸子傳

宣帝四十一男：柳皇后生後主彭貴人，生始興王叔陵、曹淑華生豫章王叔英、何淑儀生長沙王叔堅、直都王叔明、魏昭華生建安王叔卿、錢貴妃生河東王叔獻、劉昭儀生新蔡王叔齊、袁昭容生晉熙王叔文、義陽王叔達、新會王叔坦、王姬生淮南王叔彪、巴山王叔雄、吳姬生始興王叔重、徐姬生尋陽王叔儼、馮子姬生岳陽王叔慎、王修華生武昌王叔虞、章修容生湘東王叔平、施姬生臨賀王叔敖、沅陵王叔興、曾姬生陽山王叔宣、陽姬生西陽王叔穆、申婕妤生南安王叔儉、南郡王叔澄、岳山王叔韶、太原王叔匡、袁姬生新興王叔純、吳姬生巴東王叔謨、劉姬生臨海王叔顯、秦姬生新寧王叔隆、新昌王叔榮、其皇子叔獻、叔忠、叔弘、叔毅、叔訓、叔武、叔處、叔封，八人並未及封。三子早卒，無

名。通考帝  
系考

後主二十二男張貴妃生太子深會稽王莊孫姬生吳興王元高昭儀生南平主寔呂淑媛生永嘉王彥邵陵王範繁貴嬪生南海王虔錢塘王恬張淑華生信義王祗徐淑儀生東陽王恮孔貴人生吳郡王蕃其皇子總觀明綱統沖洽縉綽威辯十一人並未及封

南史陳後主諸子傳陳書同

有陳受命雖疆土日覺然封建之典無革先王永修等並以疎屬列居蕃屏慧紀始終之迹其殆復乎衡陽南康地皆懿戚提攜以殞惟命也天文宣二帝諸子不一鄱陽岳陽風迹可紀古所謂維城盤石叔慎其近之乎

南史陳諸皇子傳論

### 右陳皇太子皇子

魏昭成帝九子庶長曰實君次曰明元帝次曰秦王輪次曰關婆次曰壽鳩次曰紇根次曰地干次曰力真次曰窟庭

北史魏宗室傳

道武皇帝十男宣穆劉后生明元帝賀夫人生清河王紹大王夫人生陽平王熙王夫人生河南王暉河間王修長樂王處文二王母氏闕段夫人生廣平王連京兆王黎皇子渾及聰母氏並闕首早薨無傳

通考帝系考

明元皇帝七男杜密皇后生太武大慕容夫人生樂平戾王不安足殤王彌闕母氏慕容夫人生樂安宣王範尹夫人生永昌莊王健建寧王崇新興王俊二王並闕母氏

魏書明元六王傳

太武帝十一男賀皇后生景穆帝越椒房生晉王伏羅舒椒房生東平王翰弗椒房生臨淮王譚伏



椒房生廣陽王建閭石昭儀生南安王余其小兒猶兒真彪頭龍頭並闕母氏早薨無傳通考帝系考

景穆帝十四男恭皇后生文成皇帝袁椒房生陽平幽王新成尉椒房生京兆康王子推濟陰王小

新成楊椒房生汝陰靈王天賜樂浪厲王禹壽廣平殤王洛侯母並闕孟椒房生任城康王雲劉椒

房生南安惠王禎城陽康王長壽慕容椒房生章武敬王太洛尉椒房生樂陵康王胡兒孟椒房生

安定靖王休趙王深早薨無傳母闕北史魏諸皇子傳

文成皇帝七男孝元皇后生獻文皇帝李夫人生安樂厲王長樂曹夫人生廣川莊王略沮渠夫人

生齊郡順王簡乙夫人生河間孝王若悅夫人生安豐匡王猛元夫人生韓良王安平早薨無傳魏書

文成五王傳

獻文皇帝七男思皇后生孝文皇帝封昭儀生咸陽王禧韓貴人生趙郡靈王幹高陽文穆王雍孟

椒房生廣陵慧王羽潘貴人生彭城宣王颺高椒房生北海王詳通考帝系考

孝文皇帝七男林廢后生廢太子恂文昭皇后生宣武帝廣平文穆王懷哀貴人生京兆王愉羅夫

人生清河文獻王懌汝南文宣王悅鄭充華生皇子桃未封早天北史魏諸皇子列傳

魏氏始自幽都肇基帝業上合公等分枝若木疏派天潢或積預經綸大開土宇或迹同凶序自致

殲夷其禍福之來唯人所召至如神武之義感隣國祚隆帝統太伯延陵未足多也北史魏諸皇子傳論

右魏皇太子皇子

齊神武帝十五男武明惠皇后生文襄皇帝文宣皇帝孝昭皇帝襄城景王清武成皇帝博陵文簡

王濟王氏生永安簡平王浚穆氏生平陽靖翼王淹大爾朱氏生彭城景思王激華山王凝韓氏生

上黨剛肅王渙小爾朱氏生任城王湣游氏生高陽康穆王湜鄭氏生馮翊王濶馬氏生漢陽敬懷

王洽

北齊書高祖十一王傳

文襄六男文敬元皇后生河間王孝琬宋氏生河南王孝瑜王氏生廣寧王孝珩蘭陵王長恭不傳

母氏陳氏生安德王延宗燕氏生滎陽王紹信

北史齊宗室諸王傳

文宣五男孝后生廢帝及太原王紹德馮世婦生范陽王紹義裴嬪生西河王紹仁顏嬪生隴西王

紹廉

通考帝系考

孝昭七男元皇后生樂陵王百年桑氏生襄城王齊諸姬生汝南王彥理始平王彥德城陽王彥基

定陽王彥康汝陽王彥忠

北齊書孝昭六王傳

武成十二男胡皇后生後主及瑯邪王儼李夫人生南陽王綽後宮生齊安王廓北平王貞高平王

仁英淮南王仁光西河王仁幾樂平王仁苞潁川王仁儉安樂王仁雅丹陽王仁直東海王仁讓

齊宗室諸王傳

後主五男穆皇后生幼主諸姬生東平王恪次善德次買德次質錢

通考帝系考

文襄諸子咸有風骨雖文雅之道有謝開平然武藝英姿多多琪潔侮縱咸陽賜劍覆賊有徵若使蘭

陵復全未可量也而終見誅戮以至十朋可為太息者矣安德以時艱主暗匿迹韜光及平陽之陣奮其忠勇蓋以臨難見危義深家國德昌大舉事迫羣情理至淪亡無所歸命廣當請出後自竟不獲遂非孝圻辭致有謝季同自是後主心識去矣平原已遠存亡事異安可同年而說武成殘忍姦穢事極人倫大原跡異猜嫌情非覺逆禍起昭信遂及淫刑嗟乎欲求長世未之有也以孝昭德音庶可慶流後嗣百年之酷蓋濟南之濫賜其云莫効前人之言可為傷歎各愛其子豈其然乎琅邪雖無師傅之資而早聞氣尚士開洋亂多歷歲年一朝勒絕慶集朝野以之受斃深可痛焉然專戮之變未之或免贈帝諡恭矯枉過直觀過知仁不亦異於是乎

北齊書諸皇子論傳

右北齊皇太子皇子

周文帝十三子姚夫人生明帝後宮生宋獻公震文元皇后生孝閔皇帝文宣叱奴皇后生武帝衛刺王直達步妃生齊煬王憲王姬生趙僧王招後宮生譙孝王儉陳惑王純越野王盛代煬王達莫康公通滕文王道

北史周室諸王傳

孝閔帝一子陸夫人生紀厲王康

周書諸皇子傳

明帝三男徐妃生畢刺王賢後宮生鄧王貞宋王實

北史周室諸王傳

武帝七男李皇后生宣帝漢王賢庫汗姬生秦王賢曹王元馮姬生道王元薛世婦生蔡王元鄭姬

生荆王元

通考帝系考

宣帝三子朱皇后生壽帝王姬生業王行皇甫姬生郢王術

周書諸王傳

晉之羣臣非一族也豈齊晉強於列國溫陶賢於羣臣者哉太祖之定關右日不暇給既以人臣禮終未遑藩屏之事晉湯輔政爰樹其黨宗室長幼並據勢位握兵權雖海內謝隆平之風而國家有盤石之固高祖克翦世刺思弘政術懲專朝之爲患忘維城之遠圖外崇寵位內結猜阻自是配天之基潛有朽壤之墟矣宣皇嗣位凶暴是聞艾灼先其本枝削黜遍於公族雖復地惟叔父親則同生文能附衆武能威敵莫不謝卿士於當年從侯服於下國號爲千乘勢侔匹夫是以權臣乘其機謀士因其隙遷龜鼎速於俯拾殲王侯烈於燎原悠悠遠古未聞斯酷豈非摧枯振朽易爲力乎向使宣皇采姬劉之制覽聖哲之術分命賢戚希於內外料其輕重間以親疎首尾相持遠近爲用使其勢位也足以扶危其權力也不能爲亂業事既定僥倖自息雖使臥赤子朝委裘社稷固以久安億兆可以無患矣何后族之地而勢能窺其神器哉

右周皇太子皇子

隋文帝五男皆文獻后獨孤氏所生長房陵王勇次煬帝次秦孝王俊次庶人秀次庶人諫

北史隋宗室諸王傳

文帝立勇爲皇太子重國政事及尚書死罪以下皆令勇參決後經冬至百官朝勇勇張樂受賀帝問朝臣近闕至卽內外百官相率朝東宮是何禮也太常少卿辛亶對曰於東宮是賀不得言朝帝曰改卽稱賀正可三數十人逐情各去何因有司徵召一時普集太子法服設樂以待之東宮如此

殊乖禮制乃下詔曰皇太子雖居上嗣義兼臣子而諸方獄牧正冬朝賀任土作貢別上東宮事非  
典則宜悉停斷通考帝

煬帝三男蕭皇后生元德太子昭齊王暕蕭嬪生趙王杲隋書煬  
太子傳

高祖之子五人莫有終其天命異哉房陵資於骨肉之親篤以君臣之義經綸締構契濶夷險撫軍  
監國凡二十年雖三晉耒稱而視膳無闕恩寵既變讒言間之顧復之慈頓隔於人理父子之道遂  
滅於天性隋室將亡之效衆庶皆知之矣慎子有言曰一兔走街百人逐之積鬼於市過者不顧豈  
其無欲哉分定故也房陵分定久矣高祖一朝易之關逆亂之源長觀觀之望又維城肇建崇其威  
重恃寵而驕厚自封殖進之既踰制退之不以道後以愛卒實此之由俄屬天步方艱譏人已勝尺  
布斗粟莫肯相容秀瓊岷蜀之阻諒起晉陽之甲成茲亂常之變蓋亦有以動之也棠棣之詩徒賦  
有鼻之封無期或幽囚於囹圄或顛殞於鳩毒本根既絕枝葉畢剪十有餘年宗社淪陷自古廢嫡  
立庶覆族傾宗者多矣考其亂亡之禍未若有隋之酷詩曰殷鑒不遠在夏后之世後之有國有家  
者可不深戒哉隋書宗  
室傳論

### 右隋皇太子皇子

宋公主有傳令傳令不得朱服

武帝女 會稽宣長公主適徐達之 宣城德公主適周巒 豫康長公主適徐喬 吳興公主適

王偃 新安公主適王景深 安良公主適褚湛之 義興長公主 吳郡公主

文帝女 東陽獻公主適王僧綽 淮陽公主適江湛 新蔡長公主適何邁 潯陽公主適郗暕

臨川長公主英媛適王藻 南郡獻公主適褚淵 廬江公主適褚澄

孝武女 山陰公主適何戢 臨海公主適江教 安固公主適王志 臨汝公主適何教 安吉

公主適蔡約 山陰公主楚玉 康樂公主修明 皇女楚琇

明帝女 陽羨公主適王儉 臨淮公主適王瑩 晉陵公主伯姁 建安長公主伯媛

通考帝系考

宋世諸主莫不嚴妬明帝母疾之湖熟令袁愔妻以妬賜死使近臣虞通之撰妬婦記左光祿大夫

江湛孫教富尚武帝女上乃使人爲教作表讓婚曰伏承詔旨當以臨海公主降嬪榮出望表恩加

典外顧審輪蔽伏用憂惶臣寒門悴族人凡質陋間聞有對本隔天姻如臣素流家貧業寡年近將

冠皆以有室荆釵布裙足得成禮每不自解無偶之茲媒訪莫尋素族弗問目惟明慶屢降公主天

恩所覃庸及醜末懷憂抱惕慮不獲免徵命所當果膺茲舉雖門忝宗榮於臣非倖仰緣聖旨曷陳

愚責自晉氏以來配尚王姬者雖累經美曹極有名才至如王敦憤氣桓溫斂威真長倖愚以求免

于敬爰足以違禍王偃無仲都之質而蹀雪於北階何瑀關龍工之妾而投軀於深井謝莊殆自害

於矇叟殷仲幾不免於強鉏彼數人者非無才意而勢屈於宗貴事隔於聞覽吞悲茹氣無所逃訴

制勒甚於僕隸防閑過於婢妾行來出入人理之常當代兵客朋從之義而今掃輟息駕無關門之

期廢延抽席絕對接之理非惟交友離異乃亦兄弟疏濶第令受酒肉之賜制以動靜監子待錢帛之私節其言矣姆姊爭媚相勸以嚴尼媼競前相諂以急第令必凡庸下才監子皆愚明愚惑譏舉止則未閑是非聽言語則謬於虛實姆姊敢恃者皆唯賢妬忌尼媼自唱多知務檢口古其閒又有應答問訊卜筮師母乃至殘餘飲食詰辯與語誰衣被故弊必責頭領又出入之宜察者難及或進不獲前或入不聽出不入則嫌於欲疏求出則疑有別意召必以三哺爲期道必以日出爲恨夕不見晚魄朝不識曙星至於夜步月而弄琴畫拱袂而披卷一生之內與此長乖又聲影裁聞少婢奔迸裾袂向席則醜老叢來左右整屐以疑寵見嫌竄交果冠以少容致斥禮有列勝象有貫魚本無媼嫡之嫌豈有輕婦之謂今義絕傍私處恭正匹而每事必言無儀適設辭輒云輕易臣又竊聞諸主聚集唯論夫族緩不足爲急者法急則可爲緩者師更相屬誘本其恒意不可貸借固實常辭或云野敗去或云人笑我雖云家事有甚王憲發口所言恒同科律王藻雖復強復願經學涉戲笑之事遂爲寬魄褚賧憤用致天絕傷理言義難以具聞夫蠢斯之德實免克昌專妬之行有妨繁行是以尙主之門往往絕嗣駙馬之身通離釁皆以臣凡弱何以克堪必將毀族淪門豈伊身書則後嬰此其人雖衆然皆患彰遐邇事隔天朝故吞言咽理無敢論訴臣幸屬聖明矜照由道弘物以典處親以公臣之鄙懷可得自盡如臣門分世荷殊榮足守前基便預提拂清官顯位或由才升一叨婚戚咸成恩假是以仰冒非宜披露丹實非惟止陳一己規全身願實乃廣申諸門受患之切伏願天

慈昭察特賜蠲停使雀燕微羣得保叢蔚蠢物憐生自己彌篤若恩詔難降披請不申便當刊膚剪髮投山竄海帝以此表遍示諸主以諷切之并爲戲天通考帝

按自王姬執婦道之風不見於後世後之公主皆庸奴其夫晉人已有無事取官府之說至六朝而其弊尤甚南史王誕傳載辭婚表雖戲笑之言然亦當時事實也故錄於此通考帝系考按

右宋公主

齊梁陳皆踵宋制

齊高帝女 義興獻公主適沈文和 臨海長公主適王彬

武帝女 武康公主適徐演 長城公主適何敬容

明帝女 山陰公主適何況 錢塘公主適謝覽通考帝系考

右南齊公主

梁武帝女 安吉公主適王賈 長城公主適柳偃 永嘉公主適王銓 永興公主玉姚 永世

公主玉婉 永康公主玉環 臨安公主

簡文帝女 餘姚公主適王溥 南河公主適袁憲 溧陽公主辱於侯景

元帝女 益昌公主通考帝系考

右梁公主



陳武帝女 永嗣公主適錢藏帝即位時生已卒追封至是將葬尚書請議加蓋駙馬都尉侍中

族駙馬都尉置由漢武或以假諸功臣或以加於戚屬是以魏曹植表駙馬奉車取為一號齊職儀曰凡尚公主必拜駙馬都尉魏晉以來因為贈進蓋以王姬之重庶姓之輕若不加其等級豈

可合番而醜所以假駙馬之位乃宗於皇女也今公主早薨仇讐已絕既無禮數致疑何須駙馬之授按杜預尚晉宣帝第二女晉武踐祚而主已亡泰始中追贈公主元勳無復駙馬之號梁文

帝女新安穆公主早薨天監初王武氏無追拜之事遠近會稽穆公主適沈君環

文帝女 信安公主適蔡凝 義興公主適錢肅 富陽公主適柳盼通考帝系考

右陳公主

後魏公主有家令丞

道武曾引律合議論漢書至書故說漢祖欲以魯元公主妻匈奴善之嗟嘆良久是以諸公主皆

嫁於賓附之國朝臣子弟良族美彥不得尚焉

平陽公主薨石肇欲使公主家令居廬制服太常博士帝景曰今王姬降適雖加爵命事非君已

理異列土何者諸王開國備立臣吏生有趨奉之勤死蓋致喪之禮而公主家令唯有一人其丞

以下命之屬官既無接事之儀實關為臣之體原夫公主之貴所以立家令者蓋以主之內事脫

須關外理無自達必也因人然則家令唯通內外之職及典主家之事耳無關君臣之理名義之

分也由是推之家令不得為純臣公主不可為正君明矣且女人之為君男子之為臣古禮所不

載先朝所未議乃寢通考帝系考

道武女 華陰公主適閻大肥 漢澤公主

明元女 宜陽公主適穆逐留 武威公主適沮渠蒙捷 上谷公主適乙懷 南安長公主適杜

超

太武女 樂陵公主適穆壽 始平公主適赫連昌 博陵長公主適馮熙

景穆女 城陽公主適穆平國 長樂公主適穆正國 安樂公主適乙乾歸 高陽公主適萬振

文成女 濟北公主適穆伏干 河南公主適萬安國 上左公主適赫連宿石 西河公主適薛

初古授 武邑公主 建興公主 平陽長公主並適劉昶 新安長公主適穆熙 中山長公

主適穆亮

獻文女 長城公主適穆真 瑯琊公主適穆紹 常山公主適陸騰 趙郡公主適司馬躍 彭

城長公主適劉承緒再適王肅 樂浪長公主適盧道裕 樂安長公主適馮誕

孝文女 淮陽公主適乙瑗 華陽公主適司馬肱 長樂公主適高猛 安樂公主 始平公主

淮王長公主適己弗瑗 章武長公主適穆泰 蘭陵長公主適劉暉 南陽長公主適蕭贊

寅 濟南長公主適盧道虔 順陽長公主適馮穆

宣武女 建德公主適蕭烈 壽陽長公主適蕭贊

文帝女 金明公主適尉遲迴

通考考帝系考

右魏公主

北齊後周隋公主官屬皆如後魏制

齊神武女 太原長公主初為魏孝靜皇帝后後再適楊愔 東平長公主適可朱道元 公主適

司馬消難 浮陽長公主適李千學

文宣女 東安公主適段深 義寧公主適斛律武都 中山長公主適段寶鼎 公主適潘子晃

通考帝 系考

右北齊公主

周文帝女 霍國公主適賀拔緯 襄樂公主適韋世康 襄陽公主適竇毅 永富公主適史雄

順陽公主通隋滕穆玉楊瓊 西河長公主適劉昶 新興公主適蘇威字文護女

武帝女 清都公主通閻毗通考帝 系考

右周公主

隋文帝女 樂平公主為周天元帝后 蘭陵公主初適王奉孝再適韋機

煬帝女 南陽公主適宇文士及通考帝 系考

右隋公主

後魏以來和蕃公主

魏太武女 公主適氏主楊保宗 光化公主適吐谷渾世伏 廣樂公主適吐谷渾岑呂

魏齊南王匡孫

女 西海公主適蠕蠕主郁久間吳提 化政公主

元翌女

蘭陵公主並適蠕蠕主郁久間那阿

懷 長樂公主適突厥主阿史那土門

周千金公主

通王攝女適突厥主阿史那他鉢

隋華容公主適高昌王伯雅 義安公主

宗

適突厥可汗突利

義成公主

宗

適突厥可汗啟民

史稱魏道武採重敬之說諸公主皆嫁於賓附之國朝臣良族子弟皆不得尙蓋聞大肥楊保宗之屬皆夷狄也似不必分別爲和蕃公主然聞大肥董則部落之服屬而爲臣者也楊保宗輩則外國之未服屬而爲敵者也又國內之胡人所娶皇帝女而外國之君長所娶多宗女此又其所以不同也

通考帝系考

右和蕃公主



二十四史九通政典類要合編卷一百一

南北朝三

封建

宋宗室諸王 宋列侯 南齊宗室諸王 南齊列侯 梁宗室諸王 梁列侯 陳宗室諸王 陳列侯

宋氏一用晉制唯大小國皆有二軍自明帝以後皇子皇弟雖非都督亦置記室參軍亦號將軍為

大郡邊守置佐吏者又不置長史餘則同矣凡王子為侯者食邑皆千戶諸王世子皆金印紫綬進

賢兩梁冠佩山元玉初江夏王義恭為孝武所忌憂懼故奏革諸侯廳事不得南向坐國官正冬不

得跣登國殿及夾侍障扇不得雉尾劍不得鹿盧形但馬不得過二諸侯常行車前後不得過六隊

白直夾轂刀不得過銀銅為飾諸王子繼體為王者婚葬吉凶悉依諸國公侯之禮不得同皇弟皇

子諸王女封縣主諸王子孫襲封之王妃及封侯者大夫並不得鹵簿詔可 王國有師改傳自內

史相記室以下官多與晉同孔穎字思遠為江夏內史好酒多醉而明曉政事咸曰一月二十九日

醉勝他人二十九日雖又有辭記室參軍箋曰記室之要須通才敏思

性情綸密 凡郡縣內史相並於國主稱臣去任便止孝武孝建中始革此制不得追敬不得稱臣止

者為之 宜云下官而已劉勰封南康侯河東王欸之常為南康國相素輕幽後俱元會性嗜酒講飲之

日勰昔嘗見臣今不能勸一杯酒乎欸之效孫皓歌答之日昔為汝作臣今與汝比

稱既不勸汝酒 亦不願汝年 公主有傳令傳令不得朱服 不得朱服亦 通考封 江夏王所奏 建考

長沙景王道憐武帝中弟帝即位封永初三年薨子義欣嗣 瑾宋書宗室傳

義融義欣弟封陽縣侯子觀嗣 兗通考封 建考

義宗義融弟封新渝縣侯子懷珍 承宋書宗室傳

義宗弟封興安侯通考封建考

義恭封管道縣侯宋書宗室傳

臨川烈武王道規武帝少弟桓元篡位時以預起義進封至南郡公武帝即位追封臨川王 義慶

以長沙景王子嗣 畢通考封建考

營浦侯邁考武帝族弟帝即位封薨諡元子澄之嗣宋書宗室傳

廬陵孝獻王義真武帝次子初封桂陽縣公帝即位封廬陵王後為徐羨之等廢而殺之時年十八

紹文帝第五子以嗣義真 敬先通考封建考

彭城王義康武帝子帝即位封元嘉時入輔政後廢為庶人賜死宋書宗室傳

江夏文獻王義恭武帝子帝即位封後為廢帝所殺通考封建考

南郡王義宣武帝子元嘉元年初封竟陵王後改封南郡孝武時與賊質同反兵敗誅宋書宗室傳

衡陽文王義季武帝子元嘉元年封衡陽王後改封二十四年燒傅國至孫齊受禪國除通考封建考

始興王濬文帝子元嘉十三年封後與元凶劭同行弒逆伏誅宋書宗室傳

南平穆王鐸文帝第四子元嘉十六年封孝武初薨 敬猷為廢帝所殺 產以孝武子嗣 宣曜

以晉平王休祐子嗣 伯玉以衡陽恭王凝子嗣通考封建考

竟陵王誕文帝第六子元嘉二十二年封廣陵王後改封竟陵討元凶劬及南郡王義宣有功孝武忌

誕遣兵襲之誕反兵敗死

宋書宗室傳

建平宣簡王宏文帝第七子元嘉二十一年封孝武時薨子景素嗣廢帝時舉兵攻臺城不克被殺

通考封

應考

廬陵王禧文帝第八子元嘉二十二年封東海王後改封廬陵孝武時坐罪廢死

宋書宗室傳

晉熙王昶文帝第九子元嘉二十三年封義陽王廢帝即位舉兵不克奔魏 變以明帝子嗣濟受

禪見殺

武昌王渾文帝第十子元嘉二十四年封孝武時坐罪廢死

通考封

建安王休仁文帝第十二子元嘉二十九年封明帝立休仁有功帝忌之賜死

宋書宗室傳

晉平刺王休祐文帝第十三子孝建二年封山陽王後改封晉平明帝忌而殺之

通考封

海陵王休茂文帝第十四子孝建二年封大明時謀反敗死

宋書宗室傳

鄱陽哀王休業文帝第十五子孝建二年封三年薨

通考封

士弘以山陽王休祐子嗣

宋書宗室傳

臨慶沖王休倩文帝第十六子孝建元年封未拜薨

通考封

新野懷王夷父文帝第十七子蚤薨加封

宋書宗室傳



桂陽王休範文帝第十八子孝建三年封順陽王大明元年改封廢帝時反誅通考封

巴陵哀王休若文帝第十九子孝建三年封明帝忌之賜死宋書宗室傳

豫章王子尚孝武第二子孝建元年封西陽王後改封豫章廢帝殞賜自盡通考封

晉安王子勛孝武第三子大明四年封廢帝凶狂長史鄧琬等奉子勛起兵明帝定亂卽位琬等不

受命奉子勛爲帝一歲琬敗見殺年十一宋書宗室傳

松滋侯子房孝武第六子大明四年封潯陽王明帝卽位長史孔覲不受命以子房舉兵應晉王子

勛敗坐貶爲松滋侯後見殺年十一通考封

臨海王子瑱孝武第七子初封歷陽王後改封臨海坐應晉安王子勛事敗賜死年十一宋書宗室傳

始平孝敬王子鸞武帝第八子大明四年封襄陽王又改封新安廢帝卽位見殺時年十歲明帝立

改封始平以建平王景素子延年嗣通考封

永嘉王子仁孝武第九子大明五年封年十歲遇害宋書宗室傳

始安王子眞孝武第十一子通考封

邵陵王子元孝武第十二子宋書宗室傳

淮南王子孟孝武第十六子通考封

東平王子嗣孝武第二十七子以上並爲明帝所殺宋書宗室傳

齊敬王子羽孝武第十四子

通考封建考

晉陵孝王子雲孝武第十九子並未拜而亡

宋書宗室傳

南海哀王子師孝武第二十二子為廢帝所殺

通考封建考

武陵王贊明帝子明帝既誅孝武諸子詔以贊奉孝武為子封武陵郡王順帝昇明二年薨國除

宋書

宗室傳

邵陵殤王明帝子五歲封順帝昇明二年薨無子國除

隨陽王翽明帝子昇明二年封齊受禪降封舞陰縣公

新興王高明帝子齊受禪降封定襄縣公

通考封建考

始建王禧明帝子齊受禪降封荔浦縣公尋並為齊高祖所殺

宋書宗室傳

右宋宗室諸王

武帝受禪之初詔晉氏封爵當隨運改獨置始興廬陵始安長沙康樂五公降始興公為縣公廬陵八為柴桑縣公始安公為荔浦縣侯長沙公為醴陵縣侯康樂公即降為縣侯以奉王導謝安溫嶠

陶侃謝元之祀

宋書列傳

劉穆之東莞莒人武帝建義時為軍吏桓元平以功封西華縣子義熙十三年卒贈南昌縣侯帝受禪以佐命元勳追封南康郡公謚文宣子慮之嗣 邕彪彤坐罪奪爵 彪彤弟紹齊受禪降封南

康縣侯

通考封  
建考

式之穆之中子以從征關洛功封德陽縣侯諡恭

通考封  
建考

徐羨之東海鄉人少與武帝同參祖修軍府帝受禪以佐命功封南昌縣公文帝卽位改封南平郡

公元嘉二年坐罪誅

宋書  
列傳

湛之羨之兄孫以母會稽公主惠封枝江縣侯元凶劼弒逆并害湛之諡忠烈子聿之亦爲元凶劼

所殺孝嗣聿之子襲爵爲廢帝所殺

宋書  
列傳

傅亮北地靈州人武帝受禪以佐命功封建城縣公文帝立進爵始興郡公元嘉三年坐罪誅

通考封  
建考

檀道濟高平金鄉人武帝受禪以佐命功封永修縣公文帝卽位進封武陵郡公元嘉十三年坐罪

誅

宋書  
列傳

韶道濟兄以預討桓元功封巴邱縣侯以功更封宜陽縣

通考封  
建考

祗道濟兄以預舉義封西昌縣侯諡威傳嗣至齊受禪國除

宋書  
列傳

王鎮惡北海劇人以拒虜循功封博陸縣子討劉毅功進封漢壽縣子平姚泓取長安爲沈田子所

殺武帝受禪追封龍陽縣侯諡壯傳國至曾孫暉齊受禪國除

通考封  
建考

朱齡石沛郡沛人以平蜀功封豐城侯姚泓旣平以齡石鎮關中敗於青泥見殺傳國至孫齊禪除

宋書  
列傳

趙石齡石弟以從平姚泓功封興平縣侯後沒於夏見殺

通考封  
建考

朱修之義陽平氏人以討南郡王義宣反功封南昌縣侯諡貞

宋書  
列傳

王元謨太原祁人以討臧質反功封曲江縣侯薨諡莊子深早卒

漬深子嗣

通考封  
建考

元載元謨從弟宋末沈攸之之難元載起義送誠於齊高祖封鄂縣子諡烈

宋書  
列傳

元邈元載弟仕齊高祖封河陽縣侯諡壯

通考封  
建考

劉懷肅武帝從母兄以討桓元建義功封東興縣侯

宋書  
列傳

蔚祖以弟子嗣

道存  
通考封  
建考

懷敬懷肅弟以平廣固盧循功封南城縣男帝受禪以佐命功進爵爲侯諡肅子德願嗣

宋書  
列傳

榮祖懷敬弟子以破魏軍功封都鄉侯

通考封  
建考

亮榮祖從孫以軍功封順陽縣侯

宋書  
列傳

道隆榮祖從子事廢帝封永昌縣侯

通考封  
建考

劉粹沛郡蕭人以從征廣固功封西安縣侯帝受禪以佐命功封建安縣侯子曠之嗣

宋書  
列傳

孫處會稽永興人以討桓元功封新番縣侯薨追封侯官侯

通考封  
建考

蒯思蘭陵承人以討桓元功封都鄉侯後以戰功增封入關沒於夏傳國主孫

宋書  
列傳

向塘河內山陽人以討桓元功封山陽縣侯後以佐命進封曲江縣侯子植嗣

植

通考封  
建考

劉鍾彭城人以平成都廣固功封永新縣男傳國至孫齊受禪除

宋書列傳

虞邱進東海郡人以討孫恩徐道復功封望蔡縣男傳國至曾孫齊受禪除

通考封建考

孟懷王平昌安邱人以討盧循功封陽豐縣男卒無子國除

宋書列傳

龍符懷玉弟以從征廣固功封臨沅縣男

通考封建考

胡藩豫章南昌人以預平司馬休之及廣固功封鳴山縣男諡壯侯子隆世嗣

宋書列傳

劉康祖彭城呂人父虔之相武帝西征爲司馬休之等殺殺贈新康縣男康祖嗣封後從軍北伐敗

死諡壯

通考封建考

道產康祖從弟父簡之以從討桓元功封晉安縣侯道產嗣齒子延孫嗣

宋書列傳

趙倫之下邳僮人武帝起兵以從義功封閭中縣侯帝即位更封青城縣侯諡元子伯符嗣 勗

齊受禪國除

通考封建考

蕭思話南蘭陵人父源之歷徐兗二州刺史封陽縣侯思話襲爵諡穆子惠開嗣 膚齊受禪國除

宋書列傳

臧熹東莞莒人武帝起義功封高陵亭侯

通考封建考

熹熹弟以建義功封始興縣侯子質嗣後坐反誅

宋書列傳

謝晦陳郡陽夏人以佐命功封武昌縣公文帝即位誅徐羨之等晦遂反兵敗死

通考封建考

述晦從弟以從征司馬休之功封吉陽縣五等侯

宋書  
列傳

王弘瑯瑯臨沂人武帝起義以功封華容縣侯帝即位以佐命進封縣公文帝即位以定策封建安

郡公諡文昭子錫嗣

僧亮齊受禪降爲侯

通考封  
建考

曇首弘之弟元嘉初以預誅徐羨之等功沒後追封豫寧縣侯子僧綽嗣

儉齊武受禪以佐命功

更封南昌縣公諡文憲

齊梁受禪降爲侯

宋書  
列傳

王誕弘從祖兄武帝時以佐命封作唐縣侯

通考封  
建考

瑩誕族孫梁武即位以佐命封建城縣公

宋書  
列傳

亮瑩從父弟梁武即位以佐命功封豫寧縣公

通考封  
建考

華誕從祖弟元嘉初以追徐羨之等功追封新建縣侯諡宣子定侯嗣

長

終齊受禪國除

宋書  
列傳

智誕族弟武帝建宋國封建陵縣子

或

續通考封  
建考

王淮之晉尙書僕射彬元孫武帝時以討盧循功封都亭侯

宋書  
列傳

王懿太原祁人武帝時以討盧循功封新淦縣侯子正循嗣

通考封  
建考

到彥之彭城武原人以討盧循功封狼山縣子武帝受禪進爵爲侯文帝討謝晦進封建昌縣公諡

忠子仲度嗣

搗

宋書  
列傳

垣護之略陽垣道人孝武時以討南郡王義宣反功封益陽縣侯

通考封  
建考

崇祖護之弟子齊高祖受禪以佐命功封望蔡侯

宋書列傳

榮祖崇祖從兄齊高祖初以佐命功封將樂縣子

通考封建考

閔榮祖從父以破薛道標功封樂鄉縣男

宋書列傳

張興世竟陵人明帝卽位四方反叛興世以征討功封作唐縣侯

通考封建考

袁湛陳郡陽夏人起兵以從征代功封晉陵縣男諡敬

豹湛弟以參代蜀功追封南昌縣子

淑

宋書列傳

蔡淑從子孝武時以功封興平縣子齊高祖輔政蔡討之不克死

通考封建考

褚裕之太傅袁之曾孫武帝時以佐命功封番禺縣男子恬之嗣

宋書列傳

淵裕之從孫明帝卽位以功封雩都伯齊高祖初以佐命封南康郡公子纂嗣

霽 通考封建考

張永吳郡吳人明帝時以破薛索兒功封孝昌縣侯

宋書列傳

瓌永子齊高祖起兵以佐命封義城縣侯後改封平都侯

通考封建考

稷瓌弟東昏時梁武起兵稷弑東昏迎梁武封江安縣子

宋書列傳

張邵吳郡吳人武帝時以佐命功封臨沮伯子敷嗣

式 通考封建考

冲邵孫以軍功封定襄侯

宋書列傳

暢邵兄子以舉兵討元凶邵功封夷道縣侯

通考封建考

鮮之榮陽開封人武帝時以從征伐封龍陽縣五等子

宋書列傳

顏峻瑯琊臨沂人元凶劼弒道孝武起兵峻以佐命功封建城縣侯後爲帝所殺

通考封建考

師伯峻族兄以預計元凶劼功封平都縣子後爲廢帝所殺

宋書列傳

庾登之潁川鄆陵人以預計桓元功封曲江縣五等男

顧琛吳郡吳人以討元凶劼功封永新縣五等侯

通考封建考

沈演之吳興武康人以從伐蜀功封寧新縣男

宋書列傳

江夷濟陽考城人以豫討桓元功封南郡州陵縣五等侯

通考封建考

沈慶之吳興武康人以討元凶劼功封南昌縣公後爲廢帝所殺諡襄子曇亮嗣齊受禪國除

宋書列傳

之季慶之次子封山陽縣五等伯

通考封建考

明之慶之從父兄子以征伐功封平樂縣五等侯後封東興縣侯齊高祖輔政攸之興兵入討兵敗

續宋書列傳

宗懋南陽涅陽人以征伐功封洮陽侯諡肅子元寶嗣

通考封建考

柳元景河東解人以討元凶劼功封曲江縣公後爲廢帝所殺子承宗嗣

通考封建考

世隆元景弟子齊高祖將移宋祚沈攸之起兵討之世隆以禦敗攸之功封貞陽縣侯諡忠武子恢

詞 昭

宋書列傳



沈世隆子梁武受禪以佐命功封州陵伯諡穆子範嗣通考封

慶遠元景弟子梁武受禪以佐命功封重安侯諡忠惠子津嗣宋書

殷孝祖陳郡長平人明帝時討叛戰死追贈建安縣侯通考封

劉緬彭城人孝武時以討竟陵王反功封金城縣五等侯子悅嗣通考封

薛安都河東汾陰人以討元凶劭功封南鄉縣男後進爵為侯明帝即位叛降魏宋書

宗越南陽葉人孝武時以平竟陵王誕功封始安縣子後進爵為侯廢帝既殞為明帝所殺通考封

吳喜吳興臨安人明帝時以討叛功封東興縣侯後為帝所忌賜死宋書

黃回竟陵人明帝時以討叛功封葛陽縣男後進爵為侯後為齊高祖所殺通考封

吉瀚焉湖池陽人以從征廣固功封建城五等侯宋書

杜幼文京兆杜陵人以軍功封邵陽縣男通考封

杜尋慶交趾朱鵠人以討廬循功封龍縣侯子弘文嗣通考封

卜天與吳興餘杭人以征伐功封關中侯元凶劭弑逆死之宋書

戴法興會稽山陰人孝武討元凶劭以預謀封吳昌縣男後為廢帝所殺通考封

徐爰瑯琊開陽人廢帝時以恩倖封吳平縣子宋書

阮佃夫會稽諸暨人以弑廢帝立明帝功封建城縣侯後坐罪賜死通考封

右宋列侯

齊封尚史闕

齊竟陵王子良開西邸延才俊以為士林自永明末京邑士人盛為文章談議皆為資於西邸

王國有師

王琨為武陵王師時王儉為宰相屬琨用東海鮑爽

理使謂曰語即三臺五省皆是郎用人外方小諮議

張岱歷臨海章郡晉安三王府諮議三王行事舉而情得

齊永明元

齊永

年竟陵王子良表置文學官

公侯置郎中令一人卿餘與晉宋同

建考

衡陽元王道度齊高祖長兄仕宋位安定太守卒齊受禪加封諡無子

鈞以高祖第十一子繼後

為明帝所殺

琅以永陽王子繼子坦

南齊書宗室傳

始安貞王道生高祖次兄仕宋位奉朝請卒齊受禪追封諡後子鸞即位是為明帝追尊道生為景

皇

通考封建考

鳳道生長子仕宋位正員郎卒高帝即位諡靖世子明帝即位追封始安靖王子遙光明帝崩受遺

輔政東昏失道遙光舉兵攻臺城兵敗誅

南齊書宗室傳

鸞是為明帝

通考封建考

綽封安陸昭王

南齊書宗室傳

豫章文獻王凝高帝子帝受禪封武帝即位進太尉凝子子康嗣

元琳梁受禪降封新淦侯

通考封建

考

臨川獻王映高帝子帝受禪封永明七年薨子子晉梁時坐反誅

南齊書宗室傳

長沙威王晃高帝子帝受禪封武帝時薨通考封

武陵昭王晷高帝子帝受禪封隆昌元年薨南齊書宗室傳

安成恭王高高帝子帝受禪封永明元年薨通考封

鄱陽王鏞高帝子帝受禪封明帝既廢鬱林王遂宮鏞

桂陽王鏐高帝子帝受禪封後為明帝所殺南齊書宗室傳

始興簡王鑑高帝子初封廣興郡後改封永明九年薨

江夏王鋒高帝子通考封

南平王鏡高帝子南齊書宗室傳

宜都王鏗高帝子通考封

晉熙王鉞高帝子南齊書宗室傳

江東王鉉高帝子已上並為明帝所害通考封

竟陵文宣王子良武帝第二子帝即位封帝崩受遺詔輔太孫薨子昭胄嗣東昏時謀舉兵事覺誅

南齊書宗室傳

魚復侯子享武帝第四子初封巴東郡王為荊州刺史坐殺臺使誅死貶為侯通考封

安陸王子徹武帝第五子永明中封明帝即位遣人襲殺之南齊書宗室傳

晉安王子懋武帝第七子隆昌初爲江州刺史及明帝輔政誅馮高武諸王子懋欲起兵入討事覺  
見害通考封

陸郡王子隆武帝第八子二十一年遇害南齊書宗室傳

建安王子眞武帝第九子十九遇害通考封

西陽王子明武帝第十子十七遇害南齊書宗室傳

南海王子罕武帝第十一子十七遇害通考封

巴陵王子倫武帝第十三子十六遇害南齊書宗室傳

邵陵王子貞武帝第十四子十五遇害通考封

臨賀王子岳武帝第十六子十四遇害南齊書宗室傳

西陽王子文武帝第十七子十四遇害通考封

衡陽王子峻武帝第十八子十四遇害南齊書宗室傳

南康王子琳武帝第十九子十四遇害通考封

湘東王子建武帝第二十一子十三遇害南齊書宗室傳

南郡王子夏武帝第二十三子七歲遇害通考封

巴陵王昭秀文惠太子第三子十六遇害南齊書宗室傳

桂陽王昭業文惠太子第四子年八歲遇害已上並爲明帝所殺

通考封  
建考

先是高帝武帝爲諸王置典籤帥一方之事悉以委之每至覲接輒留心顧問刺史行事之美惡係於典籤之口莫不折節推奉恒慮弗及於是威行州部權重藩君武陵王暹爲江州性烈直不可忤典籤趙渥之曰今出郡易刺史及見武帝相誣暹遂免還南海王子卑戎瑯琊欲暫游東堂典籤姜秀不許而止還泣謂母曰兒欲移五步亦不得與囚何異秀後輒取子卑屐織飲器等供其兒昏武帝知之鞭二百繫尙方然而擅命不改邵陵王子貞嘗求熊白厨人答典籤不在不敢與西陽王子明欲送書參侍讀鮑偃病典籤吳脩之不許曰應諮行事乃止言行舉動不得自專徵衣求食必須品訪永明中巴東王子享殺行事劉寅等武帝聞之謂羣臣曰子享遂反戴僧靜大言曰諸王都自應豈惟巴東武帝問故答曰夫王無罪而一時被囚取一挺藕一杯漿皆諸籤帥不在則竟日忍渴諸州唯聞有籤帥不聞有刺史竟陵王子良嘗問眾曰士大夫何意詣籤帥參軍范雲答曰諸長史以下皆無益詣籤帥使便有倍本之價不詣謂何子良有愧色及明帝誅異已者諸王見害悉典籤所殺竟無一人相抗孔珪聞之流涕曰齊之衡陽江夏最有意而復害之若不止籤帥故當不至於此

通考封  
建考

按宋齊之制諸王之爲刺史者立長史以佐之旣而復立典籤以制之然大槩多以童稚之年膺方面之寄而主其事者則皆長史典籤也宋蒼梧王以凶狂遇弑明帝嗣位而江州刺史鄧琬不

受命奉晉安王子勛起兵稱帝會稽長史孔覲雍州長史孔道存俱不受命皆奉其王以應晉安未幾兵敗而臣主俱就誅夷而孝武之子孫殲焉及齊明帝以支代宗欲盡除高武之子孫而皆以典籤殺之然則長史典籤之設皆所以禍諸王而當時之居此職者皆輕躁傾險之人或假之以稱亂或賣之以爲功其情雖異而構禍則同童孺無知駢首橫死於鋒鏑鴆毒之下至誓不願生帝王家及乞爲奴以紓死而不可得哀哉

通考封  
建考按

### 右南齊宗室諸王

高帝受禪之初詔諸王皆降爲公自非宣力齊室一皆除國稱置南康華容泝鄉三國仍降爲縣公侯伯滅戶有差以奉劉穆之王弘何無忌之祀除國者凡百一十八人

通考封  
建考

王敬則臨淮射陽人宋明帝時以功封重安縣子齊高祖受禪以佐命功封潯陽郡公後坐反誅齊

書王敬  
則傳

陳顯達彭城人仕宋以軍功封彭澤縣子後進封彭城侯明帝卽位封鄱陽郡公東昏時舉兵反敗

死

通考封  
建考

張敬兒南陽冠軍人高祖起兵以功封襄縣侯後以誅沈攸之功進爵爲公武帝時坐罪誅

南齊書  
列傳

崔慧景清河東武城人高祖受禪以佐命功封樂安縣子後舉兵反敗死

通考封  
建考

李安人蘭陵承人高祖受禪以佐命功封康樂侯諡肅

通考封  
建考

戴僧靜會稽永興人高祖受禪以佐命功封建昌縣侯諡壯

南齊書列傳

柏康北蘭陵承人高帝受禪以佐命功封吳平縣侯

通考封建考

焦度南安氐人以討沈攸之功封東昌縣子

南齊書列傳

曹武下邳人以預平石頭功封羅江縣男高帝受禪改封監利縣諡壯

通考封建考

呂安國廣陵人宋時以功封鍾武縣男高帝即位進爵鄉湘侯諡肅

南齊書列傳

周山圖義興人以討沈攸之功封晉興縣男

通考封建考

周盤龍北蘭陵人宋時以軍功封晉安子高帝起兵改封純陽侯

南齊書周盤龍傳

王廣之沛郡相人宋時以軍功封甯都縣子高帝即位以佐命進爵為侯諡壯子珍國梁武起兵以

佐命封宜陽縣侯

僧度通考封建考

荀伯玉廣陵人高帝受禪以佐命功封南豐縣子後為武帝所殺

南齊書列傳

蘇侃武邑人高帝受禪以佐命功封新建縣侯諡質

通考封建考

江祐濟陽考城人明帝即位以佐命封安陸縣侯後為東昏所殺

通考封建考

劉善明平原人以佐命及征伐功封新塗伯

南齊書列傳

紀僧真丹陽遼康人齊高帝踐祚以佐命功封新陽縣男

通考封建考

茹法亮吳興武康人以權倖封望蔡縣男

南齊書列傳

法真亮從弟東昏時以佞倖進封餘干縣子

通考封建考

### 右南齊列侯

梁封爵亦如晉宋之制諸王皆假金獸符第一至十九諸公侯皆假銅獸符竹使符第一至第五名

山大澤不以封鹽鐵金銀銅鐵錫及竹園別都宮室園圃皆不以屬國諸王言曰令境內稱之曰殿

下公侯封郡縣者言曰教境內稱之曰第下自第下皆稱曰寡人相以下公文上事皆詣典事世子

主國其文書表疏儀式如臣而不稱臣文書下郡官皆言告諸王公侯國官皆稱臣上於天朝皆稱

陪臣有所陳皆曰上疏其公之曰言事

梁南平元襄王暕好學重士四方游士當世知名者莫不畢至齊世有溪宮改爲華林苑賜偉爲宅穿桑種植與賓客遊

其中梁世藩五等諸公位視三公班次之開國諸侯位視孤卿重號將軍光祿大夫班次之開國諸

伯位視九卿班次之開國諸子位視二千石班次之開國諸男位視比二千石班次之開國諸

相公以下則臺各爲選郎中令將軍常侍典書令典衛長

伯子無典衛

典祠以下自選備上諸官多同前

代若王加將軍開府則置長史司馬及記室掾屬祭酒主簿錄事官屬

張綽字孝卿自中軍宣城王長史遷御史中丞武帝使宣

旨曰爲國之急唯在執憲直編用人本不隲升降晉宋代周閔蔡嗣王則唯置郎中令中尉常侍大

農藩王則無常侍制與後漢同

通考封建考

長沙宣武王懿武帝兄齊時爲中書令爲東昏所殺武帝受禪追封諡子業嗣 孝儼 脊

梁書宗室傳

藻業弟封西昌侯 猷藻弟封臨汝侯 韶猷子封上甲縣都鄉侯後襲封長沙王 駿韶弟封南



安侯 明猷弟封貞陽侯武帝既納侯景以明督師北伐兵敗沒於魏至齊宣時遣使送明南還王僧辨納之稱尊號陳霸先襲殺僧辨更立敬帝而廢明齊人徵之通考封

永陽昭王敷武帝兄仕齊爲隨郡內史卒武帝受禪追封諡子伯游嗣梁書宗室傳

衡陽宣王暢武帝弟仕齊位太常封江陵縣侯卒武帝受禪追封諡子獻嗣通考封

桂陽簡王融武帝弟仕齊爲太子洗馬與懿俱遇害武帝受禪追封諡 象以長沙慥梁書宗室傳

臨川靜惠王宏武帝弟仕齊爲王府功曹武帝受禪封普通七年薨子正義通考封

正德正義弟封西豐縣侯後奔魏復還大通四年封臨賀郡王侯景反奉正德僭位景入城並廢而

殺之正則正德弟封樂山侯後坐反誅 正立正則弟封建安縣侯梁書宗室傳

安成康王秀武帝弟仕齊爲太子舍人武帝受禪封薨子機嗣 操通考封

南平元襄王偉武帝弟仕齊爲王府參軍武帝受禪封薨子恪嗣梁書宗室傳

恭恪弟封衡山縣侯 祇恭弟封定襄縣侯 諮偉孫封武林侯 脩諮弟封宜豐侯 泰脩弟封

豐城侯通考封

始興忠武王憺武帝弟仕齊爲外兵參軍武帝受禪封薨子亮嗣梁書宗室傳

暎暎弟封廣信縣侯 暎暎弟封安陸侯通考封

豫章王綜武帝第二子天監二年封後奔魏歿於魏梁書宗室傳

南康簡王績武帝第四子天監七年封大通二年薨子會理嗣後為侯景所殺通考封

通理會理弟封新陽侯 義理通理弟封安樂縣侯通考封

廬陵威王續武帝第五子天監八年封大同時薨子應嗣梁書宗室傳

邵陵攜王綸武帝第六子天監十三年封侯景反以綸為征討大都督討景不克奔鄂州後奔汝南

魏兵攻而殺之 堅綸子封汝南侯 確堅弟封正階侯後並為侯景所殺通考封

武陵王紀武帝第八子天監十三年封大同二年為益州刺史侯景陷臺城紀遣兵入援止於白帝

未幾僭位於蜀元帝遣兵取之紀敗為所殺梁書宗室傳

豫章安王歡昭明太子長子昭明薨封薨子棟嗣侯景廢簡文帝立棟未幾篡位王僧辨討誅景

棟為朱買臣所害通考封

河東王譽昭明太子子中大通三年封湘州刺史侯景反入援至青草湖臺城陷還鎮元帝遣王僧

辨襲殺之岳陽王譽昭明太子子中大通三年封為雍州刺史侯景既克臺城督稱藩於魏元帝既

立魏人入寇譽率眾會之魏取江陵害元帝乃立譽為梁王授以荊州江陵而取其雍州襄陽府 督遂

即帝位仍稱藩於魏即位八年殂諡宣帝子歸立二十四年殂諡明帝子琮嗣立三年朝於隋隋取

其地拜琮柱國賜爵萬公梁書宗室傳

潯陽王大心簡文帝第二子太清元年為江州刺史侯景反遣師入援無功景將任約略地至潯城

二十四史九通文選頁頁全編 卷一百一 南七明 封建 十一約雅堂藏板

二  
大心戰敗以州歸約後爲景所殺

通考封  
建考

臨川王大欵簡文第三子帝卽位封後奔江陵魏克江陵遇害

梁書宗  
室傳

南海王大臨簡文第四子侯景反遇害

通考封  
建考

南郡王大連簡文第五子爲東揚州刺史侯景反入援無功還鎮後爲景所害

梁書宗  
室傳

安陸王大春簡文第六子侯景反遇害

通考封  
建考

桂陽王大成簡文第八子侯景反奔江陵魏克江陵遇害

梁書宗  
室傳

汝南王大封簡文第九子侯景反奔江陵魏克江陵遇害

通考封  
建考

瀏陽王大雅簡文第十二子侯景反發憤感疾卒

梁書宗  
室傳

新興王大莊簡文第十三子

通考封  
建考

西陽王大鈞簡文第十四子

梁書宗  
室傳

武寧王大威簡文第十五子

通考封  
建考

建平王大球簡文第十七子

梁書宗  
室傳

義安王大昕簡文第十八子

通考封  
建考

綏建王大摯簡文第十九子以上並爲侯景所害

梁書宗  
室傳

自漢景武始裁抑諸侯王雖受封連城而不得以擅其土地甲兵至東漢諸侯王惟得食其邑八

而已曾魏則并也入亦鮮薄猜防尤甚卒以孤立速以晉宋齊梁之制諸王皆出爲都督刺史星羅棋布各據強藩蓋將假以事任庶收宗子維城之功而矯孤立之弊然宋齊一再傳而後二明帝皆以旁支入繼大統枝忍特甚前帝之子孫雖在童孺皆以逼見讎其據雄藩處要地者適足以殞其身於典義輩之手而一明亦復享年不永置嗣無狀淪胥以亡不足復議若晉若梁則諸王皆以盛年雄材出當方面非宋齊帝子輩比也然京師有變則俱無同獎王室之忠而各有帝制而天子自爲之志賈趙之亂如問如顯如父如越之徒縱兵不戢屠其骨肉以啟戎狄之禍而神州覆亡侯景之亂如綸如釋如紀如營之徒擁兵不救委其祖父以餒寇賊之口而天倫殄絕矣蓋其初之立制也非不欲希風宗周懲鑒漢魏然世俗險惡人心澆漓齊桓晉文之事尙矣晉梁諸王雖欲求一人如鄭厲公統叔輩而不可得後儒所以疑封建之不可行有由矣

通考封  
建考按

### 右梁宗室王侯

王茂太原郡人武帝卽位以佐命功封望蔡縣公諡忠烈子貞秀嗣後坐反誅

通考封  
建考

曹景宗新野人武帝卽位以佐命功封湘西縣侯諡壯子皎嗣

梁書  
列傳

席闡文安定臨涇人武帝卽位以佐命功封山陽伯諡威

通考封  
建考

夏侯詳譙人武帝時以佐命功封寧都縣侯改封豐城縣公諡景子亶嗣

梁書  
列傳

夔亶弟以征伐功封保城縣侯諡桓子讓嗣

通考封  
建考

蔡道恭南陽冠軍人武帝起兵以佐命功封漢壽縣伯後戰歿於魏傳國至孫固

梁書列傳

楊公則天水西縣人武帝起兵以附從戰伐功封寧都縣侯諡烈子暕嗣

暕通考封建考

鄧元起南郡當陽人武帝起兵以附從功封當陽縣侯諡忠

梁書列傳

張惠紹義陽人武帝起兵以附從功封石陽縣侯諡忠子登嗣

通考封建考

馮道根廣平鄆人武帝時以征戰功封增城縣男後進爵為伯諡威子懷嗣

梁書列傳

康絢華山藍田人武帝起兵以附從功封南陽縣男

通考封建考

昌義之歷陽烏江人武帝時以佐命功封永豐侯諡烈子寶景嗣

梁書列傳

張弘策范陽方城人武帝母文獻后從弟帝起兵以定策功封洸陽縣侯後為賊所害諡閔子緬嗣

通考封建考

續緬弟以尚主封利亭侯

梁書列傳

庾域新野人武帝時以佐命功封廣牧縣子後進爵為伯子子輿嗣

通考封建考

鄭紹叔滎陽開封人武帝時以佐命功封營道縣侯後改封東興侯諡忠子貞嗣

梁書列傳

呂僧珍東海范陽人武帝初以佐命功封平固縣侯子淡嗣

通考封建考

沈約吳興武康人武帝初以佐命功封建昌縣侯諡隱子旋嗣

實梁書列傳

范雲南鄉舞陰人武帝初以佐命功封霄城縣侯諡文子孝才嗣

通考封建考

韋胤京兆杜陵人武帝時以征伐功封梁都子後進爵爲侯諡嚴子放嗣

梁書列傳

裴遠河東聞喜人武帝時以征伐功封夷陵縣子諡壯子政嗣

通考封建考

之高遠兄子以征伐功封都城縣男

梁書列傳

之平之高弟以軍功封費縣侯子忌陳時以軍功封東興縣侯

通考封建考

之橫之高弟以軍功封豫寧侯諡忠壯子鳳寶嗣

梁書列傳

江淹濟陽考城人武帝克石頭以附從功封臨沮縣伯後改醴陵侯諡憲子爲嗣

通考封建考

陳伯之濟陰睢陵人齊時以征伐功封魚復縣伯梁武起兵以附從功進封豐城縣公後反兵敗入

魏旣而復以兵來降

梁書列傳

陳慶之義興國山人以送魏元顥入北功封永興侯諡武子昭嗣

通考封建考

蘭欽中昌魏人天監中以軍功封懷安縣男後改封曲江縣公

梁書列傳

王神念太原祁人本魏潁川太宋與子僧辨據郡歸梁封南城縣侯諡壯僧辨以誅侯景功封永

寧郡公

通考封建考

羊侃泰山梁父人本魏將以兵來降封高昌縣侯子球嗣

梁書羊侃傳

躡佩第三子以手殺侯景功封昌國縣侯

通考封建考

羊鴆仁泰山鉅平人本魏人後歸梁封廣晉侯

梁書列傳

杜簡京兆杜陵人元帝時以附從討侯景功封枝江縣侯後進封公諡武

通考封建考

岸簡兄與簡同歸元帝封江陵縣侯後爲岳陽王晉所殺

幼安簡弟與簡同歸元帝封華容縣侯後爲侯景所殺

通考封建考

合龍簡兄子與諸父歸元帝封中廬縣侯後爲陳霸先所殺

梁書列傳

王琳會稽山陰人以軍功封建寧縣侯陳武帝受梁禪琳降齊後爲陳所攻兵敗見殺

通考封建考

何遠東海郟人梁武踐祚以奉迎功封廣興男

梁書何遠傳

周石珍建康廝隸太清三年以恩倖封南豐縣侯後坐侯景黨伏誅

通考封建考

### 右梁列侯

陳置九等公主有家令之制郡有王嗣王藩王開國郡縣公開國縣侯開國縣伯開國縣子開國縣男沐食侯鄉亭侯關內侯關外侯都陽王之封也追度支尚書蕭贍持節兼太宰告於太廟五嶽佾書王賢持節兼太宰告於太社凡親王起家則爲侍中若將軍方得有佐吏無將軍則無府止有國官皇太子子家曠者封王依諸王起家餘子並封公起家申書郎諸王子并諸侯代子起家給事

王

起家有外散騎侍郎令僕子起家祕書郎若員滿亦爲版法曹雖高半階資級祕書郎下次令僕子起家著作佐郎亦爲版行參軍此外有諸州主簿太學博士國常侍奉朝請嗣王行參軍並起家官

未令發詔

皇弟皇子府置師長史司馬從事中郎並置參軍及掾屬記室等官其嗣王藩王府則遞減

之王國置郎中令將軍常侍典祠令舍人等官其嗣王藩王則遞減其資

諸王府佐等官仍爲清濁或爲選司補用亦有府樂

去留隨意任府之自惟實海宴賞時復備從之更無餘事若鮑府王在州其餘佐等或不備便通考封

衡陽獻王昌陳武帝第二子武帝平侯景拜長城國世子後留荊州魏克荊州遷長安武帝即位遣通考

人請之未遷武帝崩乃歸文帝立使人迎昌濟江於中流頌之無子大康初文帝詔以第七子伯信

嗣其位奉祀之陳書宗室傳

南康愍王曇邵武帝母弟忠壯王休先之子齊兵逼建康遺賈於齊後為齊所害武帝受讎追封諡

子方泰嗣後坐罪削爵土陳亡入隋為掖縣令方慶方泰弟封臨汝縣侯通考封建考

始興王伯茂文帝第二子帝即位以伯茂襲封始興王嗣伯父昭烈王道該後臨川王廢伯茂坐降

為溫麻侯

鄱陽王伯山文帝第二子天嘉六年封禎明三年薨陳書宗室傳

新安王伯固文帝第五子天嘉六年封後與始陵王謀反誅通考封建考

晉安王伯恭文帝第六子天嘉六年封陳亡入長安後為成州刺史梁書宗室傳

廬陵王伯仁文帝第八子天嘉六年封陳亡卒於長安

江夏王伯義文帝第九子天嘉六年封陳亡入長安道卒通考封建考

武陵王伯禮文帝第十子天嘉六年封陳亡入長安後為臨洮太守陳書宗室傳

永陽王伯智文帝第十二子太建中封陳亡入隋後為國子司業通考封建考



桂陽王伯謀文帝第十三子太建中封陳亡入隋後爲番禾令

陳書宗室傳

始興王叔陵宣帝第二子太建元年封宣帝崩叔陵反以刃傷太子伏誅

通考封史考

豫章王叔英宣帝第三子太建元年封陳亡入隋後爲涪陵太守

陳書宗室傳

長沙王叔堅宣帝第四子太建元年封陳亡入隋後爲遂寧郡守

通考封史考

建安王叔卿宣帝第五子太建四年封陳亡入隋後爲上黨郡守

陳書宗室傳

宜都王叔明宣帝第六子太建五年封陳亡入隋後爲鴻臚少卿

通考封史考

河東王叔獻宣帝第九子太建五年封陳亡入隋爲汝城令

陳書宗室傳

新蔡王叔齊宣帝第十一子太建七年封陳亡入隋後爲尚書主客郎

通考封史考

晉熙王叔文宣帝第十二子太建七年封隋師渡江叔文以巴州先送款授開府宜州刺史

陳書宗室傳

淮南王叔彪宣帝第十三子太建八年封陳亡卒於長安院

通考封史考

始興王叔重宣帝第十四子叔陵爲逆誅立叔重嗣昭烈王後陳亡入隋後爲太府少卿

陳書宗室傳

溥陽王叔儼宣帝第十五子後主時立陳亡入隋卒

通考封史考

岳陽王叔慎宣帝第十六子太建十四年立隋師渡江爲湘州刺史拒戰死之

陳書宗室傳

義陽王叔達宣帝第十七子太建十四年立陳亡入隋爲絳郡通守後仕唐至禮部尚書

通考封史考

巴山王叔雄宣帝第十八子太建十四年封陳亡卒於長安

陳書宗室傳

武昌王叔虞宣帝第十九子太建十四 封陳亡入隋後爲高苑令

通考封

湘東王叔平宣帝第二十子至德元年封陳亡入隋後爲胡蘇令

陳書宗室傳

臨賀王叔敷宣帝第二十一子至德初封陳亡入隋後爲儀同三司

通考封

陽山王叔宣宣帝第二十二子至德初封陳亡入隋爲涇城令

陳書宗室傳

西陽王叔穆宣帝第二十三子至德初封陳亡卒長安

通考封

南安王叔儉宣帝第二十四子至德初封陳亡卒於長安

陳書宗室傳

南郡王叔澄宣帝第二十五子至德初封陳亡入隋爲靈武令

通考封

沅陵王叔興宣帝第二十六子至德初封陳亡入隋爲給事郎

陳書宗室傳

岳山王叔韶宣帝第二十七子至德初封陳亡入隋卒於長安

通考封

新興王叔純宣帝第二十八子至德初封陳亡入隋後爲河北令

陳書宗室傳

巴東王叔謨宣帝第二十九子至德四年封陳亡入隋爲鶉觚令

通考封

臨海王叔顯宣帝第三十子至德四年封陳亡入隋爲鶉觚令

陳書宗室傳

新會王叔坦宣帝第三十一子至德四年封陳亡入隋爲涉縣令

通考封

新寧王叔隆宣帝第三十二子至德四年封陳亡入隋卒於長安

陳書宗室傳

新昌王叔榮宣帝第三十三子禎明時封陳亡入隋爲內黃令

通考封

二十四史九通政典綱要卷編

卷一百一

南北朝

封建

十五 約雅堂藏板

太原王叔匡宣帝第三十四子禎明時立陳亡入隋爲壽光令

通考封建考

始安王深後主第四子至德初封後廢太子允立深爲太子陳亡入隋爲枹罕太守唐武德初爲秘

書丞

陳書宗室傳

吳興王允後主長子初立爲皇太子後廢爲吳興王陳亡入隋卒於長安

通考封建考

南平王彊後主第二子至德初立陳亡卒於長安

陳書宗室傳

永嘉王彥後主第三子至德初立陳亡入隋爲襄武令

南海王虔後主第五子至德初立陳亡入隋爲涿令

通考封建考

信義王祗後主第六子至德初立陳亡入隋爲通議郎

邵陵王敷後主第七子禎明初立陳亡入隋爲國子監丞

陳書宗室傳

會稽王莊後主第八子至德初立陳亡入隋爲昌隆令

東陽王怡後主第九子禎明二年立陳亡入隋爲通議郎

通考封建考

吳郡王藩後主第十子禎明二年封陳亡入隋爲任城令

陳書宗室傳

錢塘王恬後主第十一子禎明二年封陳亡卒於長安

通考封建考

江左承西晉諸王開國並以戶數相差爲大小二品大國置上中下三將軍及置司馬一人次國置中下

一將軍小國置將軍一人餘官亦准此爲差武帝受命自承定訖於禎明唯衡陽王昌特加禮

陳書宗室傳不拘年別

命至五千戶自餘大國不過二千小國則千戶云

通考封  
建考

陳亡諸王隨後主入長安並配隴右及河西諸州各給田業以處之大業二年隋煬帝以後主第六女嫺爲貴人絕愛幸因召陳氏子弟盡還京師隨才敘用由是並爲守宰偏於天下

通考封  
建考

### 右陳宗室王侯

杜僧明廣陵臨澤人以討侯景功封臨江縣侯諡威子晉嗣

通考封  
建考

周文育義興陽羨人以討侯景功封南移縣侯後進封公爲熊曇朗所害諡忠愍子寶安嗣

陳書  
列傳

侯瑱巴西充國人以討侯景功封康樂縣公後進封零陵郡公諡壯肅子淨藏嗣

通考封  
建考

侯安都始興曲江人以討侯景功封富川縣子後改封西江縣公文帝卽位以佐命功進封清遠郡

公後坐罪賜死子重嗣

陳書  
列傳

歐陽履長沙臨湘人以征伐功封始興縣侯文帝卽位改封陽山郡公諡威子紇嗣後舉兵反敗誅

通考封  
建考

黃法氐巴山新建人以軍功封巴山縣子後進爵爲郡公諡威子玩嗣

陳書  
列傳

瀟子量濟北人以軍功封廣晉縣男後進封始安郡公

通考封  
建考

章昭達吳興武康人以軍功封欣樂縣侯後進封邵陵郡公子太寶嗣

通考封  
建考

吳明徹秦郡人宣帝時以佐命功累封至南平郡公後拒周師敗沒於長安子懸覺嗣

陳書吳  
明徹傳

胡穎吳興人以從軍功封漢陽縣侯諡壯子商嗣

通考封

徐度安陸人以戰功封廣德侯後進封湘東郡公諡忠肅子敬成嗣

陳書  
列傳

杜稜吳郡錢塘人文帝卽位以預建立功封永城縣侯諡成子安世嗣

通考封

周鐵武不知何許人以戰功封純陽縣子後進爵侯子瑜嗣

通考封

程靈鈺新安海寧人以征伐功封遼安縣侯後進封公諡忠壯子文季嗣

響

通考封

沈恪吳興武康人以戰功封東興侯諡光子法興嗣

通考封

陸子隆吳郡人以戰功封益陽縣子後進爵爲侯諡威子之武嗣

陳書  
列傳

子才子隆弟以戰功封康縣子

通考封

錢道戢吳興長城人以平張彪功封永安縣侯諡肅子邈嗣

陳書列  
侯傳

駱文吳興臨安人以戰功封臨安縣侯諡法子義嗣

通考封

孫瑒吳郡吳人以軍功封富陽侯諡桓子訓嗣

陳書列  
侯傳

徐世譜巴東魚復人以討侯景功封魚復縣侯諡桓

通考封

周敷臨川人以拒侯景功封西豐縣侯後爲周迪所害子智安嗣

陳書列  
侯傳

荀朗潁川穎陰人以戰功封興寧縣侯諡壯子法尙嗣

通考封

周良汝南安成人以軍功封西陵縣伯後進封武昌郡公諡壯

通考封

魯悉達扶風郡人以晉熙等五州歸附功封彭澤縣侯諡孝子覽嗣

陳書列傳

廣達悉達弟以軍功封中宿縣侯隋軍渡江力戰死之

通考封建考

蕭摩訶蘭陵人以軍功積封至綏建郡公隋軍渡江戰敗被擒後與漢王諒作逆誅

陳書列傳

任忠汝陰人以戰功封安福縣侯隋師渡江忠降隋

通考封建考

樊毅南陽湖陽人以戰功封夷道縣伯後進爵爲侯陳亡入隋

陳書列傳

趙知禮天水隴西人以從討侯景功封始平縣子後進爵爲伯諡恭子元恭嗣

通考封建考

蔡景歷濟陽考城人文帝卽位以定策功封新豐縣子後進爵爲侯諡忠敬子徵嗣

陳書列傳

華皎晉陵暨陽人文帝時以佐命功封懷仁縣伯進封公後降梁

通考封建考

毛喜滎陽武陽人宣帝時以定策功封東昌縣侯子處沖嗣

陳書列傳

沈君理吳興人以尙主及后父封望蔡縣侯諡貞憲

通考封建考

沈炯吳興武康人以從王僧辨討侯景功封原鄉侯諡恭

通考封建考

蕭濟東海蘭陵人以預平侯景功封松陽縣侯

陳書列傳

司馬申河內溫人以討始興王叔陵功封文招縣伯

通考封建考

右陳列侯

